

მანთხვანცცა.

ურთგა ღა გეღნიერება

თარგმანი

მოსე ნინიძისა

© კილადის და ამხ. სტამბის გამცემსა. ©




გ ა თ უ მ ი

ქილადის და ამხ. სტამბა ❖ ტИПОГРАФИЯ КИЛАДЗЕ И К°

1901

სამ წიგნის ავტორი, პაოლო მანტეგაცცა არის იტალიის ერთი თანამედროვე უნაყოფიერესი მწერალი. კითხვები, მის მიერ წამოყენებულნი ლიტერატურაში, ეხებიან ანტროპოლოგიას, სოციოლოგიას და გიგინას. მისი ნაწერები, რომელთაგან უმრავლესობა გადათარგმნილია ყველა ევროპიულ ენებზე, ანდამატურის ძალით იზიდავენ როგორც საშუალო და უმაღლესად განათლებულ ადამიანებს, ისე მღაბიო მკითხველსაც. ამისი მიზეზი არის ავტორის პოპულიარული ნიჭი. რუსულ ლიტერატურაში ბ. მანტეგაცცას ნაწერებში ყველაზე უფრო გავრცელებულია ჩვენ მიერ ნათარგმნი „შრომა და ბედნიერება“. ამ წიგნში განსაკუთრებითი ყურადღება ჩვენ მივაქციეთ იმ ადგილებს, რომელნიც საკმაოდ ახასიათებენ შრომას და მისგან წარმოსობილ ბედნიერებას. ამ მოსაზრებით ჩვენ გამოვეტოვეთ 8, 9, 10, და 11 თავი. ზოგ ადგილას ჩვენ ვიხმარეთ უცხო სიტყვები, *) რათა მკითხველისათვის შეძლებისა და გვარად ნათლად გადაგვეცა დედანის „სული“ და ხასიათი.

მ. ნინიძე



*) უცხო სიტყვების ასსსა ისილე წიგნის ბოლოში.

ობისა და გამოურკვეველი „ხეტიალის“ დროს, ჩვენ გვემართება, გვემთხვევა ცხოვრების უბედურება; ჩვენ ვკარგავთ ერთად ერთს გზას, რომელსაც ბედნიერებისკენ მივყევართ, და რომელიც მდგომარეობს ბუნების შეუცვლელ კანონების დამორჩილებაში.

ქვეყანა გაჩენილია ჩვენამდე და უჩვენოდ. ჩვენ კი, მისი დროებითი შვილები, უცებ შთაგვარდით ათას ნაკლულევიანებასა და სიმახინჯეს წორის. რა უნდა ვქნათ: არც გასწორება, არც გარდაქმნა ჩვენ არ შეგვიძლია. დაგვრჩენია ერთი, რომ უნდა მივიღოთ ბუნების უკვე დაწესებული ფაქტები და გამოვიტანოთ სარგებელი იმ ძალებიდან, რომელთაც ბუნება გვაძლევს ჩვენს უფლებაში. ნაკლულევიანებანი ბევრია, მარა ადამიანი ტრიალებს ვეებერთელა ჰორიზონტში, აქვს ნაყოფიერი მინდვრები და ყვავილოვანი ბაღები,—ღრუბლები, ცა—ეგ ყველაფერი ადამიანს უხატავს ბუნების უსაზღვროებას, იპყრობს მას სულით ან ხორციით, ჰგლეჯს ყოველდღიური ტალიხიდან და მიაქვს პოეზიისა და იდეალისაკენ. და როდესაც ადამიანს აქვს მინდორი დასამუშავებლად და ცა საცნებოდ, როდესაც მას აქვს არსებითი პური დღეისათვის და უსაზღვრო იმედი ხვალეზე, როდესაც მან მისი ოჯახისთვის უკვე მოაწყო თბილი ბუდე—განა ის არ არის მაშინჯუბედნიერესი ქმნილება?... განა ის ბატონი არ არის თავის პლანეტაზე, განა მას მეცნიერების შემწეობით არ შეუძლია მისწვდეს

იმ საოცნებო კუთხეებს მსოფლიოსი, სადაც მხოლოდ პოეზიის ფრთებით დაფრინავენ. მაგრამ ადამიანი რომ ბედნიერი იყოს, ის უნდა იყოს ინტელექტუალური და ბუნების ყურმოჰრილი მონა ბუნების გარედ არ არის ხსნა. ყველა ცოდვები, ყველა ფიზიკური და ზნეობრივი ტანჯვანი წარმოსდგებიან იმისგან, რომ ადამიანი ბუნების უცვლელს კანოს (KONSTANZ) არღვევს. ბუნებრივია პატიოსნური სურვილი ადამიანისა, ბუნებრივია ადამიანის სურვილი შრომისა, ბუნებრივია მიდრეკილება თავისი თავის გაუმჯობესებისა; მაგრამ ყოველივე უპატიოსნება, სიზარმაცე და გახრწნილება (ზნეობრივი) სძაგს ბუნებას, და ის, როგორც შეუწყნარებელი, მაგრამ სწორი მოსამართლე, სჯის დამნაშავეს, და სჯის მით, რომ მას სინიღისი აწუხებს და თითონვე სძულდება თავისი თავი. მრავალი სოციალური ავადმყოფობანი, რომელთა განკურნა ჩვენ ეხლა არ შეგვიძლიან, თავის თავად იკურნებიან მაშინ, როცა ადამიანი სწავლობს ბუნების წიგნის კითხვას და ბრუნდება იმ გზაზე, რომელზედაც ბუნება დიდი ხანია იწვევს მას.

ერთი საზოგადო კანონთაგანი ბუნებისა—ეს არის შრომა, და ვინც მოინდომებს ამ კანონის დარღვევას, ის იქმნება აჯანყების მოთავე და დაისჯება წესიერად თვით ბუნებისგან, ან სხვა ადამიანებისგან, ან ორივესაგან ერთად, ეს სასჯელი კი ხშირად ძნელია.

როდესაც მე ბავშვი ვიყავი, დედაჩემი, ძლიერ

შრომის მოყვარე ქალი, ხშირად მეუბნებოდა: „ჩემო შვილო, იმუშავე; შრომა—ქვაკუთხედია ზნეობისა და საუკეთესო კმაყოფილება ცხოვრებაში“. მაგრამ მე მაშინ ნამდვილი „მუქთა ხორა“ ვიყავი. მეცადინეობა მეჩვენებოდა რაღაც აუტანელ ტვირთად, რომელიც ვითომ სასჯელად იყო დაწესებული.

მიდიოდნენ წლები. მასწავლებლის ჩემზე ჩივილს საზღვარი არ ჰქონდა. დედა მუდამ „მემუდარებოდა“. მე მაინც გაჯიუტებული ვიყავი. მაგრამ ეგ სიბნელე ცოტცოტა გაჰქრა და ჩემს თავში სინათლის სხივებმა შეაშუქეს, იმ სინათლის, რომელსაც ადამიანის ჰკვა ეწოდება. ეგ დრო მე დიადის სიხარულით და მღელვარებით მაგონდება, რადგან ამ დროდგან მე შევიქენი ადამიანი, რომელსაც შემდეგ ერთი საათიც კი არ უტანჯნია,—და ამიტომ ხშირად უშიშრად ვამბობ, რომ მე— ბედნიერი კაცი ვარ....

მე უკვე ჰაბუკი ვიყავი, ახალგაზრდობა ფეთქდა ჩემ გულში. აპრილის დღე იყო. მე, ჩვეულების წინააღმდეგ, რიჟრაჟზე გამომადვიძეს წინაღამის საზარელმა სიზმრებმა. აღელვებული ავდექი, ბაღში გამოვედი და მთელი მკერდით ვსუნთქავდი ყვავილების, გამოღვიძებული ბალახების და მცენარების სურნელებას. მე შევჩერდი ერთი მეტად ლამაზი ყვავილის წინ და შტოს სწორება დავუწყე. რამდენი ცოცხალი

არსება ფუსფუსებდა ჩემს გარშემო! რამდენს გაეღვიძათ ჩემზე აღრე! და ისინი ხომ ყველა მუშაობდნენ!...

დაუღლეელი ფუტკრები ყვავილიდგან ყვავილზე ფრინავედნენ და ჰპარავდნენ მათ ნაყოფიერს მტვერს (ПЫЛЬ) და სურნელოვან წვეწვებს, კრაზანები ღურგლობდნენ თავინთი მაგარი იარაღებით. მთელი გროვა ბუზებისა ცოცავდა ფოთლებზე და სკამდა რბილ ნაწილებს.

ჩემი ყურადღება სრულიად მიიპყრო ერთმა ვარდის ბუჩქმა; მწვანე გაუმაძლარი ჭიები ხრავდნენ ფოთლებს და კვირტებს, უნდოდან შუა გულში შემძრალიყვენ და იქიდგან ყველაფერი გამოეწეწნათ; ჭიანჭვლები გარბოდნენ საჩქაროდ სამუშაოდ. ყვავილოვანი სუმბულის ბუჩქში მხიარულად ფრთხილებდნენ სხვა და სხვა ფერი პეპლები და ეჩქარებოდნენ თავლის შეგროვებას. რამდენი ხმაურობა, რამდენი მოძრაობა, რამდენი საქმიანობა იყო ამ მფრინავ და მცოცავ მწერთა სამეფოში!....

მე ჩამოვჯექი ხის სკამზე და იდაყვ დაყრდნობით დავეყურებდი დედა მიწას; თავში კი სულ ერთი და იგივე აზრი მიტრიალებდა. ყველა ეს ათას გვარი მწერები დაუღალავად მუშაობდნენ; ყველა შრომობდა, რომ თავისის და თავისი ოჯახისთვის სარჩო ეშოვნა; ვინ თავღის აგროვებდა, ვინ სახლის ასაშენებელს მასალას შოულობდა, მაგრამ ყველა კი შრომობდა.

ბდა... ამ წუთში ყველაზე უფრო ძლიერად გამიწკრიალა ყურებში დედის სიტყვებმა: „ჩემო შვილო, იშრომე!..“

რამდენიმე წუთის შემდეგ შევნიშნე, რომ შორიახლო ორი გროვა ქიანქველებისა თავგამოდებით ფუსფუსებდნენ, წინ და უკან დარბოდნენ. ზოგს პირში ჩალის ღერი მიჰქონდა, ზოგი ფოთლებს მიათრევდა, ზოგი მარცვლებს ებლაუჭებოდა—ესენი ნელნელა მიდიოდნენ; ისინი კი, ვინც დატვირთული არ იყვენ, უფრო ჩქარა მიეშურებოდნენ, სარჩოს ეძებდნენ. და ქიანქველებიც შრომობდნენ!. გავაყოლე თვალი ამ პროცესიას და ყურძნის ბუჩქთან შევნიშნე მებაღის მიერ მოკლულის ფულუს სხეული. ის გულ აღმა იდვა და ტუჩი უკვე სრულიად გაღურჯებოდა. მე გაკვირვებულმა შევნიშნე, რომ ეგ მკვდარი სხეული მოძრაობდა, ზევით მიდიოდა რაღაც ძალით. მე დავაკვირდი: ფულუ ექანავებოდა, მარა ეგ მამოძრავებელი ძალა კი დამალული იყო. მივეპარე. ერთი წუთის შემდეგ გამოძვრა გრძელ ულვაშებიანი თავი მშვენიერი „მესაფლავისა“; მას გამოჰყვა მეორე, მესამე, მეოთხე. მთელი ოჯახობა დაშალულიყო ფულუს ქვეშ: იქ ისინი კვრეცხებს დასდებენ. აქაც შრომობდნენ.

ბალიდგან მე გამოველ მინდორში. აქ ისმოდა მზიარული ჭყვილი მერცხლებისა, რომლებიც ბუდეს აშენებდნენ. აქაც შრომობდნენ. და ყურებში

ხელახლა გამიეღვა დედის სიტყვებმა: „შვილო ჩემო, იშრომე!“

მე დიდხანს დავდიოდი გზებზე, ბილიკებზე, და ბოლოს სრულიად დაღლილი დავეგდე პატარა გორაკზე, რომელიც ხავერდისფერი ხავსით იყო შემოსილი. მე სრულიად დავწვევი ამ ხავსზე, თითქოს მინდოდა მოვხვევოდი დედამიწას, დავახლოვებოდი ბუნებას, რომელიც საესე იყო სიცოცხლით და საქმიანობით. მე ავწიე ერთი ქვა და მის ქვეშ ვნახე მთელი სამეფო უთვალავ პატარ-პატარა არსებათა. მთელი მათი გროვა რაღაც გაღერებს აკეთებდა. და აქაც, ამ ქვას ქვეშ დულდა მუშაობა, აქაც, უხილავი მწერებიც ბრძოდნენ ცხოვრებისთვის. უცებ მომესმა მინდვრიდგან სიმღერა და თოხ-ბარის ცემა. და დავინახე გლეხის ოჯახობა, რომელიც სამუშაოდ გამოსულიყო. ყველაფერი, რაც მე დღეს ვნახე, ჩემთვის ერთ დიდ მწყობრივ კონცერტად შეერთდა. მე ვხედავდი, რომ ჩემს გარშემო ყველაფერი სულს იდგამდა, და უცებ გადავედი რაღაც უცნობ ქვეყანაში. მთელი მსოფლიო მე წარმომიდგა ერთ ვეებერთელა სახელოსნოდ, სადაც არც ერთი ატომი არ რჩება უმოძრაოდ, სადაც ჰაერი და მზე, მცენარეები, მწერები, ფრინველები, და ადამიანები მხოლოდ მუშები არიან და ემორჩილებიან უსიტყვო ბრძანებას გამოურკვეველის მეუფისა. შეიძლება, მზე უბრძანებდეს სხვა ქვეყნიურ ქმნილებათ მუშაობას და მოძ-

რაობას, მაგრამ განა ის შრომის მაგალითს არ იძლევა ზეციურ სივრცეში მუდმივი ტრიალით? განა ნათელი, რომელიც მზისგან გამოდის, უსაქმოა? განა ის არ აძლევს სიმწვანეს ფურცლებს და მწერებს სხვა და სხვა ფერს? განა ის სითბო, რომელიც ტყავიდგან სხეულში შედის და სიამოვნებას გვაგრძნობინებს, განა ესეც შრომის სხვა გვარი ფორმა არ არის?..

მცენარეები, რომლებითაც დედამიწა სულ მოფენილია, უთვალავი გელიოტროპები და ხავსები, განა ესენი არ ისუნთქავენ და აქრობენ ჰაერიდგან ცხოვლებისათვის მათე გაზს; ყოველი დაძველებული ატომი ქვისა იხრწნება და ნიადაგს აკეთებს; ჰაერი შედის ქვაში და შლის მას. მაშასადამე მუშაობენ ქვებიც, ჰაერიც, ნათელიც და სითბოც. განა არ შეგვიძლია, რომ მცენარეს ქიმიური ან ფიზიკური ლაბორატორია ვუწოდოთ? ძირები მცენარისა სწმენდენ დედამიწის წვეს და ნელნელა სვამენ დილის ცვარს; ფურცლები, ჰაერთან ბრძოლის დროს, ასუფთავებენ მას, ისუნთქავენ რა ცხოველების მიერ ამონასუნთქ წამხდარ ჰაერს,—ასე რომ ყოველი მწვანე ატომი არის დასაწმენდი და დასარღვევი მანქანა. თვითვეულ ყვავილში, თვითვეულ ხეში—ათასი მილიონი ფილტრები სწმენდენ სხვა და სხვა ზეთებს და წყლებს; შტოების ღრმა ძარღვებში ნელნელა ბრუნავს სიციცხლე. და ყველაფერი ეს რომ ერთად ავიღოთ, ეს იქმნება ერთი დიდი სახელოსნო, ერთი დი-

დი მექანიზმი, მუდამ მოძრაობაში მყოფი. მაშასადამე, მუნჯი, უმოძრაო მცენარეებიც მუშაობენ, მუშაობენ მუდამ, დაუსვენებლივ.

ბუნების მწვანე საფარს ქვეშ ასევე ბეჯითად მუშაობს მეორე სახელოსნო, უფრო ხმიანი, უფრო მოძრაო, უფრო საქმიანი რაზმი არსებათა, — და ყველა ესენი იბრძვიან არსებობისათვის. ზოგი მათგანი თხრის, ზოგი ინახავს; ზოგი ათრევს, ზოგი მკის; ვინ ხუროა, ვინ ღურგალი, ვინ მეკუბოვე და მესაფლავე. მაგრამ ყოველგან და ყველაფერში მეფობს შრომა, მოძრაობა, საქმიანობა.

ამ ბუნების თვალჩინების დროს მე მეორე კანონიც შევამჩნიე: რამდენი რთულია არსება, იმდენად უფრო სრულია მისი მექანიზმი, და ამასთან ერთად მრავალგვარია მისი მოქმედება — მოძრაობა: ქვა იხრება და იშლება, მცენარე იკვებება და ნაყოფს იძლევა; მწერი იკვებება, მოძრაობს, იძლევა სითბოს, და ამ გვარად მიდის ადამიანამდინ, რომელიც იკვებება, მოძრაობს, აზროვნობს, ხედავს და იგებს გარშემო ბუნებას, ცნობილობს მის ძალებს და იპყრობს მათ. ის შექმნილა თავად ამ ქვეყნიური სახელოსნოსი, მაგრამ ყველაზე მეტს მუშაობს, და მისი შრომა ნთქავს ყველა სხვა ცხოველ არსებათა შრომას.

მე ვიმყოფებოდი რალაც უსაზღვრო მოძრაობის გრიგალში და ვგრძნობდი, რომ ეგ გრიგალი თან-

დათან უფრო მიწვევდა თავისაკენ. შრომა მე წარმო-
მიდგა ცხოვრების სინონიმად, და ცხოვრება მით
უფრო მშვენიერი მეჩვენებოდა, რამდენად ის მეტს
შრომას თხოულობდა. და ეხლა უფრო ძლიერად
გამიელვა თავში დედის სიტყვებმა: „ჩემო შვილო,
იშრომე!“ — მე მეგონა, რომ მზის სხივები, ჰაე-
რი, სინათლე, ქვები, ბალახები და უთვალავი გროვა
ცხოველებისა — ყველა ესენი შემლალდებდნენ: „ადა-
შიანო, იშრომე!“

ამ დღიდან მე შრომა უკვე ტვირთად კი არ
მეჩვენება, მე ის მიმაჩნია ცხოვრების საგნად, და
ეხლა, როდესაც სრულიად მოეხუცდი, ყოველ დღე
და ყოველ საათში ვიგონებ დედა ჩემს, რომელმაც
მასწავლა ერთი უძვირფარესი სიკეთეთაგანი ცხოვ-
რებისა — შრომა. მე ყოველთვის სიხარულით ვიგო-
ნებ აგრეთვე იმ აპრილის დილას, როდესაც ბუნე-
ბამ, თითქოს დედაჩემის სიტყვები გაიმეორა, ჩამა-
გონა, რომ შრომა ცხოვრების კანონი არისო. —

მეცნიერება ყოველ დღე გვეუბნება ჩვენ, რომ
ნივთიერება იმყოფება მუდმივ ბრუნვაში — მოძრა-
ობაში, რომ უფრო ძლიერი გამოხატულება
ცხოვრების მოვლენათა არის მოძრაობა. სითბოც —
მოძრაობაა, ნათელიც მოძრაობა; ელექტრონული
და ანდამანტის ძალებიც მოძრაობის სხვა და სხვა
ფორმა არის. ნივთიერება უმოძრაოდ არავის შეუ-
ძინებია ჯერ. შრომა არის ცხოვრება, ცხოვრება

არის შრომა. ერთი არის აზრი, მეორე კი ამ აზრის გამოხატულება.

ადამიანს არ შეუძლია არც კვება, არ შემოსევა თავისი თავისა, არც სახლის სახურავის შესწორება, თუ მან არ იშრომა, არ დაიღალა. და ყოველს მის მიდრეკილებაში კეთილისა, მშვენიერისა და დიადისამდი ის ხელავს თავისი შრომის დაფასებას. მოძრაობა ცივილიზაციისა მისი ვეებერთელა რთული მექანიზმით არის მხოლოდ წარმოუდგენელი შრომა, რომელშიდაც ამა თუ იმ მონაწილეობას ღებულობენ ყველა ადამიანები დედა მიწაზე; და ვინც მეტს და უკეთესად მუშაობს, ის მეტს მკის პროგრესის ნაყოფს. როგორც ბუნებაში ყოველივე ატომი მიზიდული სხვა და სხვა ცენტრებით, მოძრაობს, სწორედ ამ გვარადვე ადამიანიც—ეს საზოგადოებრივი ატომი, დიადი საზოგადოებრივი ცენტრებითვე მიზიდული—მონაწილეობას იღებს მოძრაობაში, და რამდენად მეტს მოძრაობს, იმდენად მეტი ვითარდება მაში ძალა და ძლიერება.

ჟარყოფა, დაგმობა, ზურგის შექცევა შრომისა—ეგ ნიშნავს ცხოვრების ჟარყოფას. თუ თქვენ ინებებთ და გამომყვებით კვალ და კვალ, ამ წიგნის ფურცლებზე დაინახავთ, თუ რამდენი მადლი იმალება შრომაში, რამდენი სიხარულის და კმაყოფილების მოტანა შეუძლია შრომას ადამიანისთვის.

თავი II.

თიშკა შრომისა, შრომა-ჯანმრთელობაა.

გიგეინიღგან.—ვინც მუშაობს, ის მსიარულთა; ვინც მსიარულთა, ის კარგადაც არის.—შრომა ფიზიკური—მისი მოქმედება.—შრომა სკეუთ და მისი გაუგენა—მოქმედება ჯანმრთელობაზე.—დიდებულნი მუშაკნი დიდსანს ცოცხლობენ.—სტატისტიკური ცნობანი.—დიდებულნი ქალები მე-18 საუკუნისა.—მეტასტაზიო და პალისსო.—ამაყი ანკეტილი ხაპოლეონზე უფრო მდიდარია.—ნიუტონი და ფონტენელი.—აკადემიოფი დიდებულთა კოლტერი.—იმპერატორი აგუსტი.—რენი და გობბსი.—მშრომელი კვიკურელი.—მიქელ ანჯელო, ტიციანო, გალილეი და კანტი.—ვინ უფრო ბედნიერია ადამიანებში?

ვინც ფიქრობს სიზარმაციით გააუმჯობესოს თავისი ჯანმრთელობა, ის ისე სულელურად იქცევა, როგორც ადამიანი, რომელსაც მუდმივი სიჩუმით უნდა მკვერმეტყველი გახდეს.

პლუტარხი.

სიტყვების და ფრაზების დრო გაჰქრა—ეხლა საქმეა საქირო.

ფონტენელი.

ხანმოკლე სიცოცხლეს ჩვენ არავინ არ გვაძლევს, მხოლოდ ხშირად თვითონ ვქმნით მას. სენეკა.

თუ ცხოვრება შრომა არის, იმ შემთხვევაში ჯანმრთელობას—საუკეთესო გამოხატულებას შრომისა—უნდა დავარქვათ შრომის შეილი, შრომის ნაყო-

ფი. და მართლაც, ყველა დროების გამოცდილებამ დაამტკიცა, რომ ჯანმრთელობა შრომაშია. როდესაც დიდებული მუშაკების ცხოვრებას ვკითხულობთ, ჩვენ ვცვიფრდებით იმ გარემოებით, რომ ისინი, — ხშირად უძლურნი და სუსტი აგებულებისანი ახალგაზდობაში — სრულს მოხუცებულობამდე სცოცხლობენ. აგრეთვე თუ თვალს მივატანთ ზოგიერთ „არა დიდებული ბედნიერების“ ცხოვრებას, ჩვენ იქაც შევაძწნევთ, რომ ისინი ასს წელს და მეტს აღწევენ მხოლოდ გამუდმებული შრომით და მობრთხილებით. დიდი ხანი არაა მას აქეთ, რაც ჩვენს კუთხეში მოკვდა ერთი ასი წლის გლეხი, რომელიც მუდამ შრომაში ცხოვრებდა და რომლის სიკვდილი ვგონებ ერთად ერთი დასვენება იყო მთელს მის სიცოცხლეში.

მუშაობა არის ერთის ან რამოდენიმე ორგანოს (ნაწილის) ვარჯიშობა — ამ ვარჯიშობიდან ის ძლიერდება და სხეულს მეტს ძალას უბრუნებს, ვინემ თითონ მიიღო მისგან. მუშაობის დროს საზრდოობა და სისხლის ბრუნვა სხეულში ძლიერდება, და რადგანაც ეგ საზრდოობა და სისხლის ბრუნვა არის სიცოცხლე. მაშასადამე, ვინც მეტს მუშაობს, ის უფრო კარგად და „ძლიერად“ სცოცხლობს.

„გიმნასტიკა არის საუცხოვო გამაბრთხილებელი საშუალება ქლექის, წყალმანკის, შეკრულობის,

სისუქნის, სისხლ-ნაკლებობის, ნერვების აშლის და სხვა ავადმყოფობათა წინააღმდეგ. მისი მოქმედება ჯანმრთელობაზე ისეთი ძლიერია, რომ შეიძლება მთელი გიგინა რამოდენიმე სიტყვაში გამოხატო: „იმოდრავეთ რაც შეიძლება მეტი თავისუფალ წმინდა ჰაერზე“.

ლიკინგსტონი თავისი მოგზაურობის დროს დარწმუნდა, რომ ის ადამიანები, რომელნიც უფრო ხშირად სხედან და ნაკლებად ამოდრავებენ ყველა ორგანოებს, უფრო ჩქარა ხდებიან ავად აფრიკის ციებ-ცხელებით და კვდებიან. ქკუითა და სხეულით მუშაობა უფრო გვიფარავს ჩვენ ამ ციებ-ცხელებისაგან, ვინემ სხვა რომელიმე მედიკური საშუალება, თუნდა ქინაქინა.

მაშასადამე, იმუშავეთ ყოველთვის: გაამრავალგვარეთ თქვენი შრომა, რომ ერთი მეორეს ეცვლებოდეს და ასხვადასხვაფერებდეს ცხოვრების ხასიათს. თუ მოგწყინდეს, ან თუ ჯუღ გუნებაზე გრძნობდე თავს, იმუშავე, და შრომა მოგანიჭებს კმაყოფილებას და მხიარულებას. ვინც მუშაობს, ის მხიარულია, და ვინც მხიარულია, ის ჯანმრთელადაც არის..

თანამედროვე მედიცინა შრომას გვირჩევს სხვა და სხვა ავადმყოფობათა წინააღმდეგ, და ვინც ინახულა გიმნასტიკური დაწესებულება არგაუს კანტონში (შვეიცარია), ის უთუოდ ბევრს საკვირველებას

ნახავდა. უფროსი ექიმი, გასინჯავს რა ახალგაზდა ქალთა და ვაჟთა, ურჩევს მათ ამა თუ იმ გიმნასტიკურ მოძრაობას, მაშინ როდესაც სხვა ვინმე ექიმი „პარაშოკებს“ და „პილიულებს“ გამოუწერდა. „ამა და ამ ქალმა ესა და ეს მოძრაობა ქმნას, ამა და ამ ვაჟმა ამოდენა ჯერ გაუხტესო“ და სხ. ამბობს ის. საექიმო-გიმნასტიკური დაწესებულებანი ეხლა თითქმის ყველა მოზრდილ ქალაქშია.

სხეულის მოძრაობა, სხეულით მუშაობა მაშინ არის „ხალისიანი“, თუ იგი გამოწვეულია რაიმე კეთილი გრძნობა-სურვილით. მაგ., უბრალო მუშის სურვილია, რომ უზრუნველ ყოფილი ქმნას ოჯახი და შვილები, არტისტის გრძნობა-სურვილი—ეგ არჩეული ხელოვნების სიყვარულია და სხვ.

გიმნასტიკურ ვარჯიშობას, რომელიც ეხლა უფრო და უფრო იკიდებს ფეხს აღზრდის საქმეში, ძველად დიდი მნიშვნელობა ჰქონდა, მაგრამ დროთა ვითარების გამო დავიწყებულ და დამარხულ იქმნა.

შრომა ჰგვრის ადამიანს მადას, სიმბნევებს, სიცოცხლეს, აძლევს კმაყოფილებას, ტკბილ მშვიდობიან ძილს, საღ ჭკუას და სულის სიმშვიდეს. ჩვენი დროის თითქმის ყველა ავადმყოფი არსებანი, რომელნიც ყველა საქმეს კიდებენ ხელს და ერთსაც კი ვერ ასრულებენ,—არიან ნაყოფი სიზარმაცისა და მუქთად ყოფნისა.

ჭკუით შრომა არა ნაკლებ სასარგებლოა ფიზი-

კურ შრომაზე. ინგლისში სტატისტიკამ დაამტკიცა, რომ სიცოცხლე დიდებული „ჭკუით მუშაკებისა“ ბევრად უფრო ხანგრძლივია უბრალო მომაკვდავთა სიცოცხლეზე. საფრანგეთშიც გამოიანგარიშეს, რომ საშუალო რიცხვი დიდებული ფრანგების სიცოცხლისა ეთანასწორება 69 წელს, მაშინ, როდესაც საშუალო რიცხვი საზოგადოდ ფრანციელის ცხოვრებისა ბევრად ნაკლებია ამ რიცხვზე.

ფრანკინმა გამოიანგარიშა 104 იტალიელი მათემატიკოსის შესახებ, რომ საშუალო რიცხვით ისინი კვდებიან მე-70-თე წელზე. იმათში 18 კაცმა მიაღწია 80 წლამდე და ორმა კი—90-მდეც.

1200 დიდებულმა კაცებმა შუა რიცხვით გასძღეს 69 წელი და 8 თვე, მაშასადამე 9 წლით და 9 თვით მეტი საზოგადოდ ადამიანის სიცოცხლეზე, რომელიც, კასპეტის გამოკვლევით, ედრება 59 წელს და 11 თვეს. ამ 1200 კაცში 290 იცოცხლა 80 წელზე მეტი, სახელდობრ:

80 წლიდან	85-დე	იცოცხლა	175	კაცმა
85	”	90	”	56
90	”	95	”	29
95	”	100	”	10
100	”	120	”	10

ინგლისის მწერალმა რ. შადდენმა (The Calamities of Genius). London 1883) გამოიანგა-

·რიშა საშუალო ხანგრძლივობა ინგლისის მეცნიერთა სიცოცხლისა და მიიღო შემდეგი ტაბლიცა:

ბუნებისმეტყველნი	75 წ.	ფილოლოგები	66 წ.
ფილოსოფოსნი	70 »	რომანისტები	62, 5 »
·ადვოკატები	59 »	დრამატურგები	62 »
·ექიმები (მედიკები)	68 »	პოეტები	57 »
		თეოლოგები	67 წელი.

ამას გარდა მხატვრებისა და მექანდაკეთათვის (სკულპტორთათვის) მადდენმა საშუალო რიცხვად სიცოცხლისა მიიღო 70 წელი.

ნაკლები ყურადღება იყო მიქცეული დიდებული ქალების ცხოვრებაზე, მაგრამ იქაც ისეთივე კანონი არსებობს ე. ი. უფრო დიდხანს ის ცოცხლობს, ვინც მეტს მუშაობს. აი, რამოდენიმე ციფრები გასული საუკუნის გამოჩენილ ქალთა შესახებ:

·დელანი	—	93 წ.	ჰარვეი	—	70 წ.
·მორი	—	89 »	ტრიმმერი	—	69 »
ლენდი ბუქსელი		87 »	ინჩბულდი	—	68 »
·ლენოკსი	—	84 »	კოლვეი	—	66 »
·ბარბო	—	83 »	ჰამილტონი	—	65 »
·მონტეგიუ	—	81 »	როუ	—	63 »
·პიოცცი	—	80 »	რედკლიფი	—	60 »
სეფფოლკი	—	79 »	მაკოლფი	—	53 »
·ჩეპონი	—	65 »	შარიდანი	—	47 »
·ნ. ვ. მონტეგიუ		73 »	ცენტინი	—	44 »

აი კიდევ რამდენიმე მაგალითი:

მეტასტასიონ იყო სუსტი და იტანჯებოდა ნერვების ავადმყოფობით; მიუხედავად ამისა მან იშრომა მთელს თავის სიცოცხლეში და მოკვდა 84 წლისა.

ამაყმა ანკეტალმა, იტალიის შესანიშნავმა ისტორიკოსმა, რომელსაც არ უნდოდა ნაპოლეონის წინ თავი მოეხარა, საშინაურს თავი დაანება და საშინელ სიღარიბეში ჩავარდა. დღეში 25 ჩენტეზიმი ჰქონდა, რომელთაგან თუთხმეტს ხარჯავდა, იკვებებოდა პურითა და რძით და ცხოვრებდა მიყრუებულს ფაცხაში, სადაც ყველას დავიწყებული ყვანდა იგი. შეუსვენებლივ მუშაობდა და მუდამ იმეორებდა:

— „მე კიდევ დამრჩენია საშუალება, რომ ორ-ორი კაპეიკი ყოველდღე ვაძლიო მარენგოსა და აუსტერლიცის ბატონს (ე. ი. ნაპოლეონს.)

ერთხელ მეგობარმა შენიშნა მას, რომ ის რომ უცებ ავად გახდეს, საქმე გაუჭირდება უპენსიოთ.

— „მოიქეცი ისე, როგორც სხვები იქცევიან, აქე იმპერატორი—დაუმატა მეგობარმა—ეგ აუცილებელია შენი სიცოცხლისთვის...

—და არა სიკვდილისათვის!—სიტყვა ჩამოართვა. ამაყმა მოხუცმა.

და რა? ამგვარად მუშაობაში ანკეტელმა იცოცხლა 84 წლამდე, და სიკვდილის ჟამს უთხრა მეგობრებს:

— შეხედეთ, როგორ კვდება ადამიანი, რომელიც ჯერ კიდევ სავსეა სიცოცხლით.

ნიუტონი ისე ძალდატანებულად ამუშაებდა ტვინს, რომ ხშირად კინალამ შეიშლებოდა ხოლმე. დილით, ახალ გამოღვიძებული ისე ძლიერ დაფიქრდებოდა რამეზედ, რომ ბოლოს ტანზე ჩაცმა ავიწყდებოდა და უძრავად იჯდა — არ იცოდა რა უნდა ექმნა. მიუხედავად ამისა, მან იცოცხლა 85 წელი, ერთხელაც არ ყოფილა ავად, მთელს თავის სიცოცხლეში მხოლოდ ერთი კბილი დაკარგა და თავის დღეში სათვალეები არ უტარებია. თავისი მეცნიერული გამოკვლევების დროს ის იკვებებოდა მარტო პურითა და ღვინით, სასეირნოდ იშვიათად გამოდიოდა —

ფონტენელმა ორმოცდა ათი წლის განმავლობაში მეცნიერების დროშა ატარა. იგი მუდამ შრომობდა და გასძლო ასი წელი, თუმცა ძალიან სუსტი აგებულების იყო და სუსტი მკერდი ჰქონდა, ფონტენელის მრავალი შრომიდან მისი წიგნი „ბედნიერება“ ყოველი კაცის ბიბლიოთეკაში უნდა იყოს.

გოლტვორი — ნამდვილი საკვირველებაა თავისი დაუღალავი მუშაობით და ათას გვარ სენებთან ბრძოლით. იგი ისეთი „უსუსური“ დაიბადა, რომ მას „ამ ქვეყნიერად“ არავინ თვლიდა. მთელი თავისი სიცოცხლის განმავლობაში დიდებული მწერალი ცუდად გრძნობდა თავის ფიზიკურ მდგომარეობას.

ვოლტერის კორესპონდენციებში იგი მუდამ საწყალი, მუდამ ავადმყოფი მოხუცია; ხან სათლავიდან იწერება, ხან აჩრდილს წააგავს, ხან ვითომ სიკვდილს თვალით ხედავს და სხვა. და ეს ბედნიერი იპოხონდრიკის უბრალო ფრაზები კი არ არის.

ოთხმოცი წლის იყო ვოლტერი, როცა ყვავილით ავად გახდა. ყველა კბილები დაჰკარგა და ბოლოს კიდევ ავადმყოფობამ საშინელი ჰვალები დაუტოვა. „მუშაობის დროს—წერდა—ხშირად იძულებული ვარ კალამს თავი დავანებო და ორივე ხელები მუცელზე ვიტაცო.“ ეს კიდევ არ კმარა: ის რამდენიმე ჯერ ავად გახდა როებით, შეკრულობით, მუდამ იტანჯებოდა თვალების ავადმყოფობით და სხვა.

და მაინც ეს კაცი თავის საუკუნეს თავისს სახელს არქმევს, სწერს სამოცდა ათს ტომს. ოთხმოცი წლის იყო, რომ ორ დღეს დასწერა Filles de Minée; ორი წლის შემდეგ თხზავს ტრაგედიას Ivène, და კვდება 85 წლისა.

ის თითონ ხუმრობდა შემდეგ ხშირად, რომ „მე ჯანმრთელ მეგობრებზე და თვით ჩემს ექიმებზედაც კი მეტი ვიცოცხლეო“.

მაგრამ ვოლტერი მუდამ მოძრაობაში იყო; ან სწერდა, ან სეირნობდა. მის სამუშაო ოთახში ხუთი მაგიდა იდგა, რომლებზედაც ხუთი სხვა და სხვა თხზულება ეწყო—ხუთივეს ერთად სწერდა ვოლტერი. ის ერთიდგან მეორეზე გადადი-

ოდა, და როდესაც დალაღვისგან კალაში ხელიდგან გაუუარდებოდა, ის გარბოდა ბაღში, სადაც სხეულით მუშაობდა. აქედგან ის მიდიოდა თეატრში ან თავის საყვარელ მცენარეებთან, და შემდეგ ისევ უბრუნდებოდა თავის თხზულებებს.

და ვოლტერი უთუოდ 84 წელზე მეტს იცოცხლებდა, რომ მას თავის ქვეყანა, მოუფიქრებლობით, არ დაეტოვებინა და ზამთრის დროს პარიჟში არ გადასახლებულიყო. ის მართალი იყო, როდესაც თავის მეგობარს წერდა: „მე ბოლო მოვუღე სიცოცხლეს, ჩემი აქ მოსვლით.“ დიდებულმა მოხუცმა ვერ აიტანა დალაღვა და ის შთაბეჭდილებანი, რომელიც მას ელოდნენ „მსოფლიო დედა-ქალაქში.“ შესანიშნავმა არქიტექტორმა რენმა, რომელიც ძალიან სუსტი აგებულების იყო, მარა მუდამ განუწყვეტლივ შრომობდა, იცოცხლა 91 წელი, თუმცა ახალგაზრდობაში ქლექითაც კი იტანჯებოდა.

გობბსის დედამ, შეშინებულმა ისპანიის საომარი ხომალდების მოსვლით, უდროვოდ დაბადა შესანიშნავი (შემდეგში) კაცი. ისეთი სუსტი იყო გობბსი ბავშვობაში, რომ ყოველ წუთს ელოდნენ მისს სიკვდილს. მაგრამ ამ დიდებულმა კაცმა იცოცხლა 92 წელი და დასწერა 42 თხზულება.

მიქელ ანჯელო იყო დაულაღვი მშრომელი ღრმა მოხუცებამდი: აგრეთვე ტიფანა, ჭალაღვი და სხვანი.

კანტმა თითქმის მთელი საუკუნე იცოცხლა, მუდამ ჯანმრთელი იყო და ერთხელაც არ გაუგდია ხელიდგან სამუშაო. ის თანამედროვე ფილოსოფიის მამა შეიქმნა გერმანეთში. მისი შრომა წარმოუდგენელია და მისი სახელი დიადია, როგორც თვით მსოფლიო. ის ყოველ სალამოს, დაწოლის წინ, ჰკითხავდა თავის თავს: „განა არის სადმე კაცი, რომელიც ჩემზე უკეთესად გრძნობდეს თავს?“

და თვითუღოს ჩვენგანს შეუძლია, თუ მთელი დღე იმუშავა, სალამოს თავის თავს კანტის კითხვა მისცეს. და მართლაც ვინ არის უბედნიერესი იმ ადამიანისა, რომელიც ცხოვრებას ბუნებისგან მინიჭებულ ღონის გაძლიერებაში ატარებს? ცხოვრების ქარიშხალი მას სრულიადაც ვერ შეაშინებს. ის „უმადლეს ეკონომიურად“ ხარჯავს თავის ცხოვრება—სიცოცხლეს, გაურბის ყველა ფიზიკურ და ზნეობრივ ტანჯვებს — რალა უნდა მეტი? „კეთილი ქენი და კმაყოფილი იყავი; კეთილი იყავი და ღმერთი იქმნება შენთან“ — აი სიტყვები, რომლებიც შესანიშნავმა ლინსეიმ თავის სახლის კარებზე დააწერა. მათი დაწერა შეუძლია აგრეთვე ყველა მომქმედ კაცს, ყველა მუშაკ—ადამიანს.—

თ ა ვ ი III.

ზნეობრივი მნიშვნელობა შრომისა.

შრომა-მამა ყოველ კეთილმოქმედებათს.—მშრომელი ადამიანი უმადლეს სიყვარული სცხავრებს.—დიდი სიკეთე. პირადი ჰასუსისგებლობით გამოწვეული.—საბერძნეთი და ალექსანდრე დიდი.—ლეოპარდის მშვენიერი თქმულება.—შრომა ბადავს სიბრთსილეს და წინდასკედულებს.—მისი გავლენა ოჯახის კავშირსა და სისარულზე.—უცხოება წარმაცისა.—ადამიანის ოჯახობა.—მშრომელს უყვარს თავისი სამშობლო და ყოველთვის საუკეთესო მოქალაქეთაგანია.—გვირგვინი მშრომელს.

1. შრომა, იმას გარდა, რომ ცხოვრების აუცილებელ საშუალებას გვაძლევს, სხეულს აჯანმრთელებს და სულს ზნეობრივად ამშვიდებს.—
რავიცა.

2. შრომა წყაროა არა თუ მარტო სიმდიდრისა, არამედ კარგი გრძნობების და კარგი ხასიათისა.
კაბანისი.

3. შრომა—ზნეობის ყარაულია—ფანჯა..

4. შრომასა და ეკონომიზზე დამოკიდებულია ხალხის ზნეობა—მირაბო.

ძველი ანდაზა ამბობს, რომ სიზარმაცე—დედაა ყოველ ნაკლულეფანებათაო, მაგრამ მეორე არა ნაკლებ მართალი ანდაზა ღაღადებს: შრომა—მამაა ყოველ კეთილსაქმეთაო.“

დაათვალიერეთ საპყრობილეები, ჩახედეთ დამნაშავეთა სამწუხარო სტატისტიკაში და თქვენ დაინახავთ, რომ ყველა დამნაშავენი, ან უკეთ ვსთქვათ, ყველა ეს „უბედურები“ ეკუთვნიან იმ კლასს, რომელსაც არასდროს სამუშაო, პროფესია არ ჰქონებია.

და თუ ზოგი მათგანი ბოლოს უბრუნდება ქემარიტების გზას, ეგ უთუოდ ისეთი რომელთაც უკვე ისწავლეს შრომის პატივის ცემა და თავისი ცული მიდრეკილებანი სამუშაო სახელოსნოში დამარხეს.

შეხედეთ აგრეთვე ჩვენი საზოგადოების საშუალო და მაღალ კლასებში და თუ თქვენ რომელიმე ოჯახში დაინახოთ კეთილი თვისებების ბავშვები, დარწმუნებული იყავით, რომ იმათგან უფრო შრომის მოყვარენი ყოველთვინ უფრო იგრძნობენ კარგს და მშვენიერს, უფრო შეიყვარებენ კეთილს და იმოქმედებენ კეთილშობილურად. თუ განათლებულს კლასში ვინმემ შეურაცხყო ვისმე დიდებული სახელი, ის უთუოდ ისეთი სუბიექტი იქნება, რომელსაც შრომა და სწავლა შობიდგანვე შეუძლებელია და აღზრდილთა რესტორანების და სასმელების ღუქნებში. და თუ როდისმე ასეთი პირები ბრუნდებიან ოჯახის წმიდათა წმიდათაში, ეგ მხოლოდ შრომის შეყვარების წყალობით: შრომა დიდებული მხსნელია ცოდვებიდგან; იგი ექიმია, რომელიც ჰკურნავს ყოველი ფიზიკური სენებისაგან და სწმენდს ჰაერს ყოველი ზნეობრივი ბაცილებისაგან, რომელთაც უსაქმობა ბადებს.

მშრომელი ადამიანი ეს არ არის უბრალო ურ-
მის თვალი, რომელიც ინერციის ძალით მიგორავს, ეს
არ არის რიჩაგი, რომელიც უაზროთ ექანავება ამა-
თუ იმ მხარეს, ეგ არის არსება, რომელიც აზროვ-
ნობს, განსაზღვრული მიზნისაკენ იწევს და ამოძრა-
ვებს თავის სხეულს და სულს მისთვის, რომ ესა თუ
ის შედეგი მიიღოს.

შრომის ყოველ გვარ ფორმაში, უბრალო მეტა-
ნიკური (უაზრო)მუშაობიდან დაწყებული შემო-
ქმედებითი ჰკუის უმაღლეს აზროვნებამდე, მშრო-
მელი ადამიანი გადადის უმაღლესს სფერაში, რომე-
ლიც ბევრად მაღლა იმყოფება ყოველ უბრალო
ცხოველურ მოთხოვნილებაზე. ცხოველი იტაცებს
მსხვერპლს ან საზრდოს უცებ—და ცხოვრობს მით,
ადამიანი კი შრომით ცხოვრობს: ის ყურადღება
და დრო, რომელსაც ის შრომას ანდომებს, იფარვენ
მას ცოდვებისაგან. ვინც შრომობს, ის არ ლოთობს,
არ კოტრობს, არ ცარცვავს სხვას, არ წყევლის, არ
სწამებს ცილს, არ შურს სხვისი, არ ენა-ტანიობს,
არ კარგავს დროს, არ დასცინის ოჯახობას და
ცხოვრების სხვა და სხვა სიხარულებს.—

მუშა, რომელიც ჯიბეში ხელებით და ფუქსა-
ვატი აზრებით გამოდის სახლიდან, ადვილად პოუ-
ლობს რესტორანის და სხვა საძაგელი ადგილების
გზას. მუშა კი, რომელიც მთელი დღის მუშაობით
დაღლილი სახლისკენ მიდის, არ ელტვის ასეთ ადგი-

ლებს: ის მიეჩქარება შინისაკენ, რომ ნახოს თვისი კეთილები, მოეხვიოს დედას, ცოლს, შვილებს და გაიყოს ოჯახური მხიარულება.

ვინც ერთხელაც არის გამოსცადა ცხოველ-მყოფელი გრძნობა, რომელსაც ადამიანი რაიმე შრომის გათავების დროს გრძნობს, ის შემდეგ ვეღარ ივიწყებს მას და არ სცვლის იმ გრძნობაში, რომელსაც ღვინით ან სხვა მათრობელა საშუალებით „შეხურებული“ ადამიანი გრძნობს. სიხარული, რომელსაც შრომა გვაძლევს, არის ანკარა, წმინდა სიხარული, რომელიც ღლითი ღღე იზრდება, არასოდეს არ სუსტება და მუდამ გვეუბნება, რომ ცხოვრება საქმიანობაში უნდა გაატარო. მხიარულება, რომელსაც ღვინო ვითომ იძლევა, ჰქრება ბოთლის გამოცლასთან ერთად, თუ გინდა, რომ არ გაჰქრეს, კიდევ უნდა უმატო ღვინო, რის შედეგად სიხარულის მაგიერ მიიღებ თავბრუს ხვევას, გულის რევას, პირიდგან ღებინებას და სხვა. სიხარული შრომისა უსაზღვრო ბედნიერებით ავსებს სულს, და ყოველი მომავალი ღღე მუშაკისა წარსულს ბევრად სჯობია. მშრომელი ადამიანი მუდამ ზევით მიდის, მაშინ როდესაც უსაქმო „მუქთახორა“ უფსკრული-საკენ მიეჩანება.

ვინც შრომობს, იმას სწორი წარმოდგენა აქვს თავის მოვალეობაზე, რადგანაც ცხოვრების შემთხვევებს ის უცქერის არა როგორც სასჯელს, ან საჩუ-

ქარს, არა როგორც ბედის ლატარიას, არამედ ნამდვილ ერთად ერთ შედეგს იმისა, თუ ვინ რამდენი იმუშავა. სხვა და სხვა ხარისხი მოქმედებისა, სხვა და სხვა გვარი მდგომარეობა ორგანიზმისა, სხვა და სხვა ხასიათზე ყოფნა—ყველა ეგ უცვლელი შედეგია იმისა, თუ ვინ რამდენი, როდის და როგორ იშრომა. თავისი საკუთარი ნაკლულევიანებისაგამო რომ ვინმემ ბედს ბრალდება დაუწყოს—ეგ დაამტკიცებს, რომ მას არ აქვს შეგნებული თავისი თავის ღირსება, რომ ის გაუგებარი, ზარმაცი და სუსტია.

როდესაც რომი ძველი ქვეყნის ბატონი გახდა, მაშინ ბერძნები თავის სანუგეშოდ ამბობდნენ: ამ დიდების მიზეზი არის ციებ-ცხელება, რომლითაც ალექსანდრე მოკვდა 11 ივნისს 431 წელს: მან შეუშალა ხელი დიდი პროექტების სისრულეში მოყვანასო.

და ცხოვრებაშიაც ბევრი სჯიან ისე, როგორც ბერძნები სჯიდნენ.

მაგრამ მშრომელი ადამიანი ღრმად გრძნობს პირად პასუხის გებას, რომელზედაც აშენებულია ადამიანის ღირსება და ხასიათის სიდიადე. ვინც თავის თავს არ სცემს პატივს, ის ვერც სხვას მოსთხოვს ამას, და ვინც სხვა სდებს ბრალს თავის სიღარიბე—დაცემაში, ის თავის დღეში ვერ გააუმჯობესებს თავის მდგომარეობას და ვერ გამოვა იმ პირობებიდან, რომლებშიც იმყოფება. ყოველმა

მოაზრე მუშამ იცის თუ რა ნაყოფი მოსდევს მის შრომას, და რომ მივბაძოთ ნაპოლეონის სიტყვებს — ყოველ სალდათს თავის ჩანთაში მარშლის კვერთხი უნდა ედოსო — შეგვიძლია ვთქვათ, რომ ყოველს შრომაში იმალება კალიფორნია, ის მადნები, რომელთაგან, სურვილისამებრ, შეგვიძლია ამოვზიდოთ გამამდიდრებელი ოქრო, დიდების აღმასი და ძლიერების რკინა.

შრომა — დედაა ყოველ დიად საქმეთა, რომელნიც კი შეუსრულებია ადამიანს, როგორც ინდიელუემს, ან როგორც ნაციას. შრომა ადიდებს ადამიანის მნიშვნელობას და აფართოვებს მისი მოქმედების სფერებს. მშრომელი კმაყოფილია მითი, რომ ის ექვემდებარება ბუნების და ზნეობის ერთს დიდს კანონს: ის პატივსა სცემს თავის თავს, და გრძნობს თავს პატიოსან კაცად, რომელმაც არ იცის, თუ რაა სინდისის ქენჯნა. ამპარტავნება, სიამაყე მუშაკისა კანონიერია, რადგან მხოლოდ თავისი საკუთარი წყალობით მოიპოვა მან საზოგადოებრივი მდგომარეობა და ის პატივი, რომლითაც მას იხსენიებენ. მას აქვს დიდი შეძლება მონაწილეობა მიიღოს ცივილიზაციის მოძრაობაში, მეცნიერულ და კომერსიულ მოქმედებაში. და მართლა, რატომ არ უნდა ამაყობდებს ის?

მშრომელმა ადამიანმა შეუსწავლელად იცის

პოლიტიკური ეკონომია. მას არ წაუკითხავს, ესთქვათ, ერთისიტყვაც სმიტასა თუ სეიადან, შეჟაღაქდან, რუსსიდგან თუ მალტუსიდგან, მალღიდგან თუ რიკაზდღიდგან, ლასსაღიდგან თუ მარქსიდგან, მაგრამ მან კარგად იცის, რომ სიმდიდრე ოქროსა და ვერცხლში კი არ იმყოფება, არამედ ხალხის, მცხოვრებლების შრომაში.

ვინც შრომობს, ის კმაყოფილია. ეს აზრი გამოსთქვეს ყველა დროის ხალხებმა; ამასავე ამტკიცებენ ხალხური ანდაზებიც. და ვინც კმაყოფილია, იმას უფრო შეუძლია სიყვარული, რადგანაც სიყვარული თავის თავად—არის ძლიერი ფორმა კმაყოფილების გამოხატვისა.

რამდენჯერ მინახავს, რომ რომელიმე ოჯახობა უსაქმობით მეტად მოწყენილიყო; მაგრამ აი, გაიღება კარი და სახლში შემოდის ოჯახის თავი მუშაობისაგან „გახურებული“ და ოფლში მოსერილი. მაშინ უცებ ყველა გრძნობს წმინდა მაცოცხლებელი ჰაერის ნაკადულს; და სახეზე ყველას სიხარული ეხატება. მუშა ადამიანს თავი მალლა უჭირავს და ყველას თანაგრძნობას და პატივისცემას აგრძნობინებს: მან შეასრულა ვალი, მან იშრომა თავისა და ოჯახისათვის, მან პური და კმაყოფილება მოუპოვა ყველას.

ერთხელ ერთ მეგობართან მქონდა ბაასი ოჯა-

ხის შესახებ და ის (ოჯახი) საზოგადოების ქვაკუთხედათ ჩავთვალე. მან მკითხა, თუ რა პირობებში უფრო იზრდებიან ის გრძნობანი, რომელთაც ოჯახის სიკეთენი ეწოდებათო. მე ვუპასუხე, რომ საუკეთესო ატმოსფერო ოჯახის ასაყვავებლათ—ეგ შრომა არისთქო. და ეხლაც იმ ჩემ მიერ წარმოთქმულ აზრზე ვარ!

ზარმაცმა ადამიანმა უნდა უარჰყოს ოჯახური ბედნიერება, ვინაიდან უშრომლად არავის შეუძლია „კერა“ შექმნას. ოჯახი—ეგ არ არის მომეტებული სიმდიდრე; არა, ის არის აუცილებლობა ადამიანის გულისათვის, და უფრო მდიდარ, შეძლებულ და ზნეობრივად მაღალ ხალხებათ ჩვენ ვთვლით იმ ხალხებს, რომელთაც მეტი ოჯახი ჰყავთ და არა თვითრეული უოჯახო ერთეულები. ახალგაზრდა ადამიანი, რომელიც სიზარმაცისგამო გაურბის ოჯახს, ზიზლის ღირსია! მე ვამბობ, რასაკვირველია, უოჯახო ზარმაც ეგოისტებზე, რომელთაც არავითარი საზოგადოებრივი მიზანი არ აქვთ, და არა ისეთ პირებზე, რომელთაც თავისი ბუნებით თუ სხვა არჩევით, უარჰყვეს ოჯახური სიხარული, და ამ გზით მეტი სარგებლის მოტანა უნდათ.

რა მშვენიერია ის შრომა, რომელიც ოჯახისადმი სიყვარულით არის გამოწვეული! რა მსუბუქია ის, როცა ვიცით, რომ მით ვუადვილებთ და ვუხალისებთ ცხოვრებას ცოლს და შვილებს! რამდენ

სიხარულს გვანიჭებს ის, როცა მისი შემწეობით შეიღებს განათლებას ვაძლევეთ და შრომასვე ვაყვარებთ, იმ შრომას, რომელიც მათ გააბედნიერებს!

შრომა გვასწავლის ჩვენ აგრეთვე მამულის სიყვარულს, რადგან მშრომელი კაცის ოდენა სარგებელს არავენ არ აძლევს სამშობლოს. ვინც შრომობს, ის სასარგებლო მუშაკია ვეებერთელა საზოგადო სახელოსნოში, მიტომ რომ ხალხის მნიშვნელობა იზომება მისი აქტიური ძალებით, და ამ ძალებისგან წარმოშობილი ზნეობრივი და ნივთიერი სიკეთით. და როდესაც ჩვენი შრომა გაუმჯობესდება და სამშობლოსთვის სასახელო შეიქმნება, მაშინ ეროვნული სიამაყე (გრძნობა) უფრო აგვიტოკებს გულს მაღალი და წმინდა სიხარულით.

როცა ჩვენ მეურნეობის გაუმჯობესებით, ახალი სახელოსნოს აშენებით, აღებმიცემობის ახალი დარგის შემოღებით, ახალი აღმოჩენით, თუ ახალი წიგნით ვამდიდრებთ ცხოვრებას, მეცნიერებას თუ ჩვენი ქვეყნის ლიტერატურას, მაშინ შრომა მშვენივრად ფასდება, და თვითვეული ჩვენგანი გრძნობს სამშობლოსადმი სიყვარულს; ჩვენ ვამაყობთ მით, რომ ვეკუთნით დიდს ნაციას, ვგრძნობთ, რომ ჩვენც ამ დიდების პაჟარა, მაგრამ საჭირო ნაწილი ვართ. ვინც ბევრს მუშაობს, მას „ბევრად“ უყვარს თავისი ქვეყანა.

შრომა ბადავს ადამიანებთან განწყობილების გრძნობას, გვაგონებს სულგრძელობას და თავდადების საქიროებას. იგულისხმება, რომ ვინც ზარმაცზე მეტს შრომობს, მას შეძლება აქვს თავისი წვლილი სხვასაც გაუყოს. მუშა და მობრთხილებული ადამიანი სხვას შევლის და თავის ქველმოქმედებაში კმაყოფილებას პოულობს.

ის ვერავის ვერაფერს მიცემს, ვინც თითონ არაფერს შოულობს; არ შეუძლია სულგრძელი იყოს და სხვას რამე შეეწიოს ვინც თავის თავს ძლივს იკვებავს.

მშრომელი ადამიანი ყოველთვის მდიდარია: ერთი ასეთი ორ, სამ, ათას კაცად ღირს. მოსაგები და შემოსავალი აშორებენ მას სიღარიბეს; კეთილი საქმები ზარალს არ უშვრებიან მის კეთილმდგომარეობას—პირიქით, ისინი ამდიდრებენ მას, ამდიდრებენ მის მიდრეკილებას, რომელიც ხდის შრომას ყოველი მშვენიერის, სასარგებლოს და დიადის წყაროდ.



თ ა ვ ი I V .

სიხარული და პოეზია შრომისა.

კასსინი, ჩეზალპინო, ჯოია და რომანიაზი.—პიფაგარი,
არქიმედი, ვილსონი, მანტენი, ადანსონი და სსკა.—
„გაფანტულობა“ დიდებულ ბედნიერ ადამიანთა.—ალფიე-
რის ცხოვრებიდგან.

მოქმედებაში იმყოფება ყოველგვარი
ფორმა აღზრდისა და კულტურისა.
ჯობერტი.

„ბედნიერი ზარმაცია“ — ეგ პარადოქსია; და თუ
ვინმეს უკვირს ის გარემოება, რომ ზოგნი სიცო-
ცხლეს სწყველიან, ეგ უთუოდ იმის გამოა, რომ არ
იციან, თუ სიზარმაცე პირველი მტერია ბედნიერე-
ბისა. შრომა ბუნების კანონია; ვინც მას წინა აღუ-
დგება, ის კანონს გარეშე რჩება და სიხარულის
გზას კარგავს. ხშირად მოხდება, რომ რომელიმე
მდიდარი, რომელიც კმაყოფილებას მდიდრულ
მორთულობაში ეძებდა, უარპყოფს მას და ბედნი-
ერებას შრომის მაკურნებელ ატმოსფერაში ეძებს;
მაგრამ გვიანლაა:

დიდი ხნის უსაქმობით დასუსტებულ ნერვებს,
ზანტ ორგანოებს და ზარმაც ტვინს მუშაობა უკვე

აღარ შეუძლიათ, და იმ საწყალმა მუდმივ მოწყენილებაში უნდა ატაროს დრო...

ყველაზე უფრო ბედნიერი ადამიანები ყოველთვის ყველაზე უფრო შრომის მოყვარენიც ყოფილან, და უბედურებაში, რომელსაც ცხოვრება ყველა ჩვენგანს უშხადებს, ნუგეშცემას ჩვენ შრომაში ვპოვულობთ. მე ბევრი მინახავს ცხოვრებაში ისეთნი პირნი, რომელთაც არ შეეძლო ბრძოლა ცხოვრების ქარიშხალთან თავისი სიზარმაცისაგამო; ისინი უთუოდ უნდა დაღუპულიყვნენ, ვინაიდან, რა ვერ პოვეს გართობა გარეშე ქვეყანაში, თავის გულში ღრმად დაიმაღნენ და სასტიკად იტანჯებოდნენ.

სიზარმაცე ყოველთვის ეზიზღებოდა ყველა დიდებულ და ბედნიერ ადამიანებს: პირველნი ხედავდნენ მაში სიკვდილის სახეს, უკანასკნელნი კი — ბედნიერების დაუძინებელ მტერს...

შრომა თავისთავად უკვე კმაყოფილებაა: თავმოყვარეობა, რომელიც მას აცხოველებს, სახელის სურვილი, რომელიც უწონებს მას, სიმდიდრე, რომელიც მას უღიმის — ყველა ესენი მისი მგზავრები არიან და გვირგვინს უქსოვენ მას: მაგრამ იმათ გარდაც მიდრეკილება შრომისადმი — დიდი „რამეა“, რომელიც ავსებს ჩვენს ცხოვრებას, უნიშნავს მას მიზანს, და იფარავს „ქარიშხლებთან“ ბრძოლის დროს. შრომა, რა სახეც უნდა ქონდეს მას, არის

ცხოვრება მოქმედებაში, არის ადამიანის ძალა მოძრაობაში.

თვით კუნთებით მოძუშავე ადამიანი ჩაქუჩი კი არ არის, რომელიც უაზროდ ცემს, არც ცულია, რომელიც შეშას აბობს, არა, ის არის იარაღი აზროვანი შრომისა. ჩვენ ეგ უკვე ვთქვით ერთხელ და ესლაც სიამოვნებით ვიმეორებთ.

ენერგიული კუნთებით მუშაობა ჩვენ სხეულში ტკბილ ჟრუანტელს გვგრის: სითბო ჩქარა მოძრავი სისხლისა, გახშირებული სულისთქმა; ჯანმრთელობის ოფლში დასველებული ტყავი—ყველა ესენი ორგანიზმს სავსებით აგრძნობინებენ ცხოვრებას, ამახვილებენ მის მოქმედებათ, უორკეცებენ მადას და აძლიერებენ სიმხიარულეს. სახელოასნოდგან გამოსული მუშა უფრო ხშირად მღერის, ვინემ ზარმაცი ახალგაზრდა, შეხეთული რესტორანიდგან დაბრუნებული. და თუ მდიდარს უნდა, რომ მან არ დაკარგოს ჯანმრთელობა და მხიარულება, იმან უთუოდ გიმნასტიკასაც უნდა გაუყოს ცოტა ოდენი დრო.

რა მშვენიერობაა მინდორში მუშაობა, რომელიც პოეზიით სავსეა! რამდენი კმაყოფილებაა! მათი აღწერა და ჩამოთვლაც კი ძნელია.

ჩვენ შეგვიძლია მივითითოთ მრავალ დიდე-

ბულ მუშაკებზე, რომელნიც ნუგეშცემას, დასვენებას და კმაყოფილებას მინდვრის და ბაღების მუშაობაში პოულობდნენ: მაგალითად—ვაშისგტონი—თავის აგარაკში, მოუნტ—ვერნონში; მაკიაჟელი—სან-კაჩიანოში; კაგუნი—ლერში; მანკონი—ბრუზულიოში; ლეგ-ტოლსტოი—იასნაია პოლიანაში.

ერთი ექიმი ამტკიცებდა, რომ საუკეთესო საშუალება ჯანმრთელობისათვის—ეგ ბაღში მუშაობა არისო. წმინდა ჰაერი და ზომიერი მოძრაობა აცხოველებს და აჯანმრთელებს ორგანიზმს. თქვენს ბაღს მუდამ სკირია მოვლა; თქვენგან დარგული და მოვლილი მცენარეები—ეგ თქვენი შვილები არიან, რომელნიც თქვენი თვალის წინ იზრდებიან; იტანჯებიან და სწეულდებიან, თუ თქვენდგან უყურადღებოდ არიან დატოვებული, და, პირიქით, ხარობენ და ყვავიან, თუ თქვენ მათზე ზრუნავთ. ყვავილებსა და ნაყოფებს შორის თქვენ გრძნობთ ნამდვილი ბუნების სურნელებას, რომელსაც ადამიანი ეტრფის ქალაქის მტვერს შემდეგ, და იმ იმედს, რომლითაც თქვენ ელით თქვენი ნამუშვიერის ნაყოფს, შეუძლია თქვენი ცხოვრება ბედნიერებით აავსოს.

თქვენ, ზარმაცნო მდიდარნო, რომელნიც მუდამ მოწყენილი ხართ ქალაქის ერთგვარ ატმოსფეროში, ინახულეთ ხშირად თქვენი მინდვრები, რომელთაგან თქვენ სიმდიდრე გამოგაქვთ; დაუბრუ-

ნდით ბუნებას—თქვენ საერთო დედას, ძალისა და ჯანმრთელობის წყაროს; დასტკბით თქვენი გორაკების მაცოცხლებელი სიგრილით და მინდვრებისა და ველების სურნელებით; თქვენც გამოჩლით თუნდ ერთხელ მინდორში, რომელიც ადამიანის სისხლითა და ოფლით არის შემუშავებული, გაისარჯეთ თქვენც და დაემორჩილეთ ცხოვრების ერთს დიად კანონს—მუშაობის აუცილებლობას.

თქვენი სიმდიდრე—შრომის ნაყოფია; იცოდეთ, რომ სირცხვილისგან გაწითლებული სახე ხელებით უნდა დაიფაროს იმ ადამიანმა, რომელსაც რამოდენიმე წელი არ უმუშავია.

და განა აღებმიცემობითი და კომერსიული შრომა სიხარულს არ გვაძლევს? აზრი მაშინად აქციო, იდეია—სახელოსნოდ, რომელიც ქვეყანას სიმდიდრეს აძლევს; ხედავდე, თუ როგორ საერთო თანხმობით ემორჩილება ყველა მოძრაობა მოაზრე ჭკუის ბრძანებას; წინაიგრძნო ყოველივე დაბრკოლება და სძლიო ისინი, ებრძოლო კონკურენციას და შეაერთო შრომა კაპიტალთან; შეაერთო ერთ მოქმედებაში მექანიკა და ჭკუის ძალა, ძალა ადამიანისა და ბუნებისა—განა ყოველივე ესე პოეზიით არ არის სავსე?

მე კერძოდ არას დროს არ მწამდა ის აზრი, რომ ვითომ ჩვენი საუკუნე პოეზიას იყოს მოკლფ-

ბული იმიტომ, რომ ის დიდ ადგილს აძლევს მაშინებსა და ვაჭრობას და რკინითა და ტელეგრაფის მათეულებით არის დატვირთული. პოეზია ყოველგან არის, სადაც კი მხოლოდ გენიოსობის ცეცხლი გამოიწვევს მას, როგორც კაჟიდგან ნაბერწყლებს; მაშინების ხმაურობაში და ადამიანთა შორის აზრების გაცვლა—გამოცვლაში იმოდენა ძლიერი პოეზიაა, რომ, რაა მასთან მდინარის „ტკბილი ნანინა“ ან მშვენიერი ნიმფები? ადამიანის ძალებს, ადამიანის გრძნობათ თავის მალალ გამოხატულებაში პოეზიის სხივები აქვთ; და ეგ ყველა ძალები ხომ შრომაში გამოიხატებიან; აგრეთვე ადამიანის გრძნობანი განაგებენ მას.

ახალი გაუმჯობესებული დარგი აღებმიცემობისა—დიდი შესაძენია, საზოგადოებისათვის სასარგებლო კომერსიული ოპერაცია იგივე არის, რაც ლითონის ძარღვი, დედამიწის შუაგულში აღმოჩენილი. თქვენ, არკადიის შვილნო, ნუ ფიქრობთ, რომ პერგამენტის ნაჭერი—დიდებულებისა და კეთილშობილების ღერბი იყოს; ნუ ფიქრობ, რომ რომელიმე მომქმედი კომერსანტი საზოგადოებრივ საფეხურზე ვინმე ექიმზე ან უსაქმო ადვოკატზე დაბლა იდგეს. ნაკლები დიპლომები, მარა მეტი აღებმიცემობა; ნაკლები ტიტულები და მეტი სასარგებლო მომქმედი შრომა.

შრომას, როგორც უნდა იყოს ის, განაგებს შემოქმედებითი ძალა ჭკუისა; მაგრამ შრომის ზოგ ფორმაში ჭკუის მონაწილეობა ისეთი დიდია, რომ კუნთები და გრძობანი მხოლოდ უმაღლესი ძალის იარაღებად რჩებიან. ჩვენ აქ ვამბობთ ინტელექტუალურ შრომაზე.

ინტელიგენტი მუშაკი ყოველთვის ქმნის რასმეს. მუშაობს ის უბრალო სახელოსნოში თუ ოფისის ღერის ახალის გზის აღმოჩენაზე ადამიანის აზრში, ის მუდამ ხედავს ისეთს რასმე, რასაც სხვები ვერ ამჩნევდნენ, ხედავს ახალს სიმშვენიერეს, რომელიც მანამდი ყველასთვის დამალული იყო.

ვინ არის ადამიანებში უბედნიერესი მხატვრისა, რომელმაც უკვე შეიგნო ხელოვნების სრული ქმნილება, სილამაზითა და ძლიერებით სავსე, რომელსაც შეუძლია თქვას: „ეგ ჩემი შრომაა“?.

არვინ არის უბედნიერესი მეცნიერების ადამიანისა, რომელიც თავს იმტროვს შემოქმედებისა და ცხოვრების საიდუმლოებზე, როდესაც მას გაანათებს ქეშმარიტების სხივი, და ის სიხარულით მთვრალი წამოიძახებს: „ეგ მე აღმოვაჩინე, მე დავამტკიცე“.

ვინ შეედრება ბედნიერებაში იმ ადამიანს, რომელიც მათემატიკის და ფიზიკის ბილიკებზე, თუ ფილოსოფიის მაღალ სფერაში ეძებს კანონებს, რომელნიც რიცხვებს, ძალებს და ადამიანის ნიჭებს განაგებენ; როდესაც ის, რა აღმოაჩინს ახალს გზას.

მაშინებისა და ადამიანების გამგეობისა, გეტყვისთ თქვენ: „ეგ გზა ჩემი აღმოჩენილია; ეგ—ჩემი შრომაა“.

ეს სხივებია, რომელთაც ღმერთი მშრომელს უგზავნის; ეგ—ნაბერწკლებია, რომელნიც პრომეთეოსმა მზეს მოჰპარა.

გენიოსობა—სასწაულთმომკმედი ნიჭია; სიხარული გამოწვეული ახალი აღმოჩენით, ახალი სიმშვენიერის შექმნით ისე მალლა სდგას ადამიანის არარობაზე, რომ ყველა დიდებულნი მუშაკნი გარშემორტყმულნი არიან ბედნიერების ორეოლით, რომელიც ყოველ მხარეს ავრცელებს სხივებს.

გაღიღეს უყვარდა ფიზიკური და მათემატიკური მეცნიერება და სწავლობდა მას არა სახელისათვის, არამედ მხოლოდ იმიტომ რომ ის მას უყვარდა. აი, რატომ ის მეტს ყურადღებას მეცადინეობას, შრომას აქცევდა, ვინემ თავისი აღმოჩენის გამოქვეყნება—დაბეჭდვას. ამ მეცნიერების სიყვარულით ის მუდამ მასზე ლაპარაკობდა, განსაკუთრებით გეომეტრიაზე, როგორც ვივიანი ამბობს, „არა ადამიანური“ მკერმეტყველებით. იმით გალილიეი სულს უდგამდა თავის მსმენლებს და მოსწა-

ვლებს და ავრცელებდა მას. გალოლეი, ფრიზის სიტყვით, იყო ბრწყინვალე ვარსკლავი, რომელიც ძალასა და მოძრაობას აძლევდა ყველას, ვინც კი მას მიუახლოვდებოდა. რამდენ ცეცხლს ანთებდა. მისი მკერმეტყველება მისი მოწაფეების გულში, როგორც არიან მაგალითად ვივიანი და ცოროჩელი, რომელთაგან პირველი სამს წელიწადს, ხოლო მეორე სამს თვეს სცხოვრებდა გალილეის ოჯახში!

აქედგან შეგვიძლია ის დასკვნა გამოვიყვანოთ, რომ არც ერთს მოსწავლეს არ ჰყვარებია ისე თავისი მასწავლებელი, როგორც გალილეი მის მოწაფეთ უყვარდათ. ამას მოწმობს დიდებული კასტელლო, რომელსაც უნდოდა, რომ მისთვის პატივი ეცათ მხოლოდ გალილეის პატივის ცემისათვის, და ვივიანი, რომელიც ყოველ თავის თხზულებას, თავის ხელნაწერს „გალილეის უკანასკნელი მოწაფის“ სახელს აწერდა.

ბელლინიმა ოცი წლისამ აღმოაჩინა „შარდისმილი“, რომელიც ეხლაც მისს სახელს ატარებს. სამის წლის შემდეგ მანვე ნახა ნერვების ბოლო ენაში და დაამტკიცა რომ ის ასრულებს გემოვნების ორგანოს ფუნქციებსო. არც მის დრომდე და არც მას შემდეგ მე არ ვიცი უფრო გამოჩენილი გენიოსი ექიმთა შორის, და ბოერგავე მართალი იყო, რო-

„ცა ამბობდა, რომ არავისი დაყენება არ შეიძლება მასზე მალლა და მხოლოდ ერთსა თუ ორს შეუძლია, რომ გვერდში ამოუდგეს მასო. რომ გავსინჯეთ ბელლინი მხოლოდ ქკუის მხრით, ჩვენ დავინახავთ მასში შემოქმედ გენიოსს, რომელიც უკავშირებს და უქვემდებარებს მოძრაობის კანონებს ცოცხალი ორგანიზმის ყოველს ფუნქციას, და ქმნის ამ გვარად ფიზიოლოგიას და ავადმყოფობათა თეორიებს. თუ გავსინჯავთ მას სულის მხრით, მაშინ ვინ არის, რომ მაზე უფრო უყვარს ქვემარტება და მეცნიერება, ვინ არის, რომ უფრო სცემს მათ თაყვანს? მხოლოდ მაშინ, როცა ის სხეულის ძალებზე და ამ ძალების გამოხატულებაზე ფიქრობდა, მხოლოდ მაშინ გრძნობდა ის სიხარულის და აღტაცების ნაპერწკლებს.

„დულს, დულს ჩემში აზრი (წერს ის თავის თავზე) როცა მე ვიწყებ ფიქრს მოძრაობაზე, რომელი შიდაც დამალულნი არიან ასეთი ღრმა, ასეთი საიდუმლო გამოცანები! ის წარმოგვიდგენს ჩვენ ბუნებისა და ღმერთების ცხოვრებას ისე თვალსაჩინოდ და მასთან ისე დიადათ, რომ მეხშირად აღტაცებაში მოვდივარ და ზღვას ვემსგავსვი, ისეთი თავდაუიწყება მიპყრობს ხშირად, რომ არ ვიცი, თუ სადა ვარ, ვისთან ვარ და რას ვაკეთებ“.

მე არ ვიცი, რომ როდისმე ყოფილიყოს არსება უფრო თაყვანის მცემელი ანატომიისა, ვინემ ვაღსაღვბ. თავის სიცოცხლის უმეტესი ნაწილი მან მკვდარი გვამების სინჯვასა და „ჩარიქებაში“ გაატარა; ჩამოდენიმე ჯერ გახდა ავად, ქლექიც კინალამ მიიღო, და სრულიად დაჰკარგა ყნოსეა, იმიტომ რომ მუდამ მკვდრებს დასტრიალებდა თავს. მეგობრები ურჩევდნენ მას დასვენებას ასეთი შრომისაგან, მაგრამ ის მათ არ აძლევდა ყურს, და ჰეშმარიტების გამოკვლევის სურვილით შეპყრობილი, დღე და ღამეებს ერთნაირად მკვდრებთან ატარებდა.

ვალსაღვას დასახასიათებლად მორგანოს მოყავს შემდეგი ფაქტი: „ერთხელ მას სადღაც ეშოვა თეძოს ზედა ნაწილი, ძნელი და ხანგრძლივი სენით შეპყრობილი; მან ის, ჩვეულებისამებრ, სახლში წაიღო გამოსაკლევათ. როდესაც თავისი შრომა უუამდინ მიიყვანა, ამ დროს ის უცებ მოაშორეს საქმეს და ქალაქში მიიწვიეს ერთს ავადმყოფთან. ის იძულებული შეიქმნა, რომ გამოკვლევა შემდეგისათვის გადაედო, როცა უკან დაბრუნდებოდა; ქალაქში მეტ ხანს დაურჩა მოცდა, ვინემ მას ეგონა. დაბრუნების შემდეგ ის კვლავ შეუდგა მუშაობას. მაგრამ მან აქ შენიშნა, მას არაფრის მიღწევა არ შეეძლო, სანამ არ შეიტყობდა, თუ რა მდგომარეობაში იყო თეძოს ზევით მდებარე დიდი ნერვი. როგორ უშველიდა თავს? ცხელი ზაფხული იყო. სულის შემგუბავი

სიცხე იდგა. უკვე ცამეტი დღე გასულიყო მას შემდეგ, რაც მკვდარი სხეული დაესაფლავებინათ. მეცნიერმა დაუწყაო თხოვნა მესაფლავეთ, რომ სხეული მიწიდგან ამოეთხარათ, მაგრამ უარი მიიღო; მხოლოდ დიდი ხნის ზვეწნის შემდეგ იშოვნა ერთი მუშა, რომელიც დასთანხმდა საფლავის გათხრაზე. მტკიცე ფიზიოლოგმა ამოიღო სრულიად უსახო. გახრწნილი სხეული და დიდხანს იფურთხებოდა აუტანელი სიმყრალის გამო; მაგრამ ბოლოს მაინც უშიშრად მივიდა მასთან, მონახა, რაც საჭირო იყო და გამოარკვია მისი დამაინტერესებელი საკითხი.“

გრაფი მანსილი იყო ერთი უუბედნიერესი ადამიანთა შორის; მეცნიერების სიყვარულით და გულმოდგინებით, რომლითაც ის ხელს უწყობდა ფიზიკური მეცნიერების გავრცელებას, ის უნდა ჩაითვალოს უდიდებულეს ადამიანად დედა მიწის ზურგზე. ის სწავლობდა მათემატიკას შორტანარსა და ბორელთან და ანატომიას მალპიგიანთან. ძლიერი შთაბეჭდილებითი ძალით შებყრობილი, ის მთელი თავისი სიცოცხლის განმავლობაში სულის სიცხოველეს მუდამ სწავლას ანდომებდა. თითონ ხომ სწავლობდა, უნდოდა სხვა-საც ესწავლა ფიზიკა, გეომეტრია და განსაკუთრებით ბუნების მეტყველება. გულადი მეომარი და წინამძღოლი ომში, ის თავისუფლების დროს (და ტყვე-

ობის დროსაც) მუდამ ენერგიულად იკვლევდა დედამიწის გულს და ზღვის უფსკრულს, ყოველთვინ ეძებდა მასალას საბუნებისმეტყველო და ისტორიული გამოკვლევისათვის. როგორც მაგალითი მისი იდეალური შრომის მოყვარებისა, ჩვენ მოგვყავს ერთი ფაქტი: თავის ვეებერთელა თხზულება „დუნაიზე“ (ექვსი ტომი) მან დაწერა იმ დროს, როცა თურქებს და უწყალო ბედს ებრძოდა. ფიზიკური ცოდნის სიყვარულმა, კაზმული ხელოვნების ტრფიალებამ და აგრეთვე სურვილმა, რომ იტალიაში ეცნირება და ხელოვნება გაეგრცვლებია, მასში ჯაბადეს აზრი ინსტიტუტის დაარსებისა, სადაც უნდა ესწავლებინათ ფიზიკა, ქიმია, ასტრონომია, ბუნების მეტყველება და სხვა საგნები. მარსილმა მართლა განახორციელა თავისი აზრი და ამ საქმისათვის დაუთმო ქალაქს თავისი მდიდარი კოლეციები და ინსტრუმენტები, რომლის შეძენაზე მთელი მისი მდიდარი მემკვიდრეობა დახარჯა.

ამ ბუნების მეტყველების სიყვარულს იგი სხვა-საც უწერგავდა გულში. მრავალნი იტალიის მეცნიერნი ამბობდნენ, რომ იმათ არას დროს არ შეეძლოთ შეეთვისებიათ შრომისადმი ასეთი მიდრეკილება, რომ ამხანაგად მარსილი არ ყოლოდათ.

ამ დროს ბოლონიაში მათემატიკოსებმა და ფიზიკოსებმა, ბუნების მეტყველებმა და ექიმებმა ცხოვლად მოკიდეს ხელი მეცნიერებას. იქ ცხოვ-

რებდა მაშინ ეგსტაქა მანფრედა, ისეთივე დიდი მათემატიკოსი, როგორც პოეტი, შესამჩნევი ჭკუისა და ცოდნის ადამიანი, მჭევრმეტყველი და ცხოველი თვით პროზაშიაც კი. მის გარშემო მთელი ოჯახი, მისით სულჩადგმული, შრომობდა და ეხმარებოდა მას ასტრონომიულ გამოკვლევებში. ეს ოჯახი შედგებოდა მისი სამი ძმისა და ორი დისაგან: ძმამ მისმა გაბრიელმა შესანიშნავმა მათემატიკოსმა, პირველმა შეუერთა იტალიაში ალგებრა გეომეტრიას; ერნესტმა, მათემატიკოსმავე, სახელი გაითქვა, როგორც ექიმმა; ემალი იყო დიდებული ორატორი და კარგი პოეტი; დები მათი ძაგდალინა და ტერეზა მეცადინეობდნენ ფილოსოფიასა და მათემატიკაში; უკანასკნელი, ამას გარდა, მშვენიერ ლექსებს წერდა ბოლონიურ ენაზე.

ნიქის და შრომის მოყვარულ მანფრედებზე რომელნიც ყველა გართული იყო ზეციური სხეულების შესწავლაში, ფონტენელა ამბობს, რომ არ ყოფილა სხვა მაგალითი, რომ მთელი ოჯახი შეთანხმებულიყოს ასეთი საქმისათვისა.

ამავე დროს ბოლონიაში ცხოვრებდა ბეკკარდი, ცნობილი ექიმი და უდიდებულესი ქიმიკოსი იტალიისა. იმისი სამსახური არ იზოგება იმ სახელით, რომელიც მასზე დარჩენილა ჩვენს დროში, რადგან

დღეს ოცში ძლივს ერთმა ექიმმა იცოდეს, თუ როდისმე ცხოვრებდა მედიკი, სახელად ზეკარი არა, მისი სამსახური უნდა გაიზომოს იმ სარგებლით, რომელიც მან, როგორც ფიზიკის, ქიმიის, ანატომიის და მედიცინის პროფესორმა, მის თანამემამულეთ მიუტანა. ის ამხნევებდა თავის მოსწავლეებს და უწონებდა ბუნების შესწავლას; ამავე დროს აძლევდა დაუღალავი შრომის მაგალითს. მას ერთი დღითაც-კი არ უნდოდა სოფელში წასვლა, რომ მუშაობა-მეცადინეობა არ შეეწყვიტა. მეტი რა? გამოცდილი ექიმის სახელს ატარებდა; ხშირად „ძლიერნი ამა სოფლისანი“ იწვევდნენ მას, მაგრამ ხშირადვე ის არ ღებულობდა მათ, რადგან არ უნდოდა თავი დაენებებია თავისი საზოგადოებრივი მოვალეობისა და მეცნიერებისათვის: ის მას ბავშვობიდან შეეჩვია და კიდევ უფრო და უფრო ეჩვევოდა მას. ამით აიხსნება ის გარემოება, რომ მის სიკვდილამდე მისი აუდიტორია სავსე იყო ახალგაზრდობით, რომელსაც ის ასწავლიდა ფიზიკას, ქიმიას, მათემატიკას და მედიცინას. (ის მოკვდა 1766 წელს). ამ კაცის მთელი სიცოცხლე ცდებში, გამოკვლევებში და ახალგაზრდობის სწავლებაში გაიარა. ის შრომობდა და მუშაობდა სიკვდილის უკანასკნელ წუთამდე: გარდაცვალების რამდენიმე საათის წინ მას უნდოდა თავისი ხელით აღენიშნა ბარომეტრისა და ტერმომეტრის მდგომარეობა, რასაც ის სამჯერ შერებოდა დღეში.

ტოტცეტი, ფლორენტინელი, ექიმი, ბუნების მეტყველი და არქეოლოგი, არა ჩვეულებრივი მაგალითია შრომის მოყვარეობისა და მეცნიერების სიყვარულისა. გამოკვლევანი მედიცინისა და მეურნეობის კითხვების შესახებ, გავრცელება ყვავილის აცრისა, გამართვა მედიკურ ფაკულტეტისა საავადმყოფოსთან ფლორენციაში, თვალყურის დევნება გადამდებ სენთა მდგომარეობისა და ნიადაგის საშრობი მუშაობისათვის, საშვალების გამოგონება წყალდიდობის შესამცირებლად და ამავე დროს ექიმის თანამდებობის ასრულება ტოსკანის საჰერცოგოში, ძებნა ისტორიული და არქეოლოგიური მასალებისა. გამოსაკვლევად და აღწერა მათი ისტორიული, არქეოლოგიური და ბუნების მეტყველური მხრით, — ეს დიდებული შრომა მოწამეა ტოტცეტის მეცნიერებისადმი დიდი სიყვარულისა, მისი სულისა და ქკუის დიადი მოქმედებისა. და არ შეიძლება ითქვას, რომ თავმოყვარეობა იყოს მიზეზი ამ დიდებული შრომისა; არა, ეგ იყო მხოლოდ მოძრაობისა და შესწავლის მოთხოვნილება, მოთხოვნილება, რომლის დაკმაყოფილებას ის სცდილობდა, რადგან მისი თვალეები არ იღლებოდნენ ხედვისაგან, და მებსიერება არ ივიწყებდა მას, რასაც კი თვალეები ნახავდნენ“.

ანთოსტოხის ისეთს სიყვარულსა და მიდრეკილებას გრძნობდა პოეზიისადმი, რომ ხშირად სრულიად განკერძოვდებოდა ამ ქვეყნიდგან. მოგვითხრობენ, რომ ერთხელ ის დილით წარსული სასეირნოდ, იმდენად გაიტაცა სხვა და სხვა კითხვებმა, რომ მხოლოდ საღამოს მოვიდა გონს. იქ უკვე ღამე უნდა გაეთია. ეს შემთხვევა ჩვენ გვაგონებს დანტეს, რომელმაც ერთხელ ბიბლიოთეკაში შესვლისას აიღო ხელში წიგნი და ისეთი გულმოდგინებით დაიწყო კითხვა, რომ არ შეუმჩნევია დიდი ხმაურობა მექორწილეთა და მუსიკისა, რომელიც იქ გადიოდა.

ისტორიკოსმა მურატოზიმ იცოცხლა 77 წელი. მუდამ გატაცებით მუშაობდა. დაუღლეელი, მხნე და მხიარული, ის მშვენივრად გრძნობდა თავს, როცა ახალგაზრდებში გაერეოდა. მისი შრომანი რომ ჩამოვთვალოთ, მარტო ეგ სია შეადგენს მთელს წიგნს. მის დასახასიათებლად საკმაოა ვსთქვათ, რომ ის ორ თხზულებას წერდა ერთად; და იმის შიშით, რომ მასალა არ შემოღებოდა, ხშირად მეგობრებს მიმართავდა ტემებისათვის. ამ მხრით ის გვაგონებს შესანიშნავ ბოტანიკოსს დეკანდოლის, რომელმაც ერთხელ გამოთქვა, რომ ყოველთვის მეტს საქმეს უნდა მოჰკიდო ხელი, ვინემ შესრულება შეგიძლია.

შესანიშნავმა ტიპოგრაფმა ალდო რომანომ, რომლის გამოცემანი, ვითარცა ძვირფასეულება, ევროპის ყველა ბიბლიოტეკებში ინახებიან, გამოიჩინა ისეთი საქმიანობა, ისეთი ტრფიალება შრომისადმი, რომ სამუშაო ოთახის კარებზე დააწერა: „ვინც უნდა იყო შენ მეგობარო, თუ ჩემთან სალაპარაკო მოსულხარ, მოკლედ ილაპარაკე. გთხოვ, ჩქარა წახვიდე, თუ ჩემი შრომის სიძნელის გაყოფა არ გინდა“.

ამასვე შერებოდა დაულაღვი გაღღერა, როცა მასთან ვინმე შედიოდა ბიბლიოთეკაში, სადაც მან გაატარა საუკეთესო დრო თავისი სიცოცხლისა: იმ შემოსულს უთუოდ რაიმე სამუშაოს აძლევდა. და ხშირად ნახავდი მასთან უნებლიე ტყვეთ, რომელთაგან ერთი სწერდა, მეორე თარგმნიდა, მესამე რაღაცას არჩევდა და სხვ.

დიდებულმა ასტრონომმა კასსინიმ, რომიდგან დაბრუნების შემდეგ პარიჟში, უფრო მუყაითად მოჰკიდა ხელი საქმეს, მიუხედავად თავისი სიბერისა. მრთხელ, როდესაც მას მეგობრები ხანგრძლივი შრომისგან დასვენებას ურჩევდნენ, მან უპასუხა: „რამდენად უფრო ვხუცდები, იმდენათ უფრო ვგებულობ ახალს რასმეს, და ამ კმაყოფილებას ვერ გავცვლი დედამიწაზე ვერაფერშიო“. მისი ბიოგრაფის სიტყვით, ის მუდამ კითხულობდა „ზეცათა წიგნს“...

კასსინა იმდენათ ბედნიერი იყო, რომ მან თვით მოხუცებულობისა და სიბრძნის დროს შეინახა სიმხნევე და მხიარულება. ზოგჯერ აკითხვინებდა ვინმეს ციცერონის წიგნს „მოხუცებულობას“-ს, ხან ებაასებოდა ახალგაზრდებს და სიკვდილის ისე არ ეშინოდა, რომ ხშირად ამბობდა: „ბედნიერი იქმნება დრო, ოდესაც წიაღსა შინა ღვთაებისასა განვიხილავ ბუნების შემოქმედს, ზეცათა სიღიადეს და უმაღლესს სიბრძნეს“.

ცნობილი ბოტანიკოსი და ბუნების მეტყველი ჩეზალპინო ამჩნევდა, თუ როგორ დღითი დღე იზრდებოდა მასში მეცნიერებისადმი სიყვარული. ორმოცდა-ათი წლისა იყო, რომ დასწერა წიგნი „პერიპატოული კითხვები“, ათი წლის შემდეგ გამოსცა მეორე „სახელმწიფოებზე“; 64 წლისამ დასწერა „მცენარეებზე“ და 74 წლისამ-„მედიკური კითხვები“. რამდენი მეტად ხუცდებოდა ჩეზალპანო, იმდენი მეტად ძლიერდებოდა მისი მოქმედება. „მედიკურ კითხვებს“ მოყვა „მაკურნებელი თვისება მედიკამენტებისა“, ცოტა ხანს შედეგ „ლითონებზე“. ბოლოს, 84 წლისამ ე. ი. 1603 წელს, დასწერა „დამატება“ თავის პირველი თხზულებისა. ეგ „დამატება“ იყო მისი უკანასკნელი შრომა.

მელქიორე ჯოიას ისე უყვარდა მეცნიერება, რომ სრულიად ავიწყდებოდა ძილი და მთელ ღამეებს წიგნებზე ატარებდა: ქერიდან ლამპას ჩამოუშვებდა საწოლის პირდაპირ და დიდ ხანს მეცადინეობდა.

რომანიოზი მოგვითხრობს, რომ ჯოია ისეთი ოსტატი იყო თავისი აზრების დალაგებაში, იმოდენი ცოდნა და ისეთი კარგი მეხსიერება ქონდა, რომ მისი ტიპოგრაფი ვერ ასწრებდა ბეჭდვას იმ ფურცლებისა, რომელთაც ის განუწყვეტლივ უგზავნიდა.

ერთხელ ჯოიასა და მბეჭდავს შორის მოხდა შემდეგი ამბავი: პირველმა კორექტურის შესწორების დროს შენიშნა, რომ ორიგინალს აკლდა მთელი ნაწილი. გაჯავრებულმა მუშებს დაუწყო ბრალდება ფურცლის დაკარგვაში. ყველგან ეძებეს, მარა ცდა ამაო გამოდგა. მაშინ ჯოიამ თან გაიყოლა ტიპოგრაფის ბავშვი და გაიქცა სახლში: მას მოაგონდა, რომ ის გამოტოვებული ნაწილი მას სტოლზე დაეწერა და არა ქალაღზე. შეწუხებულმა იმ ამბით, რომ უდანაშაულოდ შეაწუხა მუშები და ეს ბავშვიც, ჯოიამ ამოიღო ჯიბიდან ფული და უთხრა ბავშვს: „მაპატიეთ, მიიღეთ ჩემგან ეგ ფული; მე მაგით სადილობას ვაპირებდი“... მაგრამ ბავშმა, ამ ამბით გულაჩვილებულმა, არც ფული აიღო, ფირცხლავ მოჰკურცხლა ტიპოგრაფისკენ და სიხარულის ცრემლებით თვალებზე უამბო იქ, თუ რა მოხდა.

ვიციტ, თუ როგორ ბედნიერი არის ადამიანი, რომელმაც რაიმე ახალი აღმოაჩინა, და მიაღწია იმ მიზანს, რომლისთვისაც შრომობდა.

პაფუგოვმა, მთვრალმა სიხარულით, რომ ჰიპოტენუზის კვადრატი იპოვა, მსხვერპლი შესწირა ღმერთებს.

არქიმედმა, ფრიად გახარებულმა აღმოჩენით, შიშველმა გამოირბინა აბანოდგან, გაიქცა ქალაქის ქუჩებში, და ბედნიერებისგან თავბრუდასხმული ყვიროდა: „მე ვნახე, ვნახე! (ევრიკა, ევრიკა)“. ინგლისის ქიმიკოსმა დევიმ, გახარებულმა ლითონი „კალის“ აღმოჩენით, ხტუნვა დაიწყო ლაბორატორიაში და განცვიფრებაში მოიყვანა დამსწრენი, რომელნიც გაკვირვებისაგან პირდაღებული შეცქეროდნენ მას.

რა გვარი სიხარული უნდა იდგეს ამათზე უფრო მალლა? ეპიკტეტის ხელთნაწერიდგან ჩვენამდინ მოახწიეს შემდეგმა სიტყვებმა: „ეპიკტეტი დაიბადა მონობაში, კოჭლი და საწყალი, როგორც არც; მაგრამ ის მაინც უყვარდა ღმერთებს!!“.

გეინზიუსმა დააწერა თავისი ბიბლიოთეკის კაერებზე: *hic vivo et regno*. (აქ მე ვცხოვრობ და ვმეფობ).

ვილსონმა, შესანიშნავი ორნიტოლოგი შეუღარებელი სილიადით ამბობდა თავის თავზე: მე ხშირად თითონვე მიკვირს, თუ როგორ ვერთობი ტო-

როლას ან სხვა რომელიმე ფრინველის თვალთვლით, მაშინ როდესაც სხვა ადამიანები ვეებერთელა პროექტებს არდგენენ; ისინი ყიდულობენ მიწას, აშენებენ ქალაქებს და აგროებენ სიმდიდრეს, რომლითაც არ შეუძლიათ სარგებლობა.

ზოგს ქარიშხლიან დროში ადამიანები დამშვიდებას პოულობენ სახლში, სადაც იგინი აზროვნობენ და სწერენ.

ასე იქცეოდა, მაგალითად მონტენა, რომელიც, დევნული აჯანყებულთაგან, დაიძალა პატარა თავის კოშკში, სადაც დაწერა თავის უკვდავი „ცდანი“ და გაატარა უბედნიერესნი წლები იმ ფილოსოფიაში, რომელსაც ის მოსწრებულად უწოდებს: *verite, gaie et naïve*; ამგვარადვე იქცეოდა ბეკონი, ჯეტუ, ლოპიტადი, კარდინალი რეტცი და მრავალსხვანი.

შესანიშნავი ბუნებისმატყველი ადამიანი ეკუთვნოდა იმ რჩეულ ადამიანთა გუნდს, რომელთაც არათფერი იციან, გარდა შრომისა და მისი კმაყოფილებისა. საფრანგეთის რევოლიუციის დროს მას დიდი უბედურება დაატყდა; მაგრამ ის მუდამ მზად მყოფი ბრძოლისათვის, სრულიადაც არ შედრეკილა. მან ყველაფერი დაჰკარგა, გარდა შრომის სიყვარულისა. სამოცდა ათის წლის ის ისეთი ღარიბი იყო, რომ როცა ერთხელ ინსტიტუტის კრებაში მონაწილეობის მიღება სთხოვეს, მან უპასუხა ღიმილით: „საუბე-

დუროდ არ შემძლია იქ წასვლა, რადგან „ბაშმაკე-
ბი“ არ მაქვს.. სანამ ადანსონი ფიქრობდა და წერდა,
ის მუდამ ბედნიერი იყო. გული აგიჟილდებოდათ,
რომ გენახათ, როდესაც ეგ წელში მოხრილი მო-
ხუცი, ბუხრის წინ იჯდა და ნახევრად გამქრალი
ცეცხლის სინათლეზე, რომელიც მას ერთსა და იმა-
ვე დროს სითბოსა და სინათლეს აძლევდა, სწერდა.
გამუდმებული. (სანთელი ხომ არ ქონდა). მოხუცს
ავიწყდებოდა ყოველივე მსოფლიური, როდესაც
რომელიმე ახალი შუქი შენათებდა მის აზრში და
გაუღიმიებდა მის ოცნებას.

თავის ანდერძში ის წერდა, რომ მის საფლავზე
დაედოთ გვირგვინი იმ ორმოცდა თვრამეტი სხვა და
სხვა ყვავილთაგან გაკეთებული, რომელთა „ოჯახო-
ბანიც“ მან დაამკვიდრა მეცნიერებაში.— „არა სამუ-
დამო, მარა მაინც მშვენიერი ძეგლია“. (ამბობს
კიუგაე).

ხშირად სიხარულის გრძნობა, რომელიმე მოქმე-
დებით გამოწვეული, ისეთი ღიღია, რომ ადამიანი
არა ნორმალურ მდგომარეობაში ვარდება. მაცარტი
თავდავიწყებას ეძლეოდა, როცა თავის მუზიკალურ
თხზულებათ წერდა; ასევე ემართებოდა გებერსაც.
ჯაგრანჟი მუშაობის დროს, გრძნობდა თუ როგორი
სიხარულით ცემდა მისი გული. რუსსო როცა წერ-
და, თითქმის ციებაში იყო; დრადენას ერუანტელი
უვლიდა და ალფიერს თვალები უბნელდებოდა.

გათანტულობა მეცნიერების და ხელოვნების მნათობთა არის გაათანტულობა ბედნიერთა. ნაუტონი, იმდენად შეპყრობილი იყო აზრებით, რომ ხშირად ივიწყებდა საკმელზე. ერთხელ მან დაპადიჯა სადილად თავისი მეგობარი ექიმი სტაუკლეი. ისიც მოვიდა დანიშნულ დროს. „სტოლი გაწყობილი“ დახვდა, მარა ნიუტონი იქ არ იყო. ექიმმა დიდხანს ველარ უცადა, შემოუჯდა მაგიდას, შესჯამა მთლად შემწვარი ქათამი და წავიდა შინ. რამოდენიმე ხნის შემდეგ გამოვიდა ნიუტონი, ძალიან მოშიებული, მაგრამ როდესაც ქათმის მხოლოდ ძვლები დაინახა, სიცილით წამოიძახა: „საუცხოვოა! მე მეგონა, თუ არ მისადილია დღეს-მეთქი; თურმე ძალიან არ ვცდებოდი!“

ერთხელ ბეთსოგენა ვენაში სასტუმროში შევიდა, საკმელების „კარტა“ მოითხოვა და სადილი შეუკვეთა. მერე ამ „კარტაზე“ მუზიკალური თხზულების წერა დაიწყო. ცოტა ხნის შემდეგ მოსამსახურემ სადილი მოუტანა; მაგრამ ბეთსოგენმა გამოუცხადა, რომ მე უკვე ვისადილეო, ფული მისცა მოსამსახურეს და წავიდა.

გაბბუნმა, გამოეთხოვა რა ძალაუნებურად თავის დიდებულ შრომას „რომის იმპერიის დაცემის ისტორიას“ დასწერა შემდეგი მშვენიერი სტრი-

ქონები: „კაპიტოლიის ნანგრევებზე მე მომივიდა. აზრი მეცნიერული შრომის შექმნისა, იმ შრომის, რომელმაც ოცი წელი მოინდომა, და ამ წლების განმავლობაში სიხარულით ავსებდა ჩემს არსებას. თუმცა ის შორს არის ჩემს ოცნებამდინ, მარა მაინც წარვუდგენ მას საზოგადოების ცნობის მოყვარებასო.“

მე იტალიით დავიწყე და იტალიითავე მინდა დავასრულო დიდებულ მუშაკთა მოქმედების მიმოხილვა.

ალფიერას ბიოგრაფიიდან ვგებულობთ, რომ უმაღლესს კმაყოფილებას ის მეცნიერებასა და ლიტერატურაში პოულობდა.

„ძლივს გავათავე პოემა (წერს ის), რომ საყვარელი ქალიდან მივიღე წერილი: მწერდა, რომ მას თეატრში ენახა ვოლტერის ტრაგედია „ბრუტოსი“ და ძალიან მოსწონებოდა. მეც მენახა ის ათისწლის წინად, მაგრამ არ მახსოვდა დაწვრილებით; მე მაშინვე ჯიბრმა შემიპყრო და ვიფიქრე: რა უნდა იყოს „ბრუტოსი“, ვოლტერის „ბრუტოსი!“ მე არათუ მარტო შევექმნი „ბრუტოსს“, მე დავამტკიცებ, რომ მე უკეთ დავწერ ტრაგედიას, ვინემ ფრანციელი პლებეი, რომელიც 70 წელია თავის თხზულებებზე აწერს: *Voltaire getinhomme ordinaire*

du Roi“. „მე დავჯექი პასუხის დასაწერად, და იმავე დღეს გავუგზავნე საყვარელს არსებას პირველი მოქმედება ჩემი „ბრუტოსისა“.

„შემდეგ მთელი ხუთი თვე განუწყვეტელ მუშაობაში გავატარე, და ყოველ დღლით ვუგზავნიდი მას ხუთ-ექვს გვერდს.

ენკენისთვის ბოლოს 82 წელს, როდესაც ყველაფერი შესწორებული და გადაწერილი იყო, მე კითხვის დროს დავრწმუნდი, რომ ტრაგედია უფრო იყო კარგი. და თუმცა მე პირველ მწერლად მიმაჩნდა თავისი თავი დედამიწაზე, მარა მის გადაკეთებას მაინც ხუთი თვე მოვანდომე: ვასწორებდი, სარჩულსაც ვუცვლიდი; ერთი სიტყვით თოთხმეტ რედაქციაში გავატარე. ბოლოს ოქტომბრის შუა რიცხვებში დადგა ჩემთვის დასვენების დრო, ისეთივე სასურველი, როგორადაც აუცილებელი ამოდენა შრომის შემდეგ. თავმოყვარეობით ვიყავ სავესე, მაგრამ მინდოდა, რომ ეგ არავის შეემჩნია და რაღაც შორცხვობით ვლაპარაკობდი თავის თავზე ჩემი საყვარელი არსების წინ, რომელიც დიდებულ ადამიანად მთვლიდა; ჭ შეიძლება სწორედ ამიტომ მინდოდა; რომ დიდებული გავმხდარიყავი. რამდენიმე თვის შემდეგ მე კვლავ დავფიქრდი და ისევ მოვკიდე ხელი ჩემს ტრაგედიას. მაგრამ ამ დროს მე მხოლოდ 34 წლის ვიყავი და ადრე მეგონა სალიტერატურო ასპარეზზე გამოსვლა; მართლა, მე სულ რვა წელი-


წადს ვმეცადინეობდი, და არას დროს არ ვაძლევდი თავს ფარულს იმედს, რომ როდისმე სახელის სხივები შეამკობდნენ ჩემს თავს“.

როგორი პოეზიაა, როგორი კეთილშობილური მიდრეკილებაა ხელოვნებისადმი, როგორი მაღალი და პირდაპირი პატივის მოყვარეობაა!...

ორმოცდა ათის წლისამ ალფიერიმ ხელი მოჰკიდა ბერძნული ენის შესწავლას და ისეთის სიყვარულით მიაღდა ამ საქმეს, ისეთის გულმოდგინებით, რომ ამბობდა: „მე ვგ მინდოდა შეუდრეკელად, მე ვგ მინდოდა უძლიერესად. შემდეგ ამბობს:

„იმდენი დაღლილობას არ დაუხსუსტებია, რამდენიც იქვიანმა, დაუჯერებელმა ჰქვამ. მაგრამ ამანვე მაიძულა—გამომეღვიძებია გასრული წლების ლეტარგიიდან. 97 წლისამ მე გადავაკეთე სატირა № 17, გადავათვალიერე, შევაკეთე და გადასაწერად მივეცი. ბოლოს, როცა უფრო შემიყვარდა ბერძნული ენა, მე ვთარგმნე ევრიპიდის „ალცესტა“, სოფოკლის „ფილოკტეტი“, ესხილის „პერსი“ და „ბაყაყები“ არისტოფანისა.

ალფიერი მუშაობდა 50-ის წლის განმავლობაში და დღითი დღე მეტს კმაყოფილებას პოულობდა შრომაში!



ამპარტავნობა და სახელი, შრომისგან გამოწვეული.

ბავშვიც იქნეს თავმოყვარეობას. — ჰატივის მოყვარეობა ადამიანის ბუნებაშია; მას დიდი საქმებისაკენ მიყავს ადამიანი. — XIII საუკუნის ისტორიიდგან. — ალბერტი და ბარბიანი. — ლანგრაჟის მამა. — ენეი სილვიუსი ჰიკოლომიანი. — ჰავლე სარპი. — ბეკკარიო. — შეტასტასიო. — ბარნაბო რიანი, წინედ კალატოზი, შემდეგ დიდებული გარსკვლავთ მრიცხველი. — ბელტონი, წინედ უბრალო დალაქი, შემდეგ შესანიშნავი მოგზაური. — უბრალო შთამომავლობა, მაგრამ დიდებული სიმტკიცე გალილეისა — ჩამოთვლას მცირეთა, რომელნიც „დიდ იქმნეს“.

დიდებით გარშემორტყმული აქ
 „ბალდახინით“ არ მოდის. — დანტე.
 რამდენი წინ მიდის ადამიანი, იმდენი
 ნაკლებად სჩადის დანაშაულობას.

დანტე.
 მამაცთათვის ყველა გზები სწორია.
 ტასო.

ბავშვს ჯერ ენა არ ამოუდგამს, ძლივს ახერხებს „დედა“ და „მამას“ თქმას, რომ უკვე იჩენს თავმოყვარეობის ნიშნებს: ის სრულიად კმაყოფილს სახეს იღებს, როცა მას აქებენ. რაიმე გამწყრალი სიტყვა ატირებს მას, თუმცა ეგ სიტყვა მას არაფი-

თარ ფიზიკურ ტანჯვას არ აგრძნობინებს. ეს არის ნიშანი დიდი გრძნობის, რომელიც მალე გაიშლება ცხოვრებაში, ეგ არის ნიშანი იმ ძალისა, რომელსაც მიყავს ადამიანი ყოველ დიდებულ და ყოველ საძაგელ საქმეთაყენ. მშობელნო და მასწავლებელნო, ყური უგდეთ, თვალი ატანეთ ამ გრძნობის გაძლიერებას სიფრთხილით და მოთმინებით; ეცადეთ, არ მოკლათ ის სიმკაცრით, არც ძალიან განაცხოველოთ თავყანის ცემით; ეცადეთ მიაქციოთ ის კეთილშობილური მიზნებისაკენ, რომელთაც სახელისა და ბედნიერებისაკენ მიყავს ადამიანი. თქვენ ხელთ არის მამოძრავებელი ძალა ზნეობრივი და გონებრივი ცხოვრების დიდი შექანიზმისა.

სულელია—თვითმოყვარე ადამიანი, მარა უფრო სულელია უთავმოყვარო ადამიანი. ის გავს ზარმაც ცხენს, რომელიც მათრახს არ გრძნობს, ან სხვა ცხოველს, რომელიც კმაყოფილია მითი, რომ ჭამს, სვამს და სძინავს.

ქ-ნმა სცაღმა, რომელმაც კარგად შეისწავლა ადამიანის გული, თქვა, რომ გენიოსობა არის ძლიერი ციება, რომელიც იზომება მხოლოდ სახელის სიხარულითო. ამ სახელისაკენ უნდა იწევდნენ არა მარტო გენიოსები. ყოველი ჰკუა, დიდებული თუ უბრალო, უნდა გრძნობდეს თავის სფერაში კეთილშობილურ თავმოყვარეობას. ვინც მას არ გრძნობს,

მას არ შეგვიძლია სრული კაცი ვუწოდოთ: მას ადამიანის ნახევარი ძალა აკლია.

როდესაც თქვენ მთაში მიდინხართ, განა არ ელოდებით მოუთმენლად მწვერვალის მიღწევას? და როდესაც მწვერვალს აღწევთ და იმავე დროს ხედავთ უფრო მაღალ მთას, განა მოუთმენლად არ შეყურებთ მას? განა ზღვის ნაპირს რომ დგებხართ, თქვენ არ ეძებთ თვალით ათღქმულს ქვეყანას? მაგრამ ეგ ალთქმული ქვეყანა მთის მეორე მხარეს სძევს, როგორც ერთმა დიდებულმა პოეტმა სთქვა.

ადამიანი, რომელიც არ ეძებს მაღალ მთებს და ფართო ჰორიზონტებს, რომელიც არ ცდილობს ზეცათა საიდუმლოების გამოცნობას, არც თავისი საკუთარი თავის გაგებას—მხოლოდ ნახევარი კაცია, შეიძლება კიდევ ნაკლები. ის ეკუთნის ინტელიგენციის სრულიად უსაქმო მდაბალ პლებეების რაზმს, იმ ჯოგს ცხვრებისას, რომელნიც გზას იკლოვენ მხოლოდ ზარის ხმით ან მეცხვარის ჯოხის წყალობით, ურომლისოდაც ეგ ფარა ვერც საბალახოს, ვერც თავლას ვერ მიაკლოვს. ადამიანი, რომელშიდაც თავმჯდვარეობა არ არის, დაბადებულა მიტომ, რომ სიცოცხლე მონობაში გაატაროს; ბოლოს გაიყინოს და მოკვდეს, ის შედარებით ბევრ ცხოველებზე დაბლა სდგას: ცხენი, მაგალითად, შეურაცხყოფილად თვლის თავს, როცა მათრახს არტყმენ, ის გარბის და სხვებს უსწრებს; ძაღლები და

შაიმუნები პირდაპირ გამოხატვენ ხოლმე თავმოყვარეობის ნიშნებს: იმათ კარგად ესმისთ ქებაც და ძაგებაც. კანონი თავისი თავის გაუმჯობესებისა თანდაყოლილი აქვს ყველა ქმნილებათ.

წაიკითხეთ ჩვენი სიმპატიური მწერლის შემდეგი სტრიქონები.

„მე-^oXVIII საუკუნის მეცნიერებში ქეშმარიტების უსიყვარული შეკავშირებული იყო ინტელექტუალურ ცხოვრებასთან, პოეტურ და მრისხანესთან და არა ისეთთან, როგორც არის ჩვენი საუკუნის ცხოვრება—როდესაც გრძნობელობა და ანგარიში ვანაგებენ ადამიანის გულსა და ქვეას.

ის ადამიანები არა მარტო გრძნობიერებით ცხოვრებდნენ—ისინი ცხოვრებდნენ სახელისათვის. იმათი ცხოვრების ამიკანა და მწვავე კითხვა ის იყო, რომ საზოგადოებისთვის მეტი სარგებელი მოეტანათ.“

გადავაგლოთ თვალი იტალიის დიდებულთ: ჩვენ დავინახავთ, რომ გენიოსობა და თავმოყვარეობა, პატივის მოყვარეობა და ძალა თანამგზავრია ერთი მეორისა.

ალბერაკო დაბარბიანო, მე XIV^o საუკუნის შესანიშნავი ჯარის წინამძღოლი, რომელსაც იტალიის დიდებული განმათავისუფლებელი ეწოდება, ყოველთვის მოწყენილი და აღელვებული იყო, თუ

კი მას ვინმე სამხედრო ვარჯიშობაში, ხმლის ხმარებაში, თუ სირბილში აჯობებდა. ერთხელ ის ეჯიბრებოდა თავის ძმას ჯოვანის, რომელმაც რამოდენიმე ჯერ დაამარცხა იგი. ამ დღეს, ყოველგვარი ხვეწნა-მუდარის მიუხედავად მას სადილი არ უქამია (ახალგაზრდობაში). შემდეგ ძმამ ხელახლა გამოიწვია იგი სავარჯიშოდ და განგებ დაამარცხებია თავი. „ეგ თვისება, ეგ გრძნობა სასაცილო კურდღლის ბაჭის არსებაში—ამბობს მისი ბიოგრაფი,—მარა ლომის ბუნებაში მხოლოდ გაკვირვების ღირსია.“ აღბერიკო სულახალგაზრ და შევიდა სამხედრო სამსახურში შესანიშნავი ჯარის წინამძღოლის ჯოვანი აკუტოს უფროსობის ქვეშ. ის მაშინვე შეუდგა სამხედრო დისციპლინის შესწავლას თეორიულად და პრაქტიკულად და დაულაღვად ცდილობდა, რომ მალე კაპიტანი გამხდარიყო. კითხულობდა დიდის ყურადღებით, უკვირდებოდა გმირების მოქმედებას, ათვლიერებდა ადგილებს, რომელნიც უფრო მოხერხებულნი იყვნენ ჩასაფრებისათვის. და საზოგადოდ სამხედრო მოძრაობისათვის; თავდაქერილი, ზომიერი და მხოლოდ სახელის სურვილით გამსჭვალული ის სიმამაცის სასწაულებს ახდენდა. აკუტო ხშირად ამბობდა მაზე: „სხვებს, დეზი სჭირია და აღბერიკოს კი მხოლოდ მაგარი აღვირი უნდაო“. ლივიის სიტყვით, ადამიანი ემორჩილებიან გარემოებათ, და არა გარემოებანი ადამიანთ. ეგ შეიძლება.

მართალი იყოს „უბრალოთა“ შესახებ, მარა გენი-
ოსები არ ემორჩილებიან ასეთ კანონს. აღმაფრენი
აზრებით დაჯილდოებულნი პირები თითონ ამზადე-
ბენ გარემოებათ; იგინი არაფრისაგან ქმნიან წრეს,
ასწორებენ ნიადაგს, გრძნობენ მოსავალს და წინაღვე
უმკლავდებიან მას. ალბერიკომ, რომელმაც იტალიის
გაცამტვერება სამხედრო დისციპლინის დაცემას მია-
წერა, გადაწყვიტა ამ უკანასკნელის აღდგენა.

არმიის მოწყობის საქმე უკედ წავიდა. მოწო-
დებამ სარწმუნოების მხრივ და კაპიტანის მჭერმე-
ტყველებამ დაბადეს სამშობლოსადმი სიყვარული.
საჭირო ფულები შეკრებილ იქმნა თავდადებულ
მეგობართა წრეში. ერთის სიტყვით, ალბერიკო
რჩება იტალიის გაერთიანების მამოძრავებელ ძალად.
იმის სკოლიდგან გამოვიდნენ: ბანდოლინო, ბრაჩჩიო,
პაოლო, ორსინო, ტარტალია, სფორცა და სხვ.
ესენი არიან იტალიელები, რომელნიც სხვისი ბატო-
ნობის სიძულვილს სცემდნენ თაყვანს; ისინი ყველა
ალბერიკოს ჯარის კაცებია, სხვა ეროვნებიდგან
მათ არავინ ეკუთვნის.

როდესაც ვინმე პატივის მოყვარეობას მეცნი-
ერული, ან არტისტული სახელის შეძენას უდებს
სარჩულად, მაგრამ ისე კი, რომ არავინ იჩაგრებოდეს,
მაშინ ეგ თავმოყვარეობა მხოლოდ მაღალი ზნეობი-
თი ძალაა, რომელიც გარშემო მხოლოდ სიხარულს
ავრცელებს.

აი სურათი, სადაც ოჯახური გრძნობანი გადახლართულნი არიან თავმოყვარეობასან.

..... „შესანიშნავი მათემატიკოსის ლაგრანჟის მამა 90 წლის იყო. გარეშე საქმეთა მინისტრმა მისწერა დირექტორიის კომმისარს დემარუს: „მილით შესანიშნავი ლაგრანჟის პატივცემულ მამასთან და გამოუცხადეთ საფრანგეთის მართველობის მხრივ ჩვენი გულითადი სიმპატია.“ კომმისარი და მრავალნი დიდებულნი მივიდნენ მცხოვანი მოხუცის სახლში და წაუკითხეს აფიციალური დეპეშა. კომმისარმა დაუმატა: „ბედნიერო მამავ! მიიღე სიმართლის მეგობართაგან გულწრფელი მადლობა, რომლის გამოძნატველად მე ვარ წარმოგზავნილი. დალოცეთ იღბალი, რომელმაც თქვენ დაგაჯილდოვათ შვილით, რამეთუ ეგ თქვენი შვილი ამშვენებებს კაცობრიობას თავისი გენიოსობით. პიემონტი ამაყობს მით, როგორც სამშობლო, საფრანგეთი კი ბედნიერია, რომ მას თავის მოქალაქეთ თვლის“. აი მამის პასუხი: „ეგ დღე უუბედნიერესია ჩემს ცხოვრებაში და მიზეზი კი ჩემი შვილია. გადაეცით მართველობას ჩემი გულითადი მადლობა! ჩემი შვილი კი... ოცდათორმეტი წელია, რაც მე იგი არ მინახავს“.

მამა და შვილი ღირსნი იყვნენ ერთმანეთისა.

როდესაც რამდენიმე წლის შემდეგ საერო განათლების ინსპექტორებმა ინახულეს პიემონტი, ერთი მათგანი, ინსტიტუტის წევრი, გაემგზავრა

მოხუც ლაგრანჟთან, რომელიც ამ დროს ახალგაზღვრად“ გრძნობდა თავს. მთელი მუსიკალური საზოგადოება შეკრებილიყო იქ. ინსპექტორმა ლაპარაკი ჩამოაგდო ლაგრანჟშილზე. „ჰო, — თქვა მოხუცმა მამამ — ჩემი შვილი დიდებულია ადამიანების თვალში; მე კი მინდა, რომ იგი ღვთის თვალშიაც ისეთი დიდებული იყოს“.

ენეი სილვიუსი ჰიკკოლანი იყო დიდებული მწერალი და დიდებული პაპა. იმის ამაყი და დამოუკიდებელი ხასიათის დასასურათებლად საკმარისია მოვიყვანოთ შემდეგი შემთხვევა. მისი უკანასკნელი ავადმყოფობის დროს, ექიმები არწმუნებლენ მას — საშიში არაფერი არისო. მან კი, თავის მდგომარეობის კარგად მცოდნემ, წარმოსთქვა შემდეგი ღირს სახსოვარი სიტყვები: „საცოდავია ბედი დიდებულთა, რომელნიც თვით სიკვდილის შესახებაც კი ვერვისგან გაიგონებენ სინამდვილეს.“ ენეი სილვიუსი იყო შვილი ღარიბი ოჯახისა და სუსტი აგებულების პატრონი; მარა მან მაღალი თავმოყვარეობით ასულდგმულბულმა განვლო სამღვდლოების ყველა ხარისხი, ბევრი იმოგზაურა, ბევრი ისტორიული და ფილოსოფიურ თხზულება დაწერა. მას მრავალჯერ გადაუვლია ალპიის მთები და არა ერთხელ ყოფილა საფრანგეთში. რამდენიმე წელი უცხოვრია გერმა-

ნეთში, ყოფილა ვენგრიაში, ბრიტანიაში და დაუ-
ვლია ოკიანის ყველა კუთხეები. „არ არის ისეთი
საქრისტიანო პროვინცია—სწერს კატრანო—რომე-
ლიც მას არ ენახულოს, არ არის ზღვა, რომე-
ლზედაც მას აი ეცუროს, არ არის მდინარე თუ
ქალაქი, სადაც ის არ ყოფილიყოს და სხვა“. და
აქვე ვიტყვით, ვინ არ იცის ისტორია სექსტ მებუ-
თისა, რომელიც მელორიდგან პაპა გახდა?

ჰაოლო სარპი, რომელზედაც კიდევ გვექნება
შემდეგ ბაასი, დაიბადა ვენეციაში, ლარიბ ოჯახში;
მამა აღრე მოუკვდა. დედა მისი ისეთი ლარიბი იყო,
რომ ერთმა მისმა ძმამ წაიყვანა თავის სახლში. ეს
იყო განათლებული და სათნო ადამიანი. როდესაც
მან თავის ძმისწულში შეამჩნია ნიჭი, შესამჩნევი მებ-
სიერება და მახვილი ქვეა სჯა-ბაასში, მაშინ დიდის
ზრუნვით დაუწყო მას გრამმატიკისა და რეტორიკის
სწავლება. კეთილშობილური თავმოყვარეობით ამო-
ძრავებულმა სარპიმ ისეთი უნარი გამოიჩინა სწავლა-
მეცადინეობაში, რომ განაცვიფრა ბიძა მისი; მაგრამ
რაც უფრო აკვირვებდა ყველას—ეგ იყო მოწყენი-
ლი დაფიქრებული სახე, აზროვნების ღრმა გამოხა-
ტულება, სიჩუმე და ყოველივე სათამაშოსადმი სი-
ძულოვილი. საკმელს ისე ცოტასა სქამდა, რომ ყვე-
ლას უკვირდა, თუ როგორ აკმაყოფილებდა ის ორ-
განიზმის მოთხოვნილებას. ის ფიქრობდა და მუშა-
ობდა.

კეთილმა ბიძამ, რა დაინახა არა ჩვეულებრივი კაცი მის ძმისწულში, საშუალება მისცა, რომ მას მათემატიკა, ბერძნული და ებრაული ენები შეესწავლა ვენეციის საუკეთესო პროფესორებთან. მალე დაიწყო მან მეცადინეობა ჯოვანის მამის ძარი კაპელის ხელმძღვანელობით. აქ ის სწავლობდა ლოლიკას, ფილოსოფიას, თეოლოგიას (ღვთის მეტყველებას) და ისე წავიდა წინ, რომ ბოლოს მასწავლებელმა გამოუცხადა, მეტი რა უნდა გასწავლო, რაც თითონ არ ვიცო: ის ხშირად უხერხულ მდგომარეობაში აყენებდა თავის მასწავლებელს კითხვებით და გარკვეული აზრებით. ოცი წლის ის მონასტერში შევიდა, სადაც სიჩუმითა და მშვიდობიანობით მალე შიიპრო წინამძღვარის ყურადღება. ამხანაგები ამბობდნენ: „ყველა მუქთაობაში ვიმყოფებით აქ, პაოლო კი წიგნით სულდგმულობს“. ჯერ კიდევ ძალიან ახალგაზრდა ბევრს მოზრდილებს სჭარბობდა თავისი ცოდნით.

1572 წელს მას უნდა დაეცვა დისპუტი მანტუაში კონგრესზე—ამ დროს ის მხოლოდ 20 წლის იყო!.. აქ ამ არა ჩვეულებრივმა ახალგაზრდამ ისე ადვილად გაარჩია 318 თეოლოგიური და ბუნებისმეტყველურ-ფილოსოფიური კითხვა, რომ გრაფმა მანუთიმ სთხოვა საეკლესიო მთავრობას, რომ ის მისთვის დაენიშნათ სასახლის ღვთისმეტყველად.

სარწმის განუძღომელი მიდრეკილება ჰქონდა

კოდნისადმი და მთელი თავისი სიცოცხლე თავის გაუმჯობესობაში გაატარა. მას მუდამ ეგონა, რომ კოტა ვიცი და ნაკლულევანებით ვარ სავსეო.

აი რამოდენიმე სიტყვა მის შრომის მოყვარე ცხოვრებაზე:

. . . ვენეციაში დაბრუნების შემდეგ, მან სრულიად ფიქრებს მიცა თავი და უკვე გაარკვია რამოდენიმე აზრი მეტაფიზიკასა, ბუნებისმეტყველებასა და მათემატიკაზე. ამ დროს აღფონსი ანტონინი, ვენეციის მთავარმართებელმა, რომელიც ის იყო გერმანეთიდან დაბრუნდა, მოინდომა პაოლო სარპის მოლაპარაკებოდა სხვა და სხვა იარაღების ჭეშინების შესახებ და ანტონინი დიდის სიამოვნებით უგდებდა ყურს სარპის აღტაცებულ ლაპარაკს იმ საგანზე, რომელიც მას არას დროს არ შეესწავლა განკუთვნილად, მაგრამ ის მაინც სალად სჯიდა, ხსნიდა და მოჰყავდა დასამტკიცებელი საბუთები.

„მეორეხელ ვენეციაში მოვიდა ერთი სამზღვარგარეთელი, რომელიც დარწმუნებული იყო, რომ ქალაქი, რომელსაც მოუთავსებია თავის თავში ყოველგვარი მეცნიერება, იმავე დროს უთუოდ უბედურებათა ცენტრი უნდა იყოსო. პირველად, რალაც ბედად, მას პაოლო სარპა შეხვდა. სამზღვარ გარეთელი ისე გაშტერებული დარჩა მისი სჯა-ბაასით, აზრებით, რომ უცებ დამუნჯდა კაცი, არ იცოდა რა ექნა, თუ რა

ეთქვა. ასეთი ფართო იყო მისი ცოდნა, ასე ნათელი და უსაზღვრო იყვნენ მისი აზრები“.

„იღებების ქვეყნის მცხოვრებს, მას უნდოდა. გაცლოდა გაუგებარ საბრალო წრეს, ჩაღრმავებოდა. მათემატიკურ აზრებში, მეტაფიზიკისა და ზნეობის. განხილვაში.

ექვსი წელი შესწირა მან მეცადინეობას და ამ ექვსი წლის განმავლობაში დაწერა რამოდენიმე წიგნი სულიერი ცოდვების აღმოფხვრისა და კეთილმოქმედების გაძლიერების შესახებ; ამას მიუმატეთ. კიდევ სამი ტომი პლუტარხის წიგნების მსგავსი: პირველი სულის მედიცინის შესახებ, მეორეში აღწერილი იყო, თუ როგორ ჩნდებიან და ქრებიან ვნებანი (СТРАСТИ); მესამეში ამტკიცებდა, რომ ატეიზმი ადამიანის ბუნების წინააღმდეგიაო“.

ბეკკარი ბავშობაში არ იჩენდა დიდ ჰქვას, მხოლოდ შემდეგ, თავისი თავმოყვარეობისა და ცოდნის სურვილის წყალობით, ის შეიქმნა იმ დიდებულკაცად, როგორადაც მას ქვეყანა იცნობს. ყური დაუგდეთ, რას ამბობს მისი ბიოგრაფი:

„ბავშვობაში ის არ იჩენდა დიდ ჰქვას, ცოტას. ლაპარაკობდა; მორცხვი, წყნარი, ის ისეთი ზანტი. იყო აზროვნებასა და მეცადინეობაში, რომ ძლივს ისწავლა წერა-კითხვა. შემდეგ გრამმატიკა ისე გა-

უძნელდა მას, რომ მშობლებმა პირდაპირ უნიჭოდ ჩასთვალეს ის. მაგრამ როდესაც წამოიზარდა, უცებ გაიშალა მისი ნიჭი, მოულოდნელად, წარმოუდგენელი სიჩქარით. მან ხელი მოჰკიდა ძველი კლასიკების შესწავლას და ისე მალე შეიგნო თვით ბუნდოვანი ავტორებიც კი, რომ თვითონ დასწერა მათზე რამოდენიმე წერილი. ამ წერილებმა ენის სიწმინდით და აზრის სიღრმით განცვიფრებაში მოიყვანა მკითხველი საზოგადოება. ესა და სხვა მსგავსი მოვლენანი ამტკიცებენ, რომ რამდენად გვიან ვითარდება ადამიანი, იმდენად ეს განვითარება მტკიცე და ხანგრძლივია.

ბეკკარი რომ არ გამხდარიყო შესანიშნავ ადვოკატად და ავტორად უკვდავი თხზულების „De delitto é delle pene (დანაშაულობა და სასჯელი), ის, უეჭველია, დიდებულ ფიზიკოსად გახდებოდა, ვინაიდან პატარაობას იგი ისეთს უნარს იჩენდა ფიზიკის სწავლაში, რომ მასწავლებლები მას პატარა ნიუტონს ეძახდნენ.

ახალგაზრდა ბეკკარი, რომელიც ძალიან მალე დადგა თანამედროვე უსაქმო თავად-აზნაურებზე, გრძნობდა, რომ რამდენი მეტად უკვირდებოდა ფილოსოფიურ კითხვებს, იმდენი მეტად იღვიძებდა მასში ცოდნის წყურვილი; და როდესაც იგი რომელიმე ახალ ქეშმარიტებას აღმოაჩენდა, იტყოდა:

„ვეგრძნობ, თუ როგორ მევსება გული სიტკბოებითაო“.

ჩვენ შეგვიძლია ჩამოვთვალოთ მრავალნი დიდებულნი, რომელიც სიღარიბეში დაბადებულან და იმავე სიღარიბეში დაღვედნენ სულს, რომ უმაღლესი პატივის მოყვარებით არ ყოფილიყვნენ ამოძრავებულნი.

მთელი ქვეყნის მიერ ცნობილი პოეტი ჰეტროტრანსსისი, მეტასტასიოდ წოდებული, დაიბადა რომში, ღარიბი მშობლებისგან; მამამ დიდის სივიწროვით შეასწავლა შვილს გრამმატიკის პირველი წესები. მაგრამ ბუნებამ ისეთი ნიჭით დააღვიძლოვა ის, რომ რვა წლისამ არა თუ იცოდა ლათინური ენა, მშვენიერ ლექსებსაც კი წერდა. ერთს საღამოს ამ ხელობაში ვარჯიშობდა მეტასტაზიო ქუჩაში, მრავალ რიცხვოვან ხალხში. მის ლექსებს უცებ ყური მოჰკრა გაჩენცო გრანინმა, რომელიც ფრიად გაკვირვებული დარჩა იშვიათი ტალანტით, და პატარა პოეტს, ნიშნად მადლობისა, ფული შეაძლია. მეტასტაზიომ უარი განაცხადა. ამ საქციელმა კიდევ უფრო მოხიბლა გრავინი. მან მოინდომა რომ ბავშვი სახლში წაეყვანა და აღეზარდა ეგ მშვენიერი ყვავილი, რომელიც მშვენიერსავე ნაყოფს პირდებოდა. მან მოელაპარაკა პეტროს მამას, რომელმაც სილა-

რიბისა და შვილის სიყვარულის გავლენის ქვეშ მყოფ-
მა, დაეთანხმა მეცენატის წინადადებას.

თოთხმეტი წლის მეტასტაზიომ დასწერა მისი
წლოვანობისათვის განსაცვიფრებელი ტრაგედია
Giustino.

ზანზაბა ორანნი, გასრული საუკუნის უშესა-
ნიშნავესი ასტრონომი, ისეთ სიღარიბეში დაიბადა,
რომ ბავშვობიდან იძულებული შეიქმნა კალატოზო-
ბისათვის მოეკიდა ხელი. შემდეგ, როდესაც ის
თავისი მეგობრებით ინახულებდა თავის სამშობლოს
გარენიანოს, ის ხშირად აჩვენებდა ამხანაგებს ქვის
კედელს, მისი საკუთარი ხელებით აშენებულს. მას
სრულიად არ რცხვენოდა ამ გარემოების; პირ იქით,
მას ამაყობაც კი შეეძლო, რადგან არარაობად დაბა-
დებულმა, მან თავისი კეთილშობილური თავმოყვა-
რეობის წყალობით, შეიძლო უწარჩინებულისი კაცი
ჯამხდარიყო თავის დროში.

ლარიბმა კალატოზმა, 1752 წელს დაბადებულ-
მა, 1778 წელს უკვე დაბეჭდა მეცნიერული თხზუ-
ლება მთვარის შესახებ. 1781 წელს გერშელმა
ურანი აღმოაჩინა. მაგრამ ოთხი წელიწადი გავიდა,
და მეცნიერებმა არ იცოდნენ, თუ რას წარმოადგენ-
და ახლად აღმოჩენილი სხეული. აღმომჩენელი ამ-
ბობდა, რომ ის არის მეშვიდე სიდიდის ვარსკვლავი,

რომელსაც თავისი საკუთარი მოძრაობა აქვსო. მასკეჟანა ამბობდა, რომ კომეტა არისო; მაგრამ 1785 წელს გაჩნდა ღრანის თავისი შრომით, რომელშიაც გამოარკვია ურანის ორბიტა (გზა), გამოიანგარიშა ამ უკანასკნელის ყველა ელემენტები (ნაწილები) და ურანი გამოაცხადა პლანეტად. დამყარდა თეორია. ამ კლასიკური ნაწარმოებით უბრალო კალატოზმა მოიპოვა ადგილი უდიდებულეს ასტრონომთა შორის.

რამოდენიმე წლის შემდეგ ორიანმა მიიღო წერილი ლენერალი ბონაპარტისაგან, სადაც უკანასკნელი უწოდებს მას ლომბარდიის მეცნიერების საუკეთესო წარმომადგენელს. აი რამდენიმე სტრიქონი ამ საბუთიდგან, სადაც ნათლად ჩანს მთელი გენიოსობა აუსტერლიცის მომავალი დამპყრობელისა.

„მეცნიერებანი, რომელნიც ამშვენებენ ადამიანის ჰევას, ხელშენება, რომელიც აფრთოვანებს ცხოვრებას და გადმოგვცემს მომავლის საუკეთესო მოქმედებას, ყველაზე უფრო უნდა ფასდებოდეს თავისუფალი მართებლობის მიერ. აზრი განთავისუფლდა იტალიაში; არც ინკვიზიცია, არც დესპოტები არ აბრკოლებენ მას:..“

„ყველა გენიოსებს, ყველა ისეთ ადამიანებს, რომელთაც მეცნიერების რესპუბლიკაში გამოჩენილი ალაგი უჭირავსთ, ჩვენ ფრანციელებათ ვთვლით

მიუხედავათ იმ ადგილებისა, სადაც უნდა დაბადებულიყვნენ ისინი. ამიტომ მე ვიწვევ მეცნიერთ, რომ შეიკრიბნენ და გამოსთქვან თავიანთი აზრი იმ საშუალების, იმ საჭიროების შესახებ, რომელნიც აუცილებელნი არიან მეცნიერების და ხელოვნების ახალ გზაზე დასაყენებლად. მსურველნი პატივით იქნებიან მიღებულნი საფრანგეთის მართებლობის მიერ. საფრანგეთის ხალხი უფრო აფასებს ჰკვიან მათემატიკას, შესანიშნავ მხატვარს, ერთის სიტყვით გამოჩენილ კაცს, — მეცნიერების რა დარგშიაც უნდა მოქმედებდეს ისა, — ვინემ როპელიმე მდიდარი ქვეყნის ან ქალაქის შეძენას. ნუ იტყვით უარს, მოქალაქევე, საფრანგეთის ხალხის გრძნობების გამოხატვაზე მეცნიერებისა და შესანიშნავი არტისტების წინაშე, რომელნიც მილანში იქმნებიან თავშეყრილი“. — ბონაპარტე.

რამდენიმე სიტყვას კიდევ ვიტყვით ამ კალატოზის შესახებ, რადგან ის იყო არა მარტო დიდებული, არამედ უსრულესი ადამიანი, მაგალითი:

„ცეზალპიის რესპუბლიკის დირექტორიის ბრძანებით, ყველა მოქალაქეთ ფიცი უნდა დაედოთ მართებლობის ერთგულებაში. ორიანმა ურია განაცხადა. მან მისწერა კომმისარს ბალდრონის, რომ ჩემთვის არ შეადგენს აუცილებლობას ასეთი ფიცით. მე ვექვემდებარები კანონს, რომელიც, ამ შემთხვევაში, ყველაფერს მისპობს გარდა ერთის უფლფ-

ბისა, რომლის ძალითაც შემიძლია კვლავ გულ-
მხურვალედ ვილოცო სამშობლოს კეთილდღეობი-
სათვისო.

ასეთი საქციელი იშვიათია: ორიანის მსგავს
პირებს არ შეუძლიათ ერთად შეაკავშირონ მეც-
ნიერება და ცხოვრების სარგებლობანი. აი თვით
წერილებიც:

„მილანი. 4 თებერვალი, წელი VI. მოქალა-
ქეს ბალდირონს, აღსრულებითი დირექტორის კო-
მისარს.

ბარნაბო ორიანი, ბრერის ობსერვატორიის
ვარსკვლავთ მრიცხველი, რომელიც ყოველ კეთი-
ლად მოწყობილ მართებლობისადმი პატივისცემას
გრძნობს, ვერ მიმხვდარა, თუ თავისი ადგილის და-
საცავად პლანეტებთან, რატომ უნდა შეფიცოს
ერთგულებაში ამა თუ იმ მართებლობას.

ამიტომ ის აცხადებს, რომ რა არ შეუძლია
შეფიცოს ერთგულებაში მეფეს, ის ექვემდებარება
კანონს, რომელიც ობსერვატორიაში მეცადინეობას
უსპობს; მიუხედავად ამ სასჯელისა, ის ყოველთვის
მლოცველი იქმნება სამშობლოს კეთილდღეობისა-
თვის“.

პატივისცემით ბარნაბო ორიანი.

ამ პირდაპირმა და გაბედულმა საქციელმა თვით
მტრებსაც კი აგრძნობინა მისდამი პატივისცემა.

თვით დირექტორიამაც კი, ჩვეულების წინააღ-
მდეგ, დაუბრუნა კერძოდ მას და მის ორ თანაშემ-

წეს წინანდელი ადგილი, ამასთან მან იძულებულ ჰყო სამივე ფიცი დაედოთ კანონის ერთგულებაში. ეს სიმტკიცე ბოლოს გამოადგა მას: შემდეგში ბევრ საპატრიო მინდობილებათ აძლევდნენ მას...

ერთხელ მას ვერჩელოსის ეპისკოპოზობა შეაძლიეს, მარა მან გაიღიმა და უპასუხა: „არ შემიძლია, რადგან მე უნდა მუდამ ვარსკვლავებს ვუცქირო ტელესკოპით, და მიტრა ხომ გადამივარდება თავიდგან“.

თუ ორიანი კალატოზი იყო, ბელცონმა, რომელიც საზოგადო აზრით უწარჩინებულესი მოგზაური იყო, თავისი ასპარეზი დალაქობით დაიწყო. ბელცონმა მედალი მიიღო ინგლისისგან ხეტურენის პირამიდაზე ასვლისათვის, და პაღუამ ის თავის მოქალაქეთ იცნო.

მოგვეყავს მისი ბავშვობიდან ერთი გარემოება, სადაც მშობლებმა ვერ შენიშნეს თანდაყოლილი მიდრეკილებანი, რომელთაც მათი შვილი დიდებული გახადეს. ბიოგრაფი ამბობს:

„შინაური გარემოებანი ნებას არ აძლევდნენ მშობლებს, რომ შვილისათვის კარგი განათლება მიეღებინებიათ. იყო დრო, როცა ახალგაზრდა ჯოვანი იძულებული იყო მამის ხელობისათვის მოეკიდა ხელი—ე. ი. წვერები ეპარსა. კარგად

არავინ იცის, თუ როდის დაიწყო მან განვითარება, მარა ყოველს შემთხვევაში არა უადრეს ცამეტი წლისა, როცა ერთმა უბრალო შემთხვევამ უცებ გამოაღვიძა მასში ბუნებრივი მისწრაფებანი.

ორნოტეს მთაზე, ცნობილი აბანოს შორი ახლო, დგას მონასტერი, სრულიად განცალკევებული, შემოზღუდული მომალლო გორაკებით და მშვენიერი მიდამოთი. ეს მიდამო ხშირად იტაცებს თავისკენ მოგზაურთ, რადგან აქაური საღი ჰაერი, ცივი წყლები და თვით ბერების სტუმართ მოყვარეობაც კი განთქმული არის. აქვე წამოვიდა ერთს დღეს მამა ჩვენი ბელცონისა და თან წამოიყვანა თავისი ორი უმცროსი შვილი: ფრანჩესკო და ანტონიო, რომ ისინიც დამტკბარიყვნენ მშვენიერი საუცხოვო სურათებით. არ შეგვიძლია აღწერა იმ შთაბეჭდილებისა, რომელიც ჯოვანის გულში ამ დიადმა სანახაობამ გამოიწვია. მინდვრები, მთები, გამოქვაბულები, წისქვილები—ეგ ყველაფერი უნდა დაეთვალიერებია გაუმძღარი თვალებით, ყოველგან უნდა შემძრალიყო, გამოეკვლია. აღტაცებული დაბრუნდა ის სახლში. იქ დაეცა ქვეშაგებში და ისეთი ღრმა, ნეტარებიანი ძილით დაიძინა, რომ... ვის ახსოვდა, ძმაო, სადალაქო!

როდესაც მეცადინეობის დრო დადგა, ჯოვანის კიდევ ორნოტეს მთა უტრიალებდა თავში. ბოლოს მან კვლავ გადაწყვიტა იქ წასულიყო და და-

ითანხმა უმცროსი ცხრა წლის ძმა ანტონიო. შეუმჩნევლად გამოვიდნენ სახლიდგან, და მალე უკან დატოვეს პალუა (ადგილის სახელია). გზაზე იგინივილაკამ ფურგონზე დაიჯინა. ანტონიო, რომელიც ყველაფერში უთმობდა ძმას, მოშიშრად მისდევდა უკან, მასაც დაეწყებოდა მოვალეობა და სტკბებოდა ბუნებით. მოგზაურთ იარეს ორი დღე-ღამე და მიაღწიეს ფერარამდი. მაგრამ აქ ცუდი საქმე მოუვიდათ: საგზალი სრულიად შემოვლიათ, მეფურგუნის მისაცემიც არაფერი ქონდათ. ტყვილა იბერტყდნენ ბავშვები ჯიბეებს—არ იყო და არა!

იძულებულმა ბავშვებმა გაიხადეს ზედა ტანსაცმელი, მოაძრეს ვეცხლის ფოლაქები ფეხსაცმელს და მისცეს მეფურგონეს; ამ უკანასკნელმა ჩააბარა მათ რამოდენიმე გროში, გზა დაულოცა და განშორდა. ჯოვანის უხაროდა ის, რომ მალე ჩავიდოდა ქალაქში, იმ ქალაქში, რომელზედაც ბევრი ულაპარაკნია მამას, რომელშიდაც მას მოქალაქის უფლებაც-კი აქვს. ბავშს ეგონა, რომ უკვე ნახევარი ქვეყანა გავიარე, ცოტა კიდევ და რომიც გამოჩნდება.

—

რა თქმა უნდა, ჯოვანისაც აწუხებდნენ ისეთი აზრები, რომლებიც მუდამ მოსდისთ თავში ჩვენს ბრთხილ გლეხებს—ფიქრი ცუდ გზებზე, ავდრებზე, საეჭვო სასტუმროებზე და საშინელ სიძვირეზე, მით-

უმეტეს, რომ ისინი ასე ღარიბები იყვნენ. ყველაზე უფრო უფულობა აწუხებდა ჩვენს გმირებს. იმათ უნდა მოხმარებოდა ის ბედი, რომელიც, პოეტის სიტყვით, შემწეობას აძლევს გაბედულთ და ზრუნავს სულელებზე.

როდესაც ისინი ბოლონიიდგან გამოვიდნენ, მათ შეხვდათ მგზავრი, რომელიც ფლორენციაში მიდიოდა. ჯოვანის ჰკვიან სახეში მან ამოიკითხა კეთილშობილური სული და ჰკითხა, თუ საით მიემგზავრებოდნენ ისინი.—რომშიო—გულახდით უპასუხეს ჩვენმა მგზავრებმა. ორივე ძმები ჩააჯინეს ეტლში, და მათ რამოდენიმე ხნის შემდეგ თავი ამოყვეს უკვე აპპენინის ფერდოზე. გამოემშვიდობენ თავიანთ მფარველს თუ არა, თავიანთ ხელში რამოდენიმე ოქროს ფული შეამჩნიეს. ამ მოულოდნელმა სანახაობამ გაუორკეცა ჯოვანის სიმამაცე და აღუძრა სურვილი მთის მწვერვალოზე ასვლისა. მარა ანტონიო ძალიან დასუსტებული იყო და ამასთან მას არ აფრთოვანებდნენ ის რომანტიული სურვილები, რომლებითაც ჯოვანი გამსჭვალული იყო. ის დაეცა ქვაზე და ცრემლებით შესთხოვდა ძმას სახლში დაბრუნებას. მხოლოდ ახლა მოაგონდა ბელცონის თავისი მშობლები, მოაგონდა, რომ სახლიდგან ჩუმად იყო გამოპარული. ამიტომ მხოლოდ ღრმა ამოოხნვრა გაგზავნა რომში თავის მაგიერ; მან კი დაუხვია გზას და პირი იბრუნა შინისაკენ. ბოლოს,

როგორც იყო ცოცხლები დაბრუნდნენ შინ მშობლებთან, რომელთაც რამოდენიმე დღის წინათ გამოეტირათ კიდევაც თავიანთი შვილები.

სამი წლის შემდეგ ბელცონს მაინც ეღირსა რომის ნახვა, და ქალაქის თვალიერების დროს მოაგონდა თავისი ბავშვობა. აქ მან დაიწყო წვრილმანი ვაჭრობა: ყიდდა ხატებს, ჯვრებს და სხვ. ამ გვარად მან განვლო მთელი იტალია, მიაღწია საფრანგეთამდის, და ბოლოს ფეხი შეადგა თვით პარიჟშიც.

ბელცონის ცხოვრება—მთელი რომანია, და მის მოთხრობას ბევრი დრო დასჭირდება. მან თვითონ შექმნა თავისი თავი. მისმა ძლიერმა ხასიათმა არ იცოდა დაბრკოლება. მხოლოდ მან გაბედა „შეუსრულებელი“ საქმის შესრულება—მან გადიტანა ფივიდგან ალექსანდრიაში ვეებერთელა ბიუსტი, რომელსაც ყრმა მემონი ეწოდებოდა. მან აღმოაჩინა იბზამბულაში მშვენიერი ტაძარი, სადაც რამდენიმე საუკუნის განმავლობაში იკრიბებოდნენ ნუბიელები, ბარბაროსები, რომელნიც არ ზოგავდნენ არავითარ ხელოვნების ნაწარმოებს, მარა რომელთაც უკვე იცოდნენ ფულის ხმარება. რამდენი შიში, რა ძლიერი ოპოზიცია უნდა დაემარცხებია ამ დროს ბელცონს, რამდენჯერ ჰკიდებდა ხელს მუშაობას და შეშინებული კვლავ ანებებდა მას თავს. არავითარი შედეგები არ მოყვებოდა მის შრომას, რომ ბელ-

ცონი ასე მტკიცე არ ყოფილიყო მიზნის მიღწევაში. ესევე უნდა ვთქვათ ჩვენ კუნძულის ფილის ობელისკის შესახებ: მან აღადგინა ის, ამოიყვანა ნილოსის უფსკრულიდგან, სადაც დამარხულიყო არაბების უზრუნველობის წყალობით.

მაგრამ ყველაფერს, რაც ბელცონმა გააკეთა, ვინ ჩამოთვლის. მან გამოიკვლია უედინხალფას წყალვარდნილი და კარნაკის მიწის-ქვეშეთი. მან იმოგზაურა წითელი ზღვის ნაპირებზე და დაგვისახელა ის აღდილი, სადაც ერთს დროს ვერონოკის ქალაქი იდგა. მან გადათხარა ფივის მიდამოები და აღმოაჩინა შესავალი ძველ პირამიდაში, რომელიც, ძველი თქმულებით, მიუვალი იყო და რომლის შესახებ თავს იმტვრევდნენ ევროპის მეცნიერნი. მარა ესეც არ კმარა. 1823 წ.: აპრილის თვეში ის გაემგზავრა ლონდონიდგან ფეცში თავისი საყვარელი ცოლით, რომელიც მასთან ერთად იყოფდა მოგზაურობის სიხარულსაც და სიძნელესაც. მიიღო თუ არა მაროკოს იმპერატორისგან რამოდენიმე ჯარის კაცი, მან უკანასკნელად აკოცა ცოლს და გაემგზავრა ტაფილეტში, სადაც უნდა მოეცადა ქარავანისათვის, რომლითაც ტომბუკტუში აპირებდა წასვლას. მარა გადაცდა თუ არა ატლანტის მთას, მან შეამჩნია, რომ ყოველი წინ გადადგმული ბიჯი სიკვდილს უახლოვებდა მას. მაგრამ მიზნით ასულდგმულეული, ბელცონი დაბრუნდა კვლავ ფეცში, რომ იმპე-

რატორისთვის ეთხოვა უფრო ძლიერი რაზმი ჯარისკაცთა.

აქედგან ის ზღვით წავიდა გიბრალტარისაკენ, სადაც ერთს თირმას კომერსიული კავშირი ჰქონდა ლონდონის თირმასთან. მეგობრებმა შეუგროვეს მას 1000 სკუდი, და მან კვლავ მიჰყო ხელი „ხეტი-წლს“. მადეირიდგან ის გაემგზავრა ტენერიფში, აქედგან კი 1826 წ. 25 სექტემბერს ის მშვიდობიანად მიადგა აფრიკის დასავლეთ ნაპირს. აქ ის წარუდგა ინგლისის გუბერნატორს და თავისი მოგზაურობის მიზანი აუხსნა. მანაც კარგად მიიღო ბელცონი, მარა მძვინვარე სენმა (ფალარათმა) შეაჩერა დაუღლელი მოგზაური და ბოლოც მოუღო მას. მოკვდა ადამიანი, რომელმაც მთლად ვერ მიაღწია მიზანს, მარა რომელმაც განცვიფრებაში მოიყვანა საზღვარგარეთლები, მათი მართებლობანი და მეცნიერნი. ჩვენი ბელცონი ხომ მუდამ მარტო იყო!..

ხედავთ, როგორი სახელისა და ცნობის მიღწევა შეუძლია უბრალო დალაქის შვილს!?

—

დაბალი შთამომავლობა და გაჭივრება არასოდეს ხელს არ უშლის გენიოსს, რომ ის წინ წავიდეს. პირიქით კეთილშობილურად თავმოყვარე კაცს ერთიცა და მეორეც ხელს უწყობს; ისინი დეზი არიან და არა აღვირი სახელისა და მაღალი მდგომარეობის მისაღწევად.

ზაზინა ღარიბი იყო. როდესაც მილანის ერთ ერთ გიმნაზიაში სწავლა დაასრულა, ის იძულებული შეიქმნა, სხვადასხვა ქალღმერთების გადაწერისათვის მოეკიდა ხელი, შემდეგ კი კერძო გაკვეთილებს იღებდა, რომ თავისთავად და დედისათვის როგორმე სარჩო ეპოვა. ბოლოს მან მამისგან დატოვებული პატარა მამულიც კი გაყიდა, რომ სიმშრელით სიკვდილს როგორმე ასცდენოდა. თითონ ამბობს ერთ ლექსში: „საბრალო დედაჩემს არ აქვს პური; მე კი ფული არ მაბადია, რომ როგორმე თუნდა მარტო ხვალ მივაწოდო მას საჭმელი“.

მიუხედავად ამისა, მან დასწერა თავისი შესანიშნავი „დღე“ და თავისი საუკუნის ერთ უდიდებულეს პოეტად ითვლება.

კანოვა დაიბადა უფლარბეს ოჯახში; მამა მისი იყო ქვის მთლელი. მოგვითხრობენ, რომ ერთხელ კანოვამ გააკეთა უბრალო თიხის ლომი ვენეციის ერთ სენატორის სასაძილო ოთახის დასამშვენებლად. ამით დაიწყო მან თვისი ხელობა, და უმაღლეს წერტილამდე მიიყვანა ის, როდესაც შექმნა ისეთი „რამე“, როგორიც არის ქანდაკება „გულკეთილობისა“.

სიღარიბეში დაიბადა აგრეთვე გალილეა, ის

დიდებული ადამიანი, რომელზედაც ნიუტონმა სთქვა, რომ სწორედ მან აღძრა ჩემში პატივისცემა და სიყვარული იტალიელ ხალხისადმიო. მამა გალილეის ისეთი ღარიბი და შევიწროებული იყო დიდი ოჯახით, რომ მას არ ქონდა საშუალება რაიმე სასწავლებელში მიეცა შეილი; და ამ ნაირად იძულებული შეიქნა, რომ უბრალო ფრორენტინელი მასწავლებელი დაექირავებინა მისთვის. მაგრამ ბავშვი, ასულდგმულებული სურვილით, რომ როგორმე მალლა დამდგარიყო თავის წრეზე, არ ზოგავდა ძალღონეს, უნდოდა თითონვე დახმარებოდა თავის თავს, ასე რომ როგორც ერთი მისი ბიოგრაფი აშბობს, იტალიელი კლასიკების შესწავლაში ის უცებ წავიდა ძალიან შორს და განცვიფრებაში მოჰყავდა ყველა თავის უნარით.

ეს ბავშვი, რომელმაც შემდეგში შეიგნო დედამიწა, წინააღმდეგ თანამედროვე მეცნიერთა შორის დამყარებული აზრისა, და წარმოსთქვა თავის უკვდავი „Eppur si muove“ („მაინც ბრუნავს“), ეგ ბავშვი პატარაობიდანვე ეჩვეოდა საკუთარი მაშინებისა და იარაღების ფაბრიკაციას, ბაძავდა რაკოველივე იმას რაც ჭკვიანურად ეჩვენებოდა. ამის წყალობით, ის ძალიან უყვარდათ ამხანაგებს.

არაფერი არ აბრკოლებდა ამ საუცხოვო ახალგაზრდის მოქმედებას. თავისუფალ დროს ის ანდომებდა მუზიკის შესწავლას, და იმდენად განვითარდა.

მაში, რომ დაბოლოს ჯიბრსაც კი უწევდა ფლორენციის გამოჩენილ პროფესორებს. შემდეგ ხატვაც შეისწავლა, და ისე განვითარდა ამაშიაც, რომ ხშირათ ეტყოდა მეგობრებს: „ჩემს უფლებაში რომ იყოს პროფესიის ამორჩევა მე მხატვრობას ვირჩევდიო“. და მართლაც მან გამოიჩინა იმდენი ძალა ამ ხელოვნებაში, რომ ფლორენციის ცნობილი მხატვარნიც კი მიდიოდნენ მასთან, რომ მისგან რჩევა მიეღოთ ხატვის სხვადასხვა წესების შესახებ. ჯიგულა მუდამ იმეორებდა, რომ მის მიერ შექმნილ შრომაში დიდი წილი უდევს გალილეის, რომლისგანაც მან შეისწავლა ხატვის წესები. სწორეთ მოგახსენოთ ეს გულწრფელი აღსარება პატივს დებს როგორც თითონ გალილეის, აგრეთვე ჯიგულასაც, — გულახდილობისათვის.

გალილეის მამას უნდოდა, რომ მის შვილს უთუოდ მედიცინა შეესწავლა; თითონ გალილეის კი მათემატიკა უყვარდა. მან მამისგან ფარულად მიმართა ერთს მეცნიერს და სთხოვა, რომ მისთვის ესწავლებია ევკლიდის თეორიის რამდენიმე მუხლი. რიჩი (ამ მეცნიერის სახელია) სიამოვნებით მიეგება. ყმაწვილის სურვილს, მაგრამ ზრდილობის დასაცველად, მან მაინც შეატყობია ეგ ამბავი გალილეის მამას და მისს დიდ მეგობარს, რომელსაც ურჩევდა წინ არ გადალობებოდა შვილის მიერ არჩეულ გზას. მამამ ვერაფერი სთქვა რიჩის წინააღმდეგ; ყოველს-

შემთხვევაში, სთხოვდა რიჩს, ამ ჩემს თანხმობას ნუ გაუცხადებ შეილს, რომ მთლათ არ აიცრუოს გული მედიცინის შესწავლაზე. გალილეი ისე გაიტაცა მათემატიკამ, რომ მას სრულიად გადაავიწყდა მედიცინა და თავისი ძალღონე კუთხების და „სამკუთხიანების“ შესწავლას მოანდომა; და კიდევ თავისი გაიტანა.

გაიგო თუარა ეს მამამ (ამბობს ბიოგრაფი), რომელსაც უნდოდა, რომ იმისი შვილი ყოფილიყო მიმდევარი გიპროკრატესი და არა ევკლიდისა, მოინდომა შეილის მოცილება ამ მეცადინეობიდან, მაგრამ ამ გზით რომ ვერას გახდა, მან სთხოვა რიჩს, რომ უკანასკნელს შეეწყვიტა მის შვილთან მეცადინეობა. ბავშვი უმასწავლებლოთ დარჩა. მიუხედავად ამისა, მას არ გადაუხვევია ერთხელ არჩეულ გზიდან, რადგანაც მას სწამდა თავისი ძალა, და ასულდგმულებდა მას სახელის მოპოვების სურვილი.

ეს საკვირველი ჯიუტი ახალგაზდა შემდეგში გახდა ისეთი დიდებული ადამიანი, რომ მისი ცხოვრება მთელ ეპოქას ჰქმნის ფიზიკური მეცნიერების ისტორიაში, და განათლებულ ქვეყნიერობას არ მოეპოვება ისეთი კუთხე, სადაც მისი სახელი პატივისცემით და დიდებით არ იხსენიებოდეს.

ამ დიდებულ იტალიელთა ცხოვრების მოკლე მიმოხილვით მე არ გამითავებია მთელი მასალა. მო-

ვიგონოთ მაგალითად, რომ მამა ბოკაჩიოსა იყო. ღარიბი ვაჭარი. დიდებული მეომარი მუცტი სფორცა წინეთ უბრალო მიწის მუშა. იყო. ტანტორენტო იყო უბრალო მღებვარის შვილი. სარბი თანაც ღარიბი იყო და აღრეც დაობლდა. შიქელ-ანჯელოს მამა კალატოზი იყო, ხოლო მამა დომენიკინოსი მეწაღე; საღვატორა როსა დასტოვა მამამ სრულიად მცირე წლოვანი უგროშ-კაპეიკოთ; ვაკო იყო შვილი უბრალო წიგნით ვაჭრისა; მურატორი ღარიბი ოჯახში დაიბადა. შესანიშნავი ქვაზედ ამომქრელი სანტანელის აღზრდაზედ ფიქრიც არ შეეძლოთ მის დატაკ მშობლებს. დიადი სკულპტორი ბარტოლმინი მქედლის შვილი იყო. მოთამაშე გვადანაოლი „ხშირად უვახშმოთ წევბოდა“. როსინა და ბელიდიც იყვნენ ღარიბები.

მაგრამ კმარა!— შიშველად დაბადებულნი, იზრუნეთ ტანისამოსზე; სუსტნი, ეცადეთ, რომ ღონიერ იქმნეთ; დაბადებულნი „მცირედ“, ეცადეთ რომ „დიდ იქმნეთ“:— ქვეყანას დიდები და ძლიერები პატრონობენ.



შ რ ო მ ა ს ი მ დ ი დ რ ე ა .

შრომა ერთად ერთი წყაროა სიმდიდრისა. — ისპანია და ინგლისი. — ტვირთის მზიდველი და პაროფესორი. — მედიცინის კენურა და ატამი. — სიტყუე — ორპირობა — გაუნათლებლობის შედეგია. — ორი სხვა და სხვა საშუალება სიმდიდრის უარის საყოფად. — სიზარმაცის ფილანთროფონი. — სარმაცი და ხარბარისი. — საშუალო წოდების პარალეტარი. — ძალა სიმდიდრისა. — ფეოკორანო. — ოფლით შექმნილი სიმდიდრე საუკეთესოა. — ყოველ კაცს თავის თავში აქვს სიმდიდრის წყარო.

ვაი იმ ხალხს, რომელიც დროს მუქთად ატარებს, იმის მაგიერ, რომ იმუშავს.
ჯობერტი.

მოდით შენ ცნებავე, აღბრწყინდი სიმართლის ნათელი სხივით; აღბრწყინდი და განფანტე უზრდევლობა და კრუმორწმუნებანი, რომელნიც ადამიანის ჰკვასა და გულს აბნელებენ.
პოეტი.

იმ დროს, როდესაც ევროპის ცენტრი იარაღების ჩხარა-ჩხურით და ჯარის ყვირილით იყო მოცული, მრავალნი ადამიანები უარს ყოფდნენ ამას

და მშვიდობიანობას მონასტრების ფარდულებს ქვეშ ეძებდნენ.

აგრე იკერძებოდნენ არა მარტო ზარმაცები; არამედ მრავალნი პატიოსანი მშრომელი ადამიანნიც, რადგანაც მათ არ უნდოდათ ფარისა და ისარის ტარება, არ უნდოდა მართებლობის ძალდატანებულ მოქმედებათა ქვეშ თრთოლა.

ჩვენს დროში-კი მხოლოდ ერთად ერთი საშვალეა არის ცხოვრებისათვის, და ის მდგომარეობს შრომაში; თვით ცივილიზაციას უმაღლეს მიზნად აქვს, რომ ყოველ ადამიანს, ცის ქვეშ დაბადებულს, მიაწოდოს პური, მისივე „ოფლით შეძენილი“.

გაუნათლებლობისა და მონობის დროს, პლებსი ჩვეულებრივად ფანჯრებს ქვეშ დაცოცავდა და „პური, პურიო!“ — შელაღადებდა ყველას. ეგ იყო მოწყალეობა, რომელიც ამცირებდა როგორც მთხოვნელს, ისე მიმცემელსაც. მაგრამ ეგ დრო წავიდა, და ეხლა განათლებულს ქვეყნებში იგივე საწყალი ადამიანი „სამუშაოს, შრომას“ თხოულობს. ეგ თხოვნა არვის არ ამცირებს; იგი არის გამომხატველი ადამიანის უწმინდესი უფლებისა და ბუნების აუცილებელი მოთხოვნილებისა. ადამიანთა საზოგადოება ადამიანთა ოჯახათ გარდიქცევა, როდესაც ყველა ადამიანები მუშებად გარდიქცევიან, როდესაც ბედნიერება და დიდება შეუძლებელი შეიქმნება უშრომლად. ვინც ამ პირობებში დარიბად დაიბადება,

ის თვით სიღარიბეში ჰპოვებს შრომისადმი ლტოლვილებას; ვინც მდიდრად დაიბადება, ის ეცდეს, მოქალაქობრივი მოქმედების წრე გაათავართოვოს, ვინ მინდორში, ვინ ბიბლიოთეკაში, ვინ სახელოსნოში და ვინ ჯარში; ვინ კალმით და ვინ ზღვაზე—მარცხელანი კი იმუშავებენ! თუ „პარაზიტები“ არ იქმნებიან, არც მათხოვრები დაიბადებიან. აი იდეალი, რომლისკენაც ბრძოლით მიეშურება კაცობრიობა. ყოველი პატიოსანი ადამიანი ვალდებულია ხელი შეუწყოს ამ მიზნის მიღწევას.

შრომა ერთად-ერთი კანონიერი წყაროა სიმდიდრისა. თვით ძველ მდგომარეობაშიც კი შეძლებოდა, რომელიც მამიდგან შვილზე გადადიოდა, იტოვებოდა უფლებით შეძენილი,—მარა მაშინ ეგონებოდა შრომად: იშვიათად მოხდებოდა, რომ მამული მამისგან შვილზე უკლებლად გადასულიყო. თვითონ შვილიც არ იზრუნებდა და გმირული სამუშაოებით არ აღიდგენდა უფლებას: სიმდიდრე ცეცხლივით ქრება, თუ მას მუგუზხალს არ უმატებ. ეს მუგუზხალი კი მხოლოდ და მხოლოდ შრომაა. შეხედეთ, როგორ ქრება ძველი არისტოკრატის ვეფხვებერთელა მამულები, და დაძველებული სქესიდგანიზრდებიან სვეტები, რომელნიც ვაჭრობითა და ინდუსტრიით მდიდრდებიან. ისინი არ წარმოადგენენ რკინაში ჩამჯდარ ბარონებს. მათ ბამბის ან შალის ტანისამოსი აცვიათ; ესენი ან ფაბრიკანტები ან ინ-

ქინერები და სხვები არიან, იარაღი საბრძოლო იარაღ-სამუშაოდ შეუცვლიათ მათ, და შრომა გაძხვარა ბატონი.

არა ის ხალხია მდიდარი, რომელიც მშვენიერი ცით, ნაყოფიერი მინდვრებით, ძვირფასი ქვებით და ლითონებით ამაყოფს, არამედ იგი, რომელიც მეტს შრომობს. ისპანია ერთხელ ისეთი მდიდარი იყო, რომ მის მეფეს თავისუფლად შეეძლო ეთქვა: ისპანიაში მზე არასოდეს არ ჩადისო. რამდენიმე საუკუნის განმავლობაში ამ ქვეყანას ეჭირა ოქროსა და ვეცხლის უუმდიდრესი მადნები, და ესევე ისპანია ეხლა გვერდში უნდა ამოუდგეს სხვა უღარიბეს ქვეყნებს, რადგან ის სუსტი და ზარმაცია. ინგლისს არ უჭერია არც მდიდარი მადნები, არ აქვს არც ნაყოფიერი ნიადაგი, არც მოციმციმე ცა, არც ალმასები, მარა ის მაინც უუმდიდრესი ქვეყანა არის ევროპაში. ეგ იმიტომ, რომ ინგლისი მუშაობს: ის წარმოადგენს ერთს სახელოსნოს, სადაც მდიდარი და ღარიბი, „დიდი“ და „მცირე“ მუშაობენ, მუშაობენ მუდამ, დაუსვენებლივ.

ბუნებამ ინგლისელს უნაყოფო ნიადაგი მისცა, მარა მან გაანაყოფიერა იგი ისე, რომ რუსეთის არც ერთი გუბერნია არ იძლევა იმოდენა მოსავალს. ბუნებას არ მიუცია ინგლისელისათვის ოქროს მადნები, მარა ყოველდღე მიდის ინგლისში ოქრო მილიონობით ავსტრალიისა და ამერიკიდგან. ყოველი

ერი უგზავნის ამ კუნძულს თავის ოქროს, რომ სამაგიეროდ მისგან მიიღოს ფაბრიკის საუკეთესო ნაწარმოები. ოქრო ეკუთვნის არა მას, ვინც მას პოულობს, არამედ იმას ვინც მეტს მუშაობს.

ოქროს ფულს რომ შეეძლოს თავისი ისტორიის მოთხრობა, რამდენ საგულისხმოს იტყოდა, როგორც თითოეული ადამიანისათვის, ისე მთელი ნაციისათვის! ეგ ბრჭყიალა ლითონი გვიამბობდა ჩვენ, რომ ის დაიბადა სან-ფრანცისკოს (ამერიკაში) ქვიშაში ან ციმბირის მადნებში, მარა ის მუდამ მისკენ ილტვოდა, ვინც მეტს მუშაობდა, გაუსხლტებოდა ხელიდგან ზარმაცს და მუდამ მშრომელს ეძებდა. სულ ცოტა ხანს კი ჩერდებოდა მის ხელში; ვინც სულ არაფერს არ აკეთებდა.

ოქროც ექვემდებარება მიმზიდველობითი ძალას, ისწრაფის შრომის პოლიუსისაკენ და მხოლოდ იქ პოულობს თავისი სიმძიმის ცენტრს.

თუ დღიური მუშა მანეთს იღებს და პროფესორი კი ათ მანეთს, ეგ იმიტომ წარმოსდგება, რომ უკანასკნელს იმდენი კეთილშობილური შრომა აქვს შეკავშირებულ-შეკრებილი ერთს ლექციაში, რომ დღის მუშას ერთს წელიწადსაც კი არ შეუძლია იმოღვანა იშრომოს. განა არ იცით, თუ რამდენი ცოდნა, ფიქრი, გამოცდილება არის საჭირო, რომ

აღაძიანმა ყველა ეს ერთს მკვერმეტყველურ ლექსიაში შეკრიბოს? განა არ იცით, რომ იმ არტისტებმა, რომელთაც მეტი მიუღიათ ბუნებისგან, უფრო მეტი უნდა იშრომონ, რომ შეიძლონ თქვენი აღელვებაში მოყვანა თავისი მელოდიური ხმითა და მიხვრა-მოხვრით? განა არ იცით, რომ მადენა 15 წელიწადს სწავლობდა როლს სარკის წინ, და მხოლოდ შემდეგ გამოვიდა სცენაზე და ისე დახატა ლიუდოვიკო XI, რომ თმა ყალზე დაუყენა მილიონ ხალხს?! განა არ იცით, რომ წინედ ენა ბლუ იყო ის დემოსფენი, რომელიც შემდეგ პირველი ორატორი გახდა საბერძნეთში? განა არ ვიცით, რომ მიქელ-ანჯელო 80 წლის იყო, რომ კიდევ სწავლობდა ხატვის წესებს?..

გამოურკვევლობა, გაუგებრობა შრომასა და ჯილდოს შუა თანამედროვე გაუნათლებელი წამბდარი საზოგადოების გაუგებრობის ნაყოფია. მომავალი გააქრობს მას. მარა არიან მრავალნი „უსამართლოებანი“, რომელნიც ჩვენ გვანსვიფრებენ მხოლოდ მიტომ; რომ ჩვენ არ ვიცით ნამდვილი ფაქტის გასინჯვა, არ ვიცით გამოკვლევა ნამდვილი ფასისა. ბევრს, უეჭველია, უსამართლობა ჰგონია, რომ რომელიმე წიგნი (ჩვენი „დედა ენა“ მაგალითად) თავის ავტორს ათასს და მეტს მანეთს აძლევს, მაშინ, როდესაც დამბეჭდავი მუშა ძლივს ასს მანეთს იღებს. მაგრამ თუ თქვენ ასწონით და დააფასებთ

ამ ორ შრომას ეკონომიური და ფილოსოფიური მხრიდან, თქვენ დაინახავთ, რომ არც ისე დიდია ეგ „უსამართლობა“; თუ თქვენ უფრო დაწვრილებით გასჭვრიტავთ საქმეს, მაშინ დარწმუნდებით, რომ ჯილდო საზოგადოდ ეთანასწორება შრომას. წიგნი ათასი შრომის ჯამი არის: აქ შედის აღზრდა, რომელიც ავტორს მიუღია; იქვე შედის ხშირად შრომა მთელი მოდგმისა, ან მთელი ქვეყნისა, რომელსაც ავტორი წარმოუშობია; იქ შედის აზროვნება გენიოსისა, თავისი თავის კრიტიკა, რომელიც ყველა ჟურნალისტის კრიტიკაზე უფრო მწვავეა; იქვე შედის მოქმედება ადამიანის ყველა ძალებისა და სხვ.

მედიცინის ვენერა მარმარილოს ნატეხისგან არის გაკეთებული, ეს ნატეხი იმ სახით, როგორადაც ის ბუნებამ გააჩინა, რამოდენიმე მანეთი ეღირებოდა. ადამიანის გენიოსობამ შეიმუშავა ისა, და ახლა ის ღირს ასი ათასი, მილიონი მანეთი.

განა თქვენ შეგიძლიათ გაზომოთ ის ინტელექტუალური შრომა, რომლის წყალობითაც ქვის ნატეხი ვენერად იქცა? განა შეგიძლიათ თქვათ, თუ რამდენი კეთილშობილური ძალა დასჭირდა, რომ ეგ ნატეხი ხელოვნების სასწაულად ექცია, იმ სასწაულად, რომელიც აღმტაცებელი იქმნება ყველასი, ვიდრე სიტყვა „მშვენიერება“ არ წაიშლება მსოფლიურ ლექსიკონიდან? ამ ვენერაში შეკრე-

ბილია შრომა მთელი ჩამომავლობისა, რომელიც აფასებდა ხელოვნებას, აუმჯობესებდა მას. მასში იმყოფება შრომა მთელი სკოლისა, ხელოვნების მთელი ქვეყნისა. მასში ხორცი შეისხა მთელი ძველი საბერძნეთის შემოქმედებითა ძალამ.

ამ გვარადვე, ჩვენ ხშირად ვგემოვნობთ გემრიელ ატამს, რომელიც მხოლოდ ბუნების სასწაულთ-მოქმედება გვგონია; ჩვენ არ ვზომავთ იმ ძალებს, რომელთაც თავი შეუყრიათ ამ ნაყოფში, არ ვზომავთ შრომას, რომელიც მასში ბუნებას და ადამიანს ჩაუღვია. ადამიანმა პატარა კურკიდგან ეგ მშვენიერი ატამი მიიღო; მარა რამდენი სხივი, რამდენი წვენი შეუნთქავს მის ნაწილებს, რამდენი გაზები გამოუკლია ჰაერიდგან მის ფოთლებს! რამდენი შრომა წასულა მის ზრდაზე, სუნთქვაზე; რამდენი ქიმია არის ამ პატარა ნაყოფში, რომელიც ჩვენ „უბრალოდ“ აღმოცენებული გვგონია! სითბოს, სინათლეს, ელექტრონულ ძალას—ყველას უმუშავია ამ ატმის შექმნაზე; ადამიანმა-კი ნელ-ნელა აღზარდა ისა, უცვალა სახე, გააუმჯობესა და გააკეთა. ჩამომავლობიდან-ჩამომავლობაში ის გადადიოდა გაუმჯობესებულ ადამიანის შრომის წყალობით და ეხლა შეიქმნა მაგალითი შრომისა, რომელიც უკვე დაფასებულია.

უსამართლობას სჩადის ადამიანი გაუგებრობის გამო, მარა ბუნება ყოველთვის უფრო მართალია,

ვინემ ჩვენ ჯვეჩვენება, ჩვენი სიბრძნისა გამო. ბუნებაში ყველაფერი ისეა გაზომილი, რომ რაოდენობა შრომისა ყოველთვის ეთანასწორება „ჯილდოს“ რაოდენობას. ზნეობრივი და ფიზიკური კანონის ძალით, რაოდენობა დახარჯული ძალისა ეთანასწორება შედეგს. ბუნება ბევრს ქმნის, კარგვით კი არაფერს არ კარგავს.

არის სიძულვილი სიმდიდრისადმი, რომელიც ადამიანის ხასიათის კეთილშობილურ დამოუკიდებლობას ამტკიცებს; არის მეორე გვარი სიძულვილი, რომელიც მაჩვენებელია სიზარმაცისა და ვიწროდ შემოფარგლული ქვეისა.

ვინც ღარიბად და პატიოსნად ცხოვრებას არჩევს თავისი დამოუკიდებლობისა და კალმის გაყიდვას; ვინც პირში ქებას უარყოფს თავისი მდიდარინათესავის წინ მემკვიდრეობის მისაღებად; ვინც უარყოფს ყოველ უზნეო საქმეებს, რომელთაც თუნდა დიდი სიმდიდრე მოსდევდეს; ვინც, დასასრულ, თავის ღირსებას და თავის პატიოსნებას ოქროზე მალა აყენებს,—ის კეთილშობილურად უარს ყოფს სიმდიდრეს (ფულებს).

მარა ვისაც შრომა სძულს, და ამის გამო ცხოვრებას ათასნაირ სიღარიბესა და წვალებაში ატარებს, ან ვინც გულგრილად უყურებს თავისი ოჯახის სიღარიბეს, რომელიც მისი უმეცადინეობისაგან არის გამოწვეული,—ის „მუქთა-ხორაა“ და ღირსია საერთო სიძულვილისა.

ადამიანი, გაქივრებული მხოლოდ იმიტომ, რომ მას მუშაობა ეჯავრება; ადამიანი, რომელსაც საშუალება აქვს, რომ ოჯახი უზრუნველ ყოფილი ქნას და კი გულგრილად შესცქერის ამას—ზარმაცზე მეტია; საძაგელია ის. რცხვენოდეს, ვისაც ღონე აქვს და კი არ ხმარობს მას; რცხვენოდეს, ვინც იყინება, თუ კი მას საშუალება აქვს ასცდეს ამას; რცხვენოდეს ღარიბს, თუ კი მას შეუძლია მდიდარი შეიქმნეს.

დერვიშის ფილოსოფია, რომელიც ქვეყანაზე მხოლოდ უსაქმობას ქადაგებს, არის ისეთი კაცის ფილოსოფია, რომელსაც უნდა, რომ რომელიმე ასო! მოშორდეს, რადგან მისი რჩენა აღარ შეუძლია.

რამდენად ფარჯოდება მოქმედების მინდორი, იმდენად სრულდება ცხოვრება. მშრომელის გარშემო ძმობის ატმოსფერო არის შემორტყმული, და ის მას ისუნთქავს. შრომა აძლევს მას კომფორტს. და ის თავისთავს გრძნობს, თითქოს ელექტრონული ძალით არის გაქდენთილიო.

ნუ გგონიათ, რომ უსაქმობის ფილოსოფოსნი ბედნიერი ხალხი იყოს. ყოველი გავლილი დღე სკრის მისი ცხოვრების ხეს, მშვენიერი ყვავილებით თუ ნაყოფის დატვირთულს. ყოველ დღე მცირდება მათი ძალა, რადგან მათ არ ესმისთ მოძრაობა და მოქმედების თავისუფლება. მათ ცხოვრებას შეადგენს

სუნთქვა, ძილი და ცოტაოდენი საქმელი. ისინი ვერაფერს ვერ დააკლებენ თავის თავს უტანჯველად; და მთელი მათი სიცოცხლე არის ერთი ძილი, რომელშიდაც მოისმის დაუსრულებელი კენესა. როდესაც ასეთნი პირნი ჰაერს და სინათლეს აკლდებიან და სატუსალოში ცვივიან, მაშინ მიჰყობენ ხელს ბედის წყევლას, და მთელი მათი ენერგია გადის ამ წყევლა—ჩივილში, რომელიც პირველი და უკანასკნელი იარაღია ყოველი ზარმაცისა. „რატომ უნდა ვიცხოვროთ,—კითხულობენ ისინი—„თუ კი ცხოვრება წვალეებით, უბედურებით არის საღსე?“— ცხოვრება არის სიმძიმე, შრომა, წვალეობა: უნდა იშრომო, რომ საქმელი პური დავირჩეს.

ადამიანი, რომელიც არ შრომობს და ამიტომ არაფერი არ აქვს, არის ბარბაროსი, რომელიც განათლებულ ქვეყანაში პროტესტს აცხადებს ცივილიზაციის წინააღმდეგ, რადგან ეგ ცივილიზაცია არის ერთი კოლექტიური შრომა, რომელსაც მიზნად აქვს, რომ რაც შეიძლება მეტ ადამიანს მისცეს კეთილშობილური კმაყოფილება—სიტკბოება. კაცობრიობა მიდის წინ მხოლოდ მითომ რომ დღეს მეტს ზეშაობენ, ვინემ გუშინ იმუშავეს, და ხვალ მეტს იმუშავენ, ვინემ დღეს. განათლება შეძლებას გვაძლევს, რომ დრო მოვიგოთ, რკინის გზებისა და

ტელეგრაფის წყალობით; და ძალა მოვიგოთ მექანიკური ძალით. და როდესაც ვგ ორი კაპიტალი ე. ი. დრო და ძალა მრავლდება, მაშინ ძლიერდება თვით შრომაც, რომელიც სიმდიდრისა და სიხარულის წყაროა.

ჩვენს დროში ლოკომოტივის წყალობით ერთი კაცი ასრულებს იმ შრომას, რომლის შესრულება წინედ ათას კაცს და ასს ცხენსაც კი არ შეეძლო. ჩვენ, განათლებული კაცები ვსარგებლობთ ჩვენი მამების შრომის ნაყოფით, მარა ამ ნაყოფს უნდა მივუმატოთ ჩვენი საკუთარი შრომის ნაყოფიც. ვგ ერთად ერთი გზაა, რომ ჩვენს წინაპრებს ვალი გარდავუხადოთ, და ვინც მის გადახდაზე არ ზრუნავს, ის „პარაზიტია“, რომელსაც არაფერი შეაქვს საერთო ოჯახში.

მე, პირადად, უფრო მეტრალეა „მფლანგავი“ ბრბო, ვინემ თავისი საკუთარი სურვილით დაქირავებული მუშა: ვგ უკანასკნელი დღითი დღე ამრავლებს შეძლებას, ეჩვევა ხელობაში, და უქმე დღეობით ოჯახის სიხარულს ეძლევა.

მე მეცოდება, თითქმის მეზინლება, ის ადამიანი, რომელიც არ ირთავს ცოლს მხოლოდ მიტომ, რომ მისი შენახვა არ შეუძლია. ეს აზრი მე რამოდენიმე ჯერ გამომითქვამს და ეხლაც სიამოვნებით ვამბობ. მე სწორედ ადამიანის ბუნების დამამდაბლებელი მგონია ოჯახური კმაყოფილების უარის ყოფა მიტომ,

რომ შრომას დაემალოს აღამიანი. და რავდენნი არ ირთავს ცოლს სიზარმაცის წყალობით!

ყოველი პატიოსანი მშრომელის მიზანი უნდა იყოს კმაყოფილება. ბედნიერებაა, თუ თქვენ იმდენი ძალა გაქვთ, რომ სიმდიდრეს იძენთ; მარა ნუ გაგავიწყდებათ ძველი ბრძნული თქმულება: „დაეპატრონეთ სიმდიდრეს, მარა მას ნუ გაიხდი ბატონადო“. ფულები—ბედნიერების იარაღია, და არა თვითონ ბედნიერება. შრომა ცხოველ-მყოფელია: არსებითი პურს გარდა, ის ხვალისთვისაც გვაძლევს რასმეს. და ეს „რამე“ ხშირად ძალას შეადგენს; ეგ ძალა-კი იარაღად გაქვთ ხელში და არა ბატონად. შეძენილი საშუალება აძლიერებს თქვენი მოქმედების თავისუფლებას. ერთი უდიდესი სიკეთე სიმდიდრისა—ეგ არის საშუალება, რომ სხვებსაც რაიმე გაუნაწილო, ცრემლები შეაშრო ათას თვალს და შენი კეთილმომქმედი გავლენა გააძლიერო.

სიმდიდრე არის ძალა, რომელიც ნაკადულივით გადმოსჩქეფს. ის ვრცელდება და ყოველგან სითბო და სიცხოველე მიაქვს. სიმდიდრე შეძლებას გაძლევს, რომ მოძმეს ხელი გაუწვდინო, შეძლებას გაძლევს „საქმეს“ მოკიდო ხელი: მას შეუძლია მთაში მადანი აღმოაჩინოს, ან გამოიკვლიოს უკვე აღმოჩენილი, ხელი შეუწყოს აღებ-მიცემობას და ვაჭრობას, დაეხმაროს ხელოვნებას და მეცნიერებას. თქვენ ჯერ ახალგაზრდა და ღონიერი ხართ,—და

ნუ თუ სიზარმაცე უარს გათქმევინებს სიმდიდრეზე? მიიხედ-მოიხედეთ: რამდენი დაუმუშავებელი მინდორი, რავდენი ხელუხლებელი ტყეებია თქვენს გარშემო! თქვენ შეგიძლიათ წარმოების ახალი დარგი შექმნათ, გააუმჯობესოთ მისი ტექნიკა, „სრულპყობა“ მეურნეობა, შეადგინოთ ხალხისათვის სასარგებლო წიგნები, ააშენოთ ქარხანა-ზავოდები, და ამგვარად თქვენი ქვეყანა საზღვარგარეთთან ჯიბრიდგან გაანთავისუფლოთ. ხომ ხედავთ, რომ ყოველგვარ ინტელიგენციისათვის მოიპოება სამუშაო. გააკეთეთ რაც შეგიძლიათ, იმუშავეთ, როგორც უბრალო მუშებმა, ან როგორც მოწინავე ნაწილმა; თქვენი სამშობლო ერთ ვეებერთელა სახელოსნოდ აქციეთ, სადაც ლაზღანდარობას არ ქონდეს ადგილი. თუ ჩვენ ამას შევასრულებთ, მაშინ გაიფანტება ის შავი ღრუბელი, რომელიც თავს დაგვეტრიალებს და გვბურავს: შრომა ასახელებს და გაამდიდრებს ჩვენს მხარეს. თვითთელი ჩვენგანი ხომ მისი ცოცხალი ნაწილია, მისი სირცხვილი ხომ ჩვენც. გაგვაწითლებს; სიმდიდრე და დიდება კი, პირიქით, გულს აგვითრთოლებს და ბედნიერების მორევში შეგვაცურებს. ზღვიდამ ზღვამდე ერთი საზოგადო თავმოყვარეობა ასულდგმულებს ყველას, ვინც კი ერთ ბრწყინვალე წერტილს შესჩერებია; ეგ წერტილი არის კოლექტიური შრომა, რომელიც ჩვენს-

სულს წვდება, ერთად-ერთ წყაროს შეადგენს ჩვენი ზნეობრივი და ნივთიერი სიმდიდრისა.

არაფითარი სიმდიდრე არ შეედრება მას, რომელიც ოფლით არის შეძენილი. ეგ, თუ შეიძლება ასე ითქვას, იდეალური ფორმაა სიმდიდრის შეძენისა, და ბევრად უძვირფასესი თვით სიმდიდრეზე.

როდესაც გრძნობ, რომ შენ ძლიერი, მდიდარი ხარ—და ეგ მხოლოდ საკუთარი ღონის წყალობით—მაშინ ერთ უდიდეს კმაყოფილებას გრძნობ და უმაღლეს კანონიერ სიხარულში ეხვევი. უბედნიერესია მომაკვდავთა შორის ის ადამიანი, რომელიც საკუთარი ღონის წყალობით გამდიდრდა.

ის უფრო აფასებს დასვენების მნიშვნელობას ვინემ სხვა ვინზე, რომელიც სიმდიდრეში დაბადებულია. შეძენის ცოდნამ მას მობრთხილების ნიჭიც მისცა. ის ყოველივე წვრილმანს აფასებს, რადგან უშრომლად არაფერი შეუძენია ადამიანს, რომელიც სიმდიდრეში დაბადებულია, აქვს, ვთქვათ, ძვირფასი ფარჩეულობა; იმას კი, ვინც თავის-თავად გამდიდრებულია, ფარჩეულობას გარდა ის მაშინაც აქვს, რომელზედაც ის მოუქსოვია.

შემდეგ... მარა რაღა შემდეგ? თუ შრომისგან გამოწვეული ყველა კმაყოფილებათა ჩამოთვლა დავიწყე, მე ვერასოდეს ვერ დავასრულებ იმათ დასახელებას, რომელნიც სიღარიბეში დაბადებულან და

თავის შრომით გაუჟარათობებიათ საზოგადოებრივი ჰორიზონტი. საკმარისია მხოლოდ ვთქვა, რომ ასეთი კაცი უზუბენიერესია მომაკვდავთა შორის. მისი უფლებანი უკანონიერესნია. შეასრულა რა ყოველივე, რასაც გულით შეუდგა, მას თავისუფლად შეუძლია თვალები დახუკოს და ჩამომავლობას კეთილშობილური მაგალითი უანდერძოს.

ნაპოლეონი ეუბნებოდა სალდათებს გასამხნევებლად: „თითეული თქვენგანი მარშლის კვერთხს ატარებს თავის ჩანთაშიო“. ჩვენ ვამბობთ: ყოველ თქვენგანს აქვსთ ხელთ სიმდიდრის წყარო, ანაყოფიერეთ შრომა და საუნჯე შევა თქვენს ოჯახში“.



თ ა ვ ი VII.

შრომის წეს-რიგი.

ძრავალნი-სთესვენ, მარა ცოტანი მკიან.—ლაგრანჟი.—
მიქელ ანჟელოს დიდება.—ფიჭინი, რომელიც წინაუძღვის
მუშაობას.—სინქარე მუშაობაში, რომელსაც ვიძენთ კარგი
წესრიგის დროს.—ლოპე დე კეპა.—ჟეკლას თავისი
წესრიგი უნდა ქონდეს მუშაობაში.—საკვირკელებანი
დიდებულთა.—რამდენიმე სიტყვა ღონის ეკონომიის
შესახებ.—ძალა ჩვეულებისა.—აზრი არ ძველდება.—
უაღრესობა უცებ არავის შეუძენია.—შრომა და წესრიგი
მჭიდროდ შეკავშირებული არიან ერთმანეთთაჲ.

პირველი საკითხი ყოველთვის არის
საკითხი წესრიგის შესახებ.

ფლურანსი.

ვინც თავისთვის მუშაობს, ის სა-
მისთვის მუშაობს. ტოსკანური ანდაზა.

ნუ კარგავთ დროსს. დანტე.

უწესრიგო, „უთავბოლო“ შრომის
უარესი არაფერი არ არის.

ვიქტორ ჰიუგო.

ბევრი მუშაობს ჩვენს საზოგადოებაში, მარა
ყველას ერთნაირი სარგებელი არ გამოაქვსთ თავი-
სი შრომიდან. ზოგი ბევრს შრომობს და ცოტას
იღებს, სხვები კი პირიქით, ცოტას მუშაობენ და

მეტი სარგებელი გამოაქვთ. ბევრად უკეთესია, რომ ადამიანმა დაისვენოს, ან სასეირნოდ წავიდეს, ვინემ ცუდათ იმუშაოს: სეირნობის დროს თქვენ ჯანმრთელობას და მხიარულებას მაინც იძენთ, და მომავალი შრომისათვის ღონეს იკრებთ. მაგრამ ისეთს შრომაში, რომელსაც უხასიათოდ, უწესრიგოდ ასრულებთ, თქვენ არაფერს არ პოებთ გარდა ამავე შრომის სიძულვილისა; და შრომის ბოლოს მაინც დარჩებით ხელცარიელი და გაბოროტებული.

ყველაზე უწინ თქვენ უნდა აფასებდებთ დროს, იმ საუნჯეს, რომელიც ერთნაირად ეძლევის ყველას და რომელიც კაპეიკი არ ღირს; მარა თუ ის დაჰკარგე, მერე ვერ შეიძენ მას როტშილდის მთელი სიმდიდრით. ხალხის სხვადასხვა ანდაზათა შორის არიან მრავალნი, რომელნიც გვეუბნებიან, რომ — „დრო — ფულია“, „დილას პირში უჭერია ოქროები“, „ვინც ჩქარობს, ის მხოლოდ სიცილს იწვევსო“ და სხ. ერთმა სარწმუნოებრივი სექტის დამაარსებელმა ვესტლიმ, ადრე ადგომა ზნეობრივ და სარწმუნოებრივ კანონად დააწესა. იმისი აზრით, „ადრე ადგომა საუკეთესო საშუალებაა ჯანმრთელობის, სიმდიდრის და სიბრძნის შესაძენად“. გუფლანდი ამბობდა: „არასოდეს არ გრძნობს ადამიანი ისეთს ნათელ ანკარა კმაყოფილებას, როგორც დილით. ვინც ამ საუცხოვო მომენტით არ სარგებლობს, ის ცხოვრების განთიადს კარგავს.“

დილით მუშაობა ნაკლებად ღალატს ადამიანს. ყოველ დილას რომ ჩვეულებრივზე ორი საათით ადრე ადგე, მაშინ 40 წლის განმავლობაში იცოცხლებ 20000 საათს მეტს, ე. ი. თითქმის სამ წელიწად ნახევარს.

საქმე იმაში კი არ არის, რომ დიდხანს იმუშაო, არა! ეკონომიურად უნდა სარგებლობდე დროთი. ეგ ჩვეულება წემდევ ბუნებად გადიქცევა.

მთავარი პრინციპი ხელოვნებისა ის არის, რომ ერთი წუთიც კი არ დაკარგო; ტისოს სიტყვით, „საათებს კი არა, წუთებს უნდა უბრთხილდებოდეს ადამიანი“. სხვადასხვაფერო უნდა შრომა; ძალას ისე უნდა განაგებდე, რომ თანასწორად იყო მოშორებული როგორც სიზარმაცზე, ისე გადამეტებულ დაღლილობაზე. დროს გაწესრიგების ცოდნა დიდი ცოდნაა, რომელიც მილიონებითაც კი არ შეიძინება. კიუვიეს დღედაღამეში ყოველთვინ ცხრა საათი ეძინა, მუდამ ღებულობდა სახლში მეგობრებს და ნაცნობებს, მარა მან მაინც უკვდავი აღმოჩენები მოახდინა და ახალი მეცნიერება შექმნა.

გაოტემ უთვალავი ნაწარმოებნი დასწერა და უდიდებულესი პოეტო შეიქმნა გერმანეთში; მაგრამ მიუხედავად წარმოუდგენელი შრომისა, ის ყოველთვინ პოულობდა დროს საბაასოდ, სამოგზაუროდ და სხვ. ჩენი საუკუნის უდიდებულესი მეცნიერი, გუმბოლდი, 90 წლის მოხუცი იყო, რომ ჯერ კიდევ

სიხალისით მუშაობდა, მარა მაინც შოულობდა დროს, რომ ხშირად მეგობრული მასლათი გაემართა და პასუხი მიეცა იმ წერილებზე, რომელნიც მას ევროპისა და ამერიკის ყოველი კუთხიდან მოსდიოდა.

აი რას გვეუბნება ლაგრანჟი შრომის შესახებ:

„ერწმუნეთ, რამდენადაც კი რწმენა შეგიძლიათ, რომ კანონიერი ცხოვრება და შეძენილი ჩვეულებანი ხელს უწყობენ სულისა და სხეულის ჯანმრთელობას. თუ თქვენ სუსტად დაბადებულხართ, შეიძინეთ ღონე წმინდა ჰაერზე მუშაობით და საზრდოთ მცენარეული საქმელი იხმარეთ. თუ თქვენ თვით ბუნებით მომქმედნი ხართ, მაშინ „ხელოსანთვინაც“ იმუშავეთ: ვინ იცის, შეიძლება შემდეგ დაუძლიურდეს თქვენი ძალა, რადგან ის ბუნებრივად უმოძრაობას ელტვის.— განაძლიერეთ ვარჯიშობით ის ძალა, რომელიც უკვე გაქვთ.

თუ ამ პრინციპებით ვიხელმძღვანელებთ, მაშინ ჩვენ ბევრს რასმე წაგიკითხავთ მეცნიერების სხვა და სხვა დარგში, შევიძინებთ ღრმა ცოდნას, რომლის წყალობითაც გავხდებით სწორი დამატასებელი ჩვენი წინაპრების და თანამედროვეთა შრომისა და მივცემთ მათ ღირსეულს ადგილს“.

მიქელ ანჯელომ სთქვა ერთხელ: „ერთი ხაზი არ უნდა გაიყვანო ქალღმერთზე, თუ წინედ ის თავ-

ში არ გაქვს გაყვანილიო“. ეს აზრი ეკუთვნის შრომის ყოველგვარ ფორმას. ბევრი ემორჩილებიან ქარს—მეზობლის სიტყვას, შემთხვევას, ლაქიურ მიბაძვას, სიტყვით ყველაფერს, გარდა საკუთარი აზროვნებისა. ბევრს გაჰყავს ხაზი არა ისე, როგორც მიქელ ანჯელოს უნდოდა, არამედ ავტომატიურად, როგორც „ერთმა ცხვარმა დაიბლავლა, სხვებიც აყვენ, მისცეს ბანი“... ასეთი ადამიანები ნუ ელიან ნაყოფს. მთელი დღის შრომის შემდეგ მათ შეუძლიათ თქვან: „ჩვენ მთელი დღე ვიშრომეთ, მარა ამაოდ“.

ადამიანმა რომ მინდორი დაიმუშაოს, წიგნი დასწეროს, ეკკლესია ააგოს ან სხვა რამე ქმნას, მან ყოველთვის უნდა გაითვალისწინოს ამ შრომის წესი, რომ შემდეგ ყველა ძალები ერთად შეერთდენ და შრომა სიმეტრიულად მიიყვანონ ბოლომდის. ვინც უკვე მოფიქრებულად მიადგება რაიმე სამუშაოს, ის იშვიათად დაჰკარგავს არჩეულ გზას; ის არ დაშლის ერთხელ გაკეთებულს, რომ შემდეგ მის ნანგრევებზე ახალი ააგოს. ჩვენ ხშირად გვიკვირს, თუ როგორ შეიძლო რომელიმე პირმა მოკლე დროში ვეებერთელა შრომის შესრულება. მაგალითად, როგორ შეიძლო ტიციანემ ათასი სურათის დახატვა? როგორ შეიძლოს ზღუცანძმა, ვოლტერმა და სხ. მრავალმა ასი და მეტი ტომის დაწერა? როგორ შეიძლო კარდინალმა მეცნოფანტიმ

ურიცხვი ენების შესწავლა? როგორ შეიძლოა გალილიეიმ იმოდენა აღმოჩენების შესრულება? ამ სასწაულების საიდუმლოება. იმალება დროის ბრძნულ ეკონომიაში: ეგ აღამიანები წუთსაც კი არ კარგავდნენ..

ასეთი ჩვეულება (საქმის წეს-რიგის წინ-და-წინ აწონ-დაწონვა) იმდენად აჩქარებს საქმის მსვლელობას, რომ ბოლოს ის სასწაულად მოგვეჩვენება. ეს არის ყველაზე უწინ, განხორციელება პრინციპისა: იმუშავე, იმოქმედე აუჩქარებლივ.

„მეტყველი ცხოველების“ ავტორმა, თავისი წეს-რიგის წყალობით, ღრმა სიბერემდის დაიცვა წერის ნიჭი. ის ქვეშაგებშიაც მუშაობდა და სასთუმალს ყოველთვინ სათამაშო ქალაქი ედო. როცა დაიღლებოდა, იწყებდა თამაშს, სიცილს, ცეცქობას ბავშვივით მარტოდ-მარტო და შემდეგ ისევ მუშაობას უბრუნდებოდა.

როდესაც მატყუქი, შრომის დროს სიხარულის თავდავიწყებამდინ მიდიოდა, ის მიაშურებდა თავის თუთიყუშს და ელაზღანდარებოდა გაუგებარ ენაზე, სანამ კვლავ არ დამშვიდდებოდა და არ დაუბრუნდებოდა საქმეს.

ლოპე დე ვეგა, შესანიშნავი დრამატურგი ისპანიისა, ადვილად წერდა ღღეში ათასს ლექსს. ერთხელ მან და მისმა მოსწავლემ მონტალვანმა დასწერეს კომედიის თითო მოქმედება მესამე მოქმედე-

ბა კი შუაზე გაიყვეს. ყრმა პოეტმა, რომელსაც უნდა ეჯობნა თავისი მასწავლებლისათვის, ადგა შულამის ორ საათზე, დასწერა თავისი ხვედრი წილი თხზულებისა და გაემართა ლოპესაკენ. როდესაც თავისი მასწავლებელი ბაღში დაინახა უკვე გამოსული სამუშაოდ, მიაძახა: „მე გავათავე ჩემი წილი“. — მეც — უპასუხა ლოპემ. — „როდის? — „მე ხუთ საათზე ვადექი და კომედია დავასრულებ. რა დავინახე, რომ ჯერ კიდევ ადრე იყო, მე დავწერე ერთი ორმოცდაათ-კუბლეტიანი ლექსი, ვისაუბრე და მერე აქ მოვედი. ეხლა ესეც გავათავე, მარა გარწმუნებ, რომ ძალიან დავიღალე“.

ასეთი ნაყოფიერი და ჩქარი შრომა შესაძლებელია მხოლოდ მაშინ, როცა მშრომელი მტკიცედ იცავს ერთს განსაკუთრებულ წეს-რიგს. და ყოველს ადამიანს თავისი საკუთარი წესრიგი უნდა ქონდეს მუშაობის დროს, ისეთი წეს-რიგი, რომელიც უფრო შეეფერება მისი ქკუისა და ბუნების (темпераментъ) მოთხოვნილებას. ცუდი საქმე მოგვივა, თუ ჩვენ სხვის ბაძვას დავიწყებთ და თავის თავს კი არ გავიგებთ კარგათ.

ტიცინუსა და რუბენსისთან ერთად, რომელნიც წარმოუდგენელი სიჩქარით ქმნიდნენ ნაწარმოებს, ჩვენ ვხედავთ ლეონარდო და ვინჩის, რომელიც სულ ნელ-ნელა ხატავდა თავის სურათებს, თუმცა ესეც ისეთივე გენიოსი იყო.

რაც შეეხება დიდებულ ქუთით მუშაკებს, ერთმა ცნობილმა გიგინისტმა გამოთქვა მათ შესახებ, რომ ყოველივე მათგანს აქვს თავისი საკუთარი წესრიგი, რომელიც შეფარდებულია მათ გემოსთან, კვებასთან, ტვინისა და კუჭის მდგომარეობასთან და სხ. ამ მხრით დიდი განსხვავებაა სხვა და სხვა მოაზრეთა შორის. ზოგი მათგანი ხასიათის მთელი სიმტკიცით მისდევს აზრს, სხვები მხოლოდ იჭერენ მას, როცა ის თვითონ მოდის; ყველანი კი რაღაც „საკვირველნი“ არიან მუშაობის დროს.

ჩვენი საუკუნის დიდებული ქირურგის გელზოს წესრიგი უკვე დიდათ ცნობილია ყოველგან. აი რას ამბობს ამ დიდებულ კაცის სიმტკიცის შესახებ პარიჟის საავადმყოფოთა დირექტორი გიუსსონი:

„მე დაბეჯითებით ვამტკიცებ, რომ იმ ადამიანთა შორის, რომელნიც კაცობრიობის ტანჯვის შემსუბუქებას ცდილობდნენ, არც ერთი არ ეძლეოდა ამ საქმეს ისეთი თავდადებით, როგორც ველზო. ორმოცი წლის განმავლობაში მას მუდამ საავადმყოფოში ვხედავთ: ის არსად არ წავიდოდა, სანამ პირდაპირ მოვალეობას ჯერ არ აასრულებდა. საზოგადოების ან კომმისიის სხდომაზე ის ყოველთვის პირველად მოდიოდა. მე მხოლოდ ერთს კაცს ვიცნობდი, რომელსაც იგი ამ მხრივ წააგავდა, თუმცა მათ შორის განსხვავებაც დიდი იყო. ერთხელ

მედიცინის სკოლის ეზოში ორფაღასთან მივიდა ახალგაზრდა კაცი, რომელსაც სიჩქარისა გამო ოფლი სდიოდა, და აღელვებული გაჩერდა მის წინ. ორფილა შეჩერდა, ამოიღო საათი, დახედა ზედ და სთქვა: „მე თქვენ თორმეტ საათზედ უნდა მენახე; ეხლა კი პირველის ხუთი წუთი არის; მაშასადამე, წავიდა ის დრო, რომელიც მე თქვენთვის უნდა შემომეწირა. ხვალ მობრძანდით იმავე დროს“. ეტლი ბჟის-კართან უცდიდა მას, ისიც უცებ ჩაჯდა შიგ და თვალთაგან მიეთარა. მხოლოდ ჩვეულების ასეთი სიმტკიცით აიხსნება ის გარემოება, თუ როგორ შეიძლო ველბომ იმოდენა შრომა საავადმყოფოში, კლინიკური მეცადინეობა, აუარებელი კლიენტების ყოლა და ბოლოს კიდევ ურიცხვი წერილების დაწერა. ყველაფერი მის მიერ გამოქვეყნებული მისი საკუთარი ხელით არის დაწერილი. როდესაც მას ეტყოდნენ, რომ ესა და ეს ექიმი ძალიან გართულია საქმეში და საწერად ვერ მოიცალაო, ის მხოლოდ ირონიულად გაიღიმებდა.

მხოლოდ მანუციაო ყოველ ალთაგას წერდა. სტრიქონებს შუა ის ოთხ დიუიმ ალთაგს სტოვებდა, რომ შემდეგ კარგად გაესწორებია. ღამარტინი ყოველთვის წითელი კარანდაშით სწერდა, რომ მელანში ჩაწებაზე ბევრი დრო არ დაკარგოდა. ბენტჰამი და შატობრანსი სწერდნენ ქალაღდის პატარ-პატარა „ნახევებზე“ და შემდეგ ერთად აგროვებდნენ მათ,

როგორც აფთიაქრები აგროვებენ ხოლმე „რეცეპტებს“. ასევე იქცეოდა დიდებული ღინეიც, როდესაც თავის უკვდავ ნაწარმოებს ქმნიდა. მონტენი ჩაიკეტებოდა ციხეში და იქ თავისუფლად იმუშავებდა თავის იდეებს. რუსსო თხზავდა მინდორში, სხვა და სხვა ბალახების გროვების დროს, ასე რომ, როგორც თვითონ თქვა, მან თავისი ნაწარმოები შექმნა მაშინ, როცა თავი თივით ქონდა გატენილი. მონტესკაემ თავისი თხზულების „კანონების“ დასაწყისი ეტლში დაწერა. მილტონი მუშაობდა ყოველთვის ღამით; სავარძელში იჯდა და თავი უკან ქონდა გადაწეული. ბოსსიუეტი წერდა ყოველთვის ცივ ოთახში და თავზე „გამაცხელებელი“. კომპრესებით. ფოქსი სადილს შემდეგ ჩაიკეტებოდა თავის ოთახში, დაიდებდა თავზე ძმარში დასველებულს ტილოს, და ამ გვარად ათ საფთაძვე შეეძლო წერა. როდესაც მატეიურენს მუშაობის მუხა მოუფრინდებოდა, ის მაშინვე ქალაქს დაიწებებდა შუბლზე, რომ მოსამსახურებს დაენახათ ვე და მისთვის ხელი არ შეეშალათ.

ნაშოლუონსაც აზროვნების საკუთარი წეს-რიგი ქონდა; როდესაც ის რჩევაში არ იყო, გავიღოდა ბაღში, წაიყვანდა თან თავისს „კამერდინერს“, მოყვებოდა რაღაც „სისულელეს“, ან მღეროდა დაბალის ხმით, ან და კიდევ—თავისი სავარძელის ზედპირს კრიდა ჯიბის დანით. მაშინ ის მოგაგონებდათ.

უზრუნველ ბავშს, მარა იგივე ნაპოლეონი უცებ გამოიცივლებოდა და არდგენდა პროექტებს, რომელთაც გაკვირვებაში მოჰყავდა მთელი მსოფლიო.

ნიუტონს ასე ასურათებდა თავის წეს-რიგს: „მეცოველთვის წინ მიღევს გამოკვლევის საგანი და მხოლოდ ვუცდი, თუ როდის გარდიქცევა პირველისიბნელე სრულ ანკარა სინათლედ“. ამას იგი „აუჩქარებელ აზროვნებას“ უწოდებდა.

ჯალტერ სკოტის აზრით, ადამიანმა უნდა იმუშაოს დღეში ხუთი-ექვსი საათი, რომ რაიმე ორიგინალური შრომა შექმნას; მეტი კი—ძალდატანებული არის, და არც ელირება დიდ ფასად. ეს დიდებული ადამიანი მოკვდა ერთი სენისაგან, რომელიც მისი უზომო შრომის შედეგი იყო. ამ შრომას კი მას აიძულებდა შევიწროებული ეკონომიური მდგომარეობა.

მხატვართა შორის აქ დავასახელებთ ლეონარდო და ვინჩის, რომელიც თავისს „სერობას“ ხან ისე ჩქარა ხატავდა, რომ საქმელიც კი ავიწყლებოდა; ხან კი რამოდენიმე დღით სულ ანებებდა თავს სურათს, და დღეში მხოლოდ ერთ-ორ ხაზს გაუსვამდა რომელიმე მოციქულს. გვიდო ტენი ხატვის დროს მდიდრულად ირთვებოდა, ოთახსაც კარგად აწყობდა, შემოიხვევდა გარს მოსწავლეებს, რომელნიც ხმასაც კი ვერ იღებდნენ ამ დროს, და ისე ეძლეოდა მუშაობას. ამ მხრივ მას ძალიან წააგავს ბიუფ-

ფონი, რომელიც ხატვის დროს ძვირფასს ხელთათმენებს და მშვენიერ ტანისამოსს იცვამდა. ტენიერი შემოიწყობდა გარშემო სურათებს, რომელთაც „Dopo cena“-ს („ვახშმის შემდეგ“) უწოდებდა.

მუზიკანტებიც—ორიგინალური მუშაკები არიან. სატრი თხზავდა სრულს სიბნელესა და სიჩუმეში; ჩიმპაროზა, პირიქით, სინათლესა და ხმაურობაში; ჰაესიელის მოუფრინდებოდა მუზა მხოლოდ მაშინ, როცა ის საბანში გაეხვევოდა; საკვინი სტკებოდა, როცა კატების თამაშს ადევნებდა თვალყურს; რუსსინმა თავისი უკეთესი თხზულებანი სადილის დროს დასწერა და სხ.

მე ჩამოვთვალე „ახირებულებანი“ დიდებული მუშაკებისა, არა იმიტომ, რომ მათ შეეძლოთ შრომის ნამდვილი წეს-რიგის ჩვენება, არამედ იმიტომ, რომ თუნდა მარტო ამით დავამტკიცოთ, რომ ყოველს ადამიანს უნდა ქონდეს თავისი საკუთარი წეს-რიგი, ყოველი ადამიანი უნდა მიდიოდეს თავისი საკუთარი გზით, რომ სიმდიდრე და სახელი შეიძინოს და განაძლიეროს ის ძალები, რომლებიც მას ბუნებამ მიანიჭა.

ძალა—ეგ არის ჩვენი უდიდესი და უსაჭიროესი სიმდიდრე. ის უნდა მოხმარდეს საქმეს; უამისოდ ყოველი ნაწილი ამ ძალისა იქმნება მკვდარი, „უსიცოცხლო“ სიცოცხლის ნაწილი. დაუკვირდით თავის თავს, შეაგროვეთ ჯერ ერთად თქვენი ძალები,

მერე დაყავით ის ნაწილებათ, და ყოველს ნაწილს მიეცით თავისი საქმე—ეგ იქმნება დიდი ხელობის საფუძველი. ეგ ნიჭი ქონდა ფრანკლინს და სხვა მსოფლიო მუშაკებს.

როდესაც თქვენ ისწავლით ყოველივე შრომის დაკვირვებას, როდესაც თქვენ თქვენი სახელოსნოს ყველა იარაღებს წეს-რიგში მოიყვანთ, როდესაც თქვენ მომავალი შენობის ყველა ხაზებს წარმოიდგენთ, მაშინ ეცადეთ, რომ ეგ თქვენი წეს-რიგი, თუ იგი ბოლოს სასარგებლო გამოდგეს, ჩვეულებად გარდაგექცესთ. ჩვეულება აადვილებს ძნელს, ძვირფასად ხდის მას, რაც „სულ ერთია“—ერთი სიტყვით—მეორე ბუნებად იქცევა. გაგვიადვილებს რა დღითი-დღე შრომას, ის შეგვიმსუბუქებს აგრეთვე სიმძიმეს, რომელიც ხნოვანობას და წლებს თან მოყვება. თქვენ უკვე იცით, თუ რამდენი შესანიშნავი შრომა შეუქმნიათ 70 წლის მოხუცებს.

განა ღირს წუხილი იმაზე, რომ ხნოვანებით ჩვენი კუნთები მოდუნდებიან, რომ გაგვერევა თუ არა თავში თეთრი თმა—ალარ გაგვიღიმებენ ქალები, რომ სათვალეები და ხშირად ყავარჯენი უნდა ვექებოთ? რად უნდა ვიოხვროთ, თუ კი გონება მაინც ანთებული გვექმნება? თუ კი ჰქვია წინანდებურად განაგრძობს მუშაობას, და თუ კი ჩვენ შეგვრჩება ძვირფასი და ერთად ერთი ნიჭი შრომისა? აღამიანი, შრომის ნიჭით დაჯილდოებული, მუდამ

ახალგაზრდაა, მუდამ აქვს უფლება თავი მალწა ექიროს და აცხადებდეს, რომ ის არ არის საზოგადოების ხარკი.

ბედნიერნი არიან ის ადამიანები, რომელთაც ჩვეულება შრომისადმი საქიროებათ გარდაქცევია. იმათთვის სიბერეშიაც კი ადვილი და სასიამოვნო არის შრომა, რომელსაც ხშირად ახალგაზრდებიც კი გაურბიან. არაფერი არ არის უფრო ცუდი იმისა, როცა მუშაობას წყვეტავთ და დიდ-ხნობით ისვენებთ. მოიგონეთ ვიქტორ ჰიუგოს სიტყვები: „უსაშიშროესია უწეს-რიგო, „ნაწყვეტ-ნაწყვეტი“ შრომა“.

შეუძლებელია ნაყოფიერი შრომა, თუ მას ორი თანამგზავრი არა ჰყავს: სიბეჯითე და „ხალისი“. პირველი არ გადაგვახვევინებს ერთხელ არჩეული გზიდგან, მეორე კი—ცეცხლია, რომელიც ჩვენ გვათბობს. ასეთ მოკავშირეებთან ერთად შრომა ყოველთვის ბედნიერების, კეთილმდგომარეობის და სახელის სინონიმი არას. ვერც ერთს დიდებულს საქმეს ვერ შეასრულებთ, თუ მოთმინება, სიმტკიცე, სიბეჯითე და „ხალისი“ არ მიგიძღვება წინ.

ყველამ იცის, თუ რამდენჯერ გადააკეთა არიოსტომ თავისი ლექსი: „ქალწული ვარდს გავს“. ჯიბგილიაღსი ხშირად მთელს დღეს ანდომებდა რამოდენიმე ლექსის გასწორებას, და აღფიქრნი თავს ევლებოდა თავის ტრაგედიებს.

ანტონიო დე ლასსალმა სთქვა: „იმუშავეთ ყოველთვის ენერგიითა და მზრუნველობით; ვინც შრომას იწყებს, ის მხოლოდ მოწაფეა იმისი, ვინც მას უკვე ათავებს“.

ერთხელ ნიუტონს კითხეს, თუ როგორ შეიძლო მან ამოდენა აღმოჩენების შესრულებაო, და მან გულახდით უპასუხა: „მე მხოლოდ და მუდამ მათხედ ვფიქრობდიო“. ეს ჩვენ გვაგონებს ჰუსსენას პასუხს. როდესაც მას კითხეს—„როგორ მიადწიე შენ ასეთს სისრულეს სურათების ხატვაშიო“—მან უპასუხა: „მე ერთი ხაზიც არასოდეს არ გამიშვია მხედველობიდანო“.

დეტუმ თავისი ისტორიის პირველი ოთხმოცი ტომი დაბეჭდა მხოლოდ 15 წლის გამოკვლევის და 12 წლის სწორების შემდეგ. ლაფონტენმა პირველი ტომი თავისი არაკებისა გამოაქვეყნა მხოლოდ მაშინ, როცა ის 46 წლის იყო; მეორე ტომი კი 10 წლის შემდ. მოდიერი 42 წლის იყო, როცა პირველი ღირსეული კომედია „ქალების სკოლა“, დაბეჭდა. თვით გოლტემაჯ კი, რომელსაც ცოტა მოჯიბრენი ყავდა ჭკვით მოქმედებაში, უთხრა ერთხელ ანჟანტალას: „მე გავათავე ტრაგედია, მარა დაქვენ კარგად იცით, რომ ის არ არის ჯერ მზად. — ჩემი ექვსი დღის დათვი ექვს თვეს თხოულობს მოსაშინაურებლად“.

ფრანკლინმა თქვა: „დრო—ფულია“, ხოლო მეორე დიდებულმა მწერალმა დაუმატა: „და დიდება“ (სახელი).

ჩვენი საუკუნის სენი, რომელიც უთვალავ ნაწარმოებთა ჩქარა შექმნაში მდგომარეობს, აძლევს ქვეყანას მხოლოდ „უსუსურს“, შრომებს, რომელთაც არ უწერიათ ხანგრძლივი სიცოცხლე. ეგ სენი თავის-თავად გაივლის, როცა პროგრესიულ კულტურასთან ერთად მკითხველის გემოვნებაც განვითარდება.

მაშ ვიმუშაოთ, რადგან შრომაში იმყოფება სიმდიდრე და სიხარული. მარა ვიმუშაოთ, განსაზღვრული წეს-რიგით. განსაზღვრულ სიმეტრაში გვეპყრას საუნჯე, რომელსაც მოთმინება, „ხალისი“, წესი და სიმტკიცე ეწოდება. ჩვენ დავინახავთ, რომ გოარკეცდება ჩვენი შრომის ფასი. ბედნიერება— ჩვენი საკუთარი ხელების საქმეა; ჩვენში იმალება ჩვენივე ბედის საიდუმლოება; ბედის, რომელიც სულ სხვა და სხვანაირია. ქარი ყოველი მხრიდან ქრის, მარა ადამიანი ყოველს მხარეს უმკლავდება ქარიშხალს. ბუნება ადამიანის ღარიბი ქოხისაკენ გზავნის მებს, მარა ადამიანმა „მეხის ამცდენი“ მოიგონა. ბუნება ტიტვლებად და სუსტებად გვქმნის ჩვენ, მარა ადამიანი მთელი საუკუნე სცხოვრობს,

სცხოვრობს სენეგალზე და ესკიმოსებს შორის; ლონ-
დონში ის საუბრობს თავის მეგობარზე, რომელიც
ციმბირში ან კალკუტაში იმყოფება; ის ქმნის მუ-
სიკას და იკვლავს ლითონებს თვით მზეზედაც. და
ყოველივე ეგ შესაძლო შეიქმნა მხოლოდ სისტემა-
ტიური შრომის წყალობით.



თ ა ვ ი VIII.

მათხოვრები და პარამიტები.

მათხოვრობა — უსწრაფესი სკალაა ეკლესიათა. — არ იყოს
მათხოვრები! — დიდებულნი კაცებისა არიან მათხოვრობაზე. —
მათხოვრები ძიანებში და მათხოვრები სულთ. — სწრა-
ვად დაგმობა მათხოვრობისა. — მომავლის განთავადი.

შეხვედებით ადამიანს, რომელიც
ნაყოფიერ ნიადაგზე ცხოვრობს და
სამოწყალოს კი თხოულობს.

ჰომეროსი.

თუ გინდათ, რომ მათხოვარი არ
მათხოვრობდეს „გაადამიანეთ“ იგი.
ვიქტორ მოლესტი.

როდესაც მდიდარის და ძვირფასად მორთულის
ქალაქის ქუჩაში დავდივარ, მე შევეყურებ მხიარულ,
მომღიმარე ცას; და უცებ ვეფეთები ადამიანს, ძონ-
ძში გახვეულს, — ის მიშვერს ხელს და მოწყალებას
მთხოვს. მაშინ მე ძლიერს ტკივილს ვგრძნობ გულში
და სიმწარე მივსებს სულს; მე ძალა-უნებურად
ვიხედები გარშემო და ყოველი ადამიანი უცხო,
უცნობი მგონია.

მათხოვართან შეხვედრის დროს ზოგნი კაპიკით

ინთავისუფლებენ თავს, ზოგნი მხოლოდ მხრებს აიჩეჩენ და განაგრძობენ გზას. მე კი არც ერთისა და არც მეორის ქმნა არ შემიძლია. კაპეიკის მიწოდება მე მეჩვენება დანაშაულობად, ან ძვირფას ნივთად, რომელიც სიღარიბის ოკეანეში დაღუპულა, ან ძვლად, რომელსაც მშიერს აწოდებენ, ან კიდევ განუკურნავი სენის ექიმობად. მეორეს მხრით, უარის თქმა სამოწყალოს მიცემაში—ეგ არის შეგინება სიღარიბისა და შეურახყოფა ტანჯვისა. უდიდესი გრძობა ამ დროს კი—ეგ არის სირცხვილი ჩემი ქვეყნისა, ჩემი დროისა და თვით ჩემი თავისათვის, რადგან მე ვარ წევრი საზოგადოებისა, რომელიც ხელაფს და ითმენს ადამიანის ბუნების ასეთ დამახინჯება—დაქვეითება-დაცემას.

თუ პაუპერიზმი ერთი უძნელესი საზოგადო კითხვათაგანია, რომლის გამოკვლევაზე ყველა გულშემატკივარნი ზრუნავენ, იმ შემთხვევაში მათხოვრობა სამწუხარო გამოხატულებაა ამ პაუპერიზმისა. ეს არის დამპალი მყრალი ქრილობა, განგებთვალსაჩინოდ გამოფენილი საზოგადოების წინ. ეს არის უბედურება;—ყოველივე ზნეობრივ აზრს მოკლებული; ეგ არის უსირცხვილო სატანჯველი. ადამიანი, რომელიც მათხოვრობს, მოკლებულია თავისი საკუთარი ღირსების ცოდნას. სამზღვარ-გარეთელს, რომელიც ქალაქის მდიდარ ქუჩებში ათობით და ასობით შეხვდება მათხოვრებს, უსირცხვილოდ ხელ

გამოშვებულეებს, უფლება აქვს სთქვას: „ეს ქვეყანა არ გამოსულა ჯერ კიდევ საშვალო საუკუნოების მდგომარეობიდან; ამ ნაციას ვერ ეწოდება ჯერ დიდებული ნაცია“.

ველურ ხალხებს ქუჩებში გამოყავთ თავიანთი ავადმყოფნი, რომ გამვლელმა რითიმე დაეხმაროს, ან რაიმე კეთილი რჩევა მისცეს. და განა თქვენ სხვა რიგად იქცევით? თქვენ ველური არ ხართ, მაგრამ მაინც გამოგაქვთ ქუჩაში თავისი ჭრილობა— პაუპერიზმი. თქვენ გამოგყავთ თქვენი გლახაკები ქუჩებში, მოედნებზე, ეკკლებსებში და გამვლელ-გამოვლელის ხარჯით არჩენთ (კვებავეთ) მათ. მაშასადამე, თქვენ ჰგეგხართ ველურებს: თქვენ ნებას აძლევთ სხვებს, რომ მათ დასცინონ ღირსებას იმ ნაციისას, რომელსაც თითონ ეკუთვნით.

ზნეობრივად გათახსირებულა ის ადამიანი, რომელსაც მუშაობა კი შეუძლია, და მაინც სხვას უშვერს ხელს უსირცხვილოდ და უსინიღისოდ; იცა პატრონების, დანაშაულობის და ცოდვების საზღვარზე სდგას. თუ კი მან მათხოვრობა ხელობად (პროფესიად) გაიხადა, იგი ყოფილა ზნეობრივად ვად გახრწნილი და მეწე წევრი საზოგადოებისა, რომელიც მას ითმენს. საზოგადოებამ უნდა განკურნოს იგი, ან აღზარდოს, ან და მთლად მოიკვეთოს და განაძეგოს, ვითარცა პარაზიტი. საზოგადოება, რომელიც ითმენს მათხოვრობას, პასუხის

მგებელია ყველა იმ დანაშაულობათა და უბედურებათათვის, რომელნიც წარმოუშობია უსაქმო ხალხს, იმ ხალხს, რომელიც ბუნების მთავარ კანონს არღვევს, იმ ხალხს, რომელიც თავისი პირადი ღირსების დამცირებით ცხოვრობს...

როდესაც ზოგჯერ ჩემნი ლოლიკა ადგილს უთმობს გულმტკივნეულებას, და მე მათხოვარს თავისს წვლილს ვაწოდებ, მაშინ არ ვიცი, ვინ უფრო იმცირებს თავს: მე თუ მათხოვარი, რომელიც მასღებულობს. თუ რომ ჩვენი თანამედროვე საზოგადოების დაკნინებულმა ორგანიზმმა შექმნა პარაზიტი, რომელსაც მათხოვარი ეწოდება, იმ შემთხვევაში მე, განათლებული კაცი, რომელიც ჩემი საკუთარისა და ჩემი წინაპრების შრომის ნაყოფით ვსარგებლობ, ვერ უნდა ვითმენდე მას, ამ პარაზიტს. და თუ მე მას ცხოვრებისა და გამრავლების საშუალებას ვაძლევ, მეც მონაწილეობას ვიღებ საზოგადოების დანაშაულობაში. როდესაც თქვენ რომელიმე მყრალ სახლში შედიხართ, განა თქვენ მარტო მოსამსახურეებს სდებთ ბრალს უსოფთაობაში და არა მასპინძელს? როდესაც თქვენ ტალახიან გზაზე მიდიხართ, განა თქვენ გზას სდებთ ბრალს და არა ადამიანებს, რომელთაც ის არ გაუმშრალვიათ?

ყოველივე კეთილ განწყობილ განათლებულ საზოგადოებაში მოქალაქები მოკავშირებათ ითვლებიან: მათ ერთი სისხლი; ერთი და იგივე მაჯის ცემა

აქვთ. ღარიბის სირცხვილსა და უბედურებას მდიდარი და პატიოსანი გრძნობს, სწორედ ისე, როგორც ცოდვები და ძრახვანი „ძლიერთა ამა სოფლისათა“ ჩრდილავენ საზოგადოების საფეხურს, ე. ი. მუშას და გლეხს. არ კმარა, რომ ადამიანი განკერძოვდეს საზოგადოებიდგან არისტოკრატის სახით. არ იკმარებს, რომ შენ შეიკმუხვნო შუბლი, ასწიო ცხვირი და წარმოსთქვა: „ეგ უბედურება სრულებითაც არ მცხება მეო.“ უბედურება — ეგ თქვენი ტანსაცმელია, თქვენი პურის ნივთიერებაა, თქვენი ტანის ხორცია. განკერძოვდით, რამდენიც გნებავთ ამ სოციალური ტალახის „ნაშხეფები“ მაინც მოგხვდება თქვენ, მაინც შეუერთდება თქვენს ძარღვებს.

მათხოვარი—ეგ პარაზიტია, რომელიც დაბადებულია და აღზრდილია ტალახსა და სიბნელეში; მიეცით მას სისუფთავე, სინათლე—და აღარ იქმნება პარაზიტი. მათხოვარი—ეგ ჯოჯოა, რომელიც დაიბადა და ცხოვრობს გაუგებრობისა და უზრდელობის წუმპეში; გააშრეთ ეგ ქაობი, გაანაყოფიერეთ მიწა და გაქრება ჯოჯო. ლაცარონები ბურბონის დიდი ქაობის პარაზიტები იყვნენ. თავისუფალმა იტალიამ გაამშრალა ეგ ქაობი, და გაქრენ ლაცარონებიც. და თქვენ წარმოიდგენთ კი, თუ რამდენი სარგებლობა მიუტანა იტალიას ამ მოვლენამ? თუ თქვენ არ გააშრობთ წუმპეს, სადაც ჯოჯო დაბინადრებულია, თუ თქვენ არ დასწვავთ ბუჩქს, სა-

დაც გველი დაბუდებულა, მაშინ, რასაკვირველა, თქვენი უზრდელობის, თქვენი მოთმინების წყალობით გველებიც გამრავლდებიან და ჯოჯოებიც.

ადამიანი, რომელიც ძონძებში დადის და მოწყალეობას თხოულობს, წარმოადგენს უზნეობის სკოლას ბავშებისათვის, მუშებისათვის, ერთი სიტყვით, ყველასათვის, ვინც კი მახლობლად დადის და მას ზიზღით თუ გულმტკივნეულად უყურებს.

ბავში, რომელსაც მშობლები, ფულს აძლევენ მათხოვრებისათვის დასარიგებლად, ითვისებს ცრუ რწმენას, რომ სამოწყალოს გაცემა ერთად-ერთი საშუალებაა გლახაკების დასახმარებლადო. ბავში, რომელიც მუდამ ხედავს უსირცხვილოდ ხელოვნურად რილს ქალსა და კაცს, და რომელმაც არ იცის, თუ იგინი განგებ იგლახაკებენ თავს,— ითვისებს ადამიანის ღირსების დაბეჩავება-დაქვეითებას. ხშირი შეხვედრა ისეთ ადამიანებთან, რომელთაც სირცხვილნამუსი დაუკარგავსთ, რასაკვირველია, კარგად ვერ იმოქმედებს ბავშვებზე, რადგანაც საღ ადამიანს შეუძლია პური მოსთხოვოს სხვას მხოლოდ მაშინ, თუ იგი შრომის პირობას წარმოადგენს.

მუშა და გლეხი გლახაკ-მათხოვარში ყოველთვის ცინიზმისა და უზნეობის სკოლას ხედვენ. ისინი შრომობენ, ოფლითა თვისითა პოულობენ პურს, და ამ დროს ვინმე მათხოვარი სტაცებს მათ და ფლანგავს სამიკიტნოში; ამასთან ხშირად კიდევაც

დასცინის მათ, ვინც მოწყალება აღმოუჩინა. და ხშირად უკეთესნი მუშებიც, როცა მას ხედავენ, ფიქრობენ—რომ, თუ საქმე ძალიან გასჭირდა, მათაც შეუძლიათ ესევე: შემდეგ ისინი ნელ-ნელა კარგავენ რწმენას, ენერგიას და იბნევიან სიკეთისა და ბოროტების პრინციპებში.

მათხოვრობა ბადებს დანაშაულობათ; მათხოვარი უფრო ხშირად ქურდდება და ავაზაკდება. და თუ გვინდა, რომ პაუპერიზმი მოვკვეთოთ ჩვენს სოციალურ სხეულს, ყველაზე უწინ უნდა გავაქროთ მათხოვრობის იარა და გავაშროთ ქაობი—რომ ნიადაგი ნაყოფიერი და მდიდარი შეიქმნას.

ამ თავს, რასაკვირველია, მათხოვარი ვერ წაიკითხავს, რადგან იმათ, მცირე რიცხვს გარდა, სულ არ იციან წერა-კითხვა. მე დავწერე იგი საშუალო და მაღალი კლასების პატროსან და შრომის მოყვარე წრეებისათვის, რომელთაც უნდა ეზიზღებოდესთ პარაზიტები; დავწერე იმათთვის, ვინც საზოგადოებრივი მექანიზმის გაუმჯობესებაზე ზრუნავს; თავისუფალ ქვეყანაში, როგორც მაგალითად ჩვენში, (იტალიაში) ყველა მოქალაქენი თანასწორნი არიან კანონის წინაშე. და უნდა შერცხვესთ ხალხის წარმომადგენელთ, თუ იგინი ყოველივე ღონეს არ ხმარობენ მოსასპობლად იმ მოვლენისა, რომელსაც მათხოვრობა ეწოდება. იმის მაგიერ, რომ „წითელსა“ და „შავს“ პარტიაზე იფიქროთ, იმის მაგიერ, რომ

ეურნალების და გაზეთების პოლიტიკურ მიმართულებათაზე იხეთქონ თავი, რა გიჭირსთ, რომ იზრუნოთ თქვენის ქვეყნის გაწმენდაზე და ცივილიზაციის პროგრესიული ნიადაგის მომზადებაზე; აი ამაზე უნდა ზრუნავდეს თავის სფერაში ყველა. ყოველ დღე ერთსა და იმავეს გაიძახიან, რომ საზოგადოებრივი აზრი განაგებს ქვეყნიერობასაო; მართალია, ის გვიჩვენებს ჩვენ წაბრძოლადგენლებს, გვაძლევს მინისტრებს, კანონებს და სხ., მარა ამავე დროს ყველას ავიწყლებს, რომ თვითეული ჩვენგანი შეადგენს ამ საზოგადოებრივი აზრის ნაწილს, რომ შეკრებილება იმათას. შრომის-მოყვარე მოქალაქეთა, რომელნიც თრთოლვით იცავენ თავიანთ ღირსებას, შეადგენს ერთს პატიოსანს, მდიდარ და პატივსადებ ნაციას. ჩინელები გაეცალენ ამერიკას იმიტომ, რომ დიდი წილი მუშათა რამოდენიმე წლის განმავლობაში ყვიროდა: არ იყოს „კულიებიო!“ და მათხოვრობაც გაქრება, სხვა საზოგადოებრივ კრილობებთან ერთად, თუ კი ინტელიგენტი და პატიოსანნი აღამიანები მუყაითად შეუდგებიან ქვეყნის გაწმენდას იმ ტალახისაგან; რომელიც ჩირქს სცხებს ჩვენი საზოგადოების მექანიზმს.

მაშ არ იყოს მათხოვრობა! თვითეულმა ჩვენგანმა თავისი საკუთარის ან წინაპართა შრომით ირჩინოს თავი! საზოგადოების ზრუნვის საგნად გახდენ მხოლოდ ისინი, რომელთაც ჯანმრთელობა, ძალა

და ქკუა აკლიათ; იმათ აღარ შეუძლიათ გამოცდა იმ ნეტარებისა, რომელსაც ადამიანი გრძნობს შრომის დროს, თუ კი იგი (შრომა) მისივე სასარგებლოდ არის მიმართული. ნუ დაინახავს მუშაკაცი ადამიანის ღირსების საზოგადოდ გათეღვას.

ყოველმა ადამიანმა ჩაიწეროს თავის ქკვაში შემდეგი სიტყვები დიდებულ მოაზრეთა:

არც ერთი პროექტი ღარიბთა დახმარებისა არ არის ჩვენი ყურადღების ღირსი, თუ მას სახეში არ აქვს, ჩააყენოს საწყალი ისეთ პირობებში, რომ მას შემდეგ აღარ დასჭირდეს ნივთიერი დახმარება.

რიკარდო.

მე მგონია, რომ საუკეთესო საშუალება შეწევნისა მდგომარეობს არა იმაში, რომ დაეხმარო ღარიბს გაჭირვების დროს, არამედ იმაში, რომ ის სრულიად გამოიყვანო ამ მდგომარეობიდან.

ფრანკლინი.

ქველმოქმედება, რასაკვირველია, მაკურნებელი საშუალებაა; მაგრამ უკეთესია, რომ ადამიანი გაურბოდეს სენს, ვინემ შემდეგ სამკურნალო საშუალებას ეძებდეს.

დიუშატელი.

საშიშია საზოგადოებრივი შემწეობის გაძლიერება, თუმცა ის, პირველი შეხედვით, ადამიანის გამომხსნელია უბედურებისგან. ქველმოქმედებას თავისი კლედეები და ღრეები აქვს.

დე-მელიუნი.

გულკეთილობა, რომელიც მარტო სამოწყალოს გაცემაში გამოიხატება, მხოლოდ მთარველობის გაწევაა მათხოვრობისათვის.

გოლოუსკი.

თქვენ მიზეზი იკვლიეთ, და შედეგი თავის თავად მოვა.

თუ თქვენ არ გინდათ, რომ მათხოვრები გყავდესთ, შექმენით „ადამიანები.“

ვიქტორ მოდესტი.

არა მარტო ის არის გლახაკი—მათხოვარი, ვინც ძონძებში გახვეული ქუჩაში დგას, ტვერს ყლაპავს და კაპეიკს თხოულობს; არიან მრავალნი მათხოვარნი, რომელნიც მშვენივრად და მდიდრულადაც იცვამენ. მათხოვრად ვთვლი მე ყველა იმას,

ვინც არა თავისი ან თავისი წინაპარის, არამედ საზოგადოების შრომით და მოწყალებით ცხოვრობს.

მათხოვრები არიან ისინი, რომელნიც სასამართლო ადგილებს ეტანებიან მხოლოდ მიტომ, რომ მათი საქმე სამოწყალოს გაწესრიგება ჰგონიათ.

გლახაკები არიან ისინი, რომელნიც თაყვანს სცემენ მდიდართ და ცნობილთ იმ მიზნით რომ მათთან კარგად ისაძილონ.

გლახაკები არიან ისინი, რომელნიც კარგს სწერენ ვისმეზე მიტომ, რომ მათგან სამაგიეროს გამოეღიან.

მათხოვრები არიან ყველა ისინი, რომელნიც ვალებში ცხოვრებენ; სესხულობენ მეგობრებიდგან, თერძსა და მეწაღეს არ აძლევენ თავიანთ წილს; ნასესხები და ნათხოვნი ფულით თეატრში დადიან, იმდაბლებენ თავს, ზურგს ხრიან მიწამდე.

მათხოვრები არიან ისინი, რომელნიც ლაქიობენ სახლებში „ძლიერთა ამა სოფლისათა“, და სტყუებენ მათ ორდენებს, ადგილს, კათედრას და სხვ....

მათხოვრებათ ვთვლი მე ყველა მათ, რომელნიც ცხოვრობენ არა თავისი ხელისა თუ ქკვის ძალით, არამედ ძლიერის და შეძლებულის ადამიანის მოწყალებით, იმ შეძლებულის ადამიანის, რომელ-

საც სირცხვილით და არა შრომით მოუპიებია. ის, რაც აქვს.

განათლებული ქვეყანა უნდა ცდილობდეს, რომ თავი იხსნას ყოველგვარი გლახაკებისაგან, რომელნიც ერთმანეთისგან მხოლოდ ტანსაცმელით განსხვავდებიან და არა ხასიათით. უნდა ცდილობდეს, რომ აღმოფხვრას ძირები პარაზიტებისა, რომელთაც საზოგადოებრივ ცხოვრებაში დაუბუდნიათ. ყოველმა თქვენგანმა ზურგი შეაქციოს ამ პარაზიტებს, როგორც რომელიმე გასვრილს ცხოველებს, და ეს ზიზღი იქმნება სასჯელი იმ ადამიანისა, რომელსაც არ შეუძლია ხმამაღლა დაგვისახელოს თავისი სი-ცოცხლის გზა-საშეაღება.

ვეცადოთ, რომ გავსწავინდეთ ჩვენი ქალაქების ატმოსფერა და ამგვარად შეუძლებელი გავხადოთ მასში პარაზიტების დაბუდება. ვეცადოთ, რომ ყოველ ადამიანში გავადლიეროთ საკუთარი ღირსების გრძნობა; რომ ეს გრძნობა განათლებულისა და მდიდარი კლასებიდან მუშის ქონებაშიც გადავიდეს; რომ უკანასკნელი თავის სახელოსნოში ისე კეთილ-შობილად და დიადიდ გრძნობდეს თავის თავს, როგორც მდიდარი გრძნობს თავის სალონში; რომ ყოველი თავმდაბალი მუშაკი თავის თავს ყოველივე თავმომწონე უსაქმურ ვაჟბატონზე მაღლა გრძნობდეს, რომ ყოველგვარი პარაზიტები აღვივლ იქმნან

პირისაგან ქვეყნისა. ჩვენ გვრწამს, რომ ასეთი დრო დადგება, და ამიტომ იმედით ვიმეორებთ ფიქსას ღვთიურ სიტყვებს:

„ოღონდ განთიადი ვიხილოთ, და დღე თავის თავად დადგება, სინათლე კი ყოველთვის გამარჯვებულია“.

ხიდისთავი
თებერვალი 1901 წ.

